



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

UC-NRLF



\$B 196 784

Koffler




JOHANNIS KOFFLER
HISTORICA
COCHINCHINAE
DESCRIPTIO.

IN EPITOMEN REDACTA
AB
ANSELMO AB ECKART.

EDENTE
CHRISTOPHORO THEOPHILO DE MURR.

NORIMBERGAE,
APUD MONATH ET KUSSLER.
MDCCIII



LOAN STACK

Diese Kopie wurde nur zum eigenen und persönlichen Gebrauch angefertigt (§§ 53, 54 des Urheberrechtsgesetzes der Bundesrepublik) und darf nicht für gewerbliche Zwecke verwendet werden

Joannes Kofflerus a) Anselmo Eckarto.

Argumentum.

*Refert breviter suum anno 1767 e Lusitania, et
arte S. Juliani discessum, iter maritimum ac terrestre
per Italiam, Germaniam, Bohemiam usque ad
Transylvaniam.*

Scribo nunc per compendium, quod alia occasione,
si firma valetudo comes fuerit, fufius fequetur. Atque
ut exordiar a meo cum 36 Sociis *Julianaeo* e carcere
discessu, ante omnia commemorandum venit, nos quin-
que b) *Austriaci* dominii indigenas, quamprimum navim
conscendimus *Danicam*, illico fuisse a caeteris separatos,
hos inferiorem ad contignationem cum nautarum turba
detrufos, nos vero in camera navarchi accommodatos,
ubi et eundem cum eo victum habuimus. Navigatio
utcumque prospera; praeterquam quod a pirata *Algiriensi*
vifitati, atque idcirco ad moram quadragenariam *Genuae*
trahendam fuerimus condemnati: pecunia tamen tempus
hoc decurtavit, ita ut post sedecim dierum spatium in-
gredi portum nobis licuerit.

A a

Socii

a) Fuit plures per annos Missionarius et archiater Regis *Cochin-*
chianfis, qui vocabatur *Duc-Thants-Thiang*.

b) Fuerunt reliqui quatuor, P. *Carolus Przikril*, *Pragenfis*; P. *Jac-*
cobus Costi, *Comenfis*; F. *Franciscus Felleri*, et F. *Antonius*
Camici, ambo *Florentini*.



4

Socii ergo duo ac triginta aliam navim, nostrae ex condito contiguam intrarunt, *Centum cellas*, c) ac inde *Romam* deducendi. Nos duo *Bohemi*, cum publico Imperatricis Reginae nomine *Genuae* residens a Republica transitum ejus per ditiones impetrare non potuerit, aliam per viam in regionem nostram sumus reversi. Celocem igitur conscendentes una cum tribus sociis *Italici* iter nostrum recta *Liburnum* usque suscepimus: quia autem ventus contrarius obstitit, portum *Vio-Regiensem* intrare sumus coacti, ubi relictis nostris sarcinulis, via terrestri veredis usi *Pisas* pervenimus, posteraque die *Liburnum*: hic nostro in Collegio tres Socii *Itali* remanserunt, nos accepto *Genuae* cambio ad mercatorem loci directo, aurigam d) *Viennam* usque conduximus. *Florentiae* apud Magnum Ducem, Serenissimamque conjugem ultra horam alloquium perquam gratiosum habuimus. Inde *Bononiam*, *Ferrariam*, *Patavium*, *Forum Livii*, e) *Clagenfurtum* tendentes, viginti intra dies feliciter *Viennae* adfuimus.

Augustissima Domina nostra Patrum de adventu certior facta, die mox subsequente nos jussit introduci. Aderat Augustissimus Imperator, cum Serenissimis Archiducibus *Maria Anna*, *Christina*, et Principe *Alberto*. Sermo duas per horas protractus. Quid tunc dictum, et interrogatum fuerit, quaestiones potissimum movente Imperatrice, praesens pagella non capit; hinc ea enarrare supersedeo. Non minus gratiosi fuerunt praecipui Aulae Ministri, Principes de *Kaunitz*, et *Lichtenstein*. Voluerat quidem Augusta, ut aliquot per hebdomades *Viennae* remaneremus, vires resciceremus, dignaque visu perlustraremus: at quia 15^{ta} Octobris intervenerat mors Archiducis

c) Civitas vecchia.

d) Vetturino.

e) Forlì.

eis *Josephae*, Regi *Neapolis Ferdinando* desponsae, ob Aulæ luctum satius nostram ad Provinciam pergere duximus, ubi variis in Collegiis detenti, 10. Novembriis *Pragam* intravimus.

Aderat tum *Clementino* in Collegio Provincialis, a quo P. *Carolus Przikril* missus est *Reginogradecium*, f) Instructorem Patrum tertiæ Probationis acturus; ego autem *Litomericium*, g) Praefectus ibi Spiritus, et Praefes coetus Agoniae futurus, ubi meus Kalendis Decembris erat adventus. Cumque Princeps *Lichtensteinus* a me *Viennae* degente peteret, ut mox ei designationem meam et loci, et officii communicarem, id quod fueram ipsi pollicitus, promissis meis stare debui, omniaque, mihi quae acciderant, fideli calamo perscripsi.

Elapso aliquot dierum spatio, hinc mihi redduntur epistolae, altera Principis supra memorati, *Augustae* altera, exarata manu Lib. Baronis de *Buchler*, qui erat ab epistolis Majestatis Caesareo - Regiae. Epitome litterarum existit facultas, valetudinis meae statum subin Reginae significandi. Transcribo ipsa verba: *Seine Majestät erlauben guädigst, dass sie von ihrem wohlseyn einige nachrichten von zeit zu zeit hicher mittheilen können &c.*

Vix dies quatuordecim abierant, jam alteras ab Imperatrice literas accipio, quibus significat, se Missionem quamdam in *Transylvaniam* inducere velle, gratissimumque sibi fore, sacro huic oneri humeros si subjicerem. Me promptissimum esse, repotui, ad eundem non modo hanc in regionem, sed in quemcunque alium locum, quo

me

f) Königingrätz.

g) Leutmeritz.

me destinare placuerit, me pro Majestatis suae obsequio, salute proximi, Deique gloria non modo sudorem, sed et sanguinem lubentissime offerre, ut quodam saltem modo Clementissimae Patronae meae, cui liberationem a carceribus deberem, gratum me possem exhibere. Tertia demum adfertur epistola, *Transylvaniensem* mihi stationem assignans. Mira hac ratione divina, quam adoro, Providentia e *Bohemia* in *Daciam* h) me transtulit.

Viennam ergo 1768 denuo delatus, altera mox meo ab adventu die ad Augustissimam aditus patuit, qua cum sola ultra horam familiarem habere sermonem licuit. Quae gratia admodum frequenter (per sex enim menses ibidem substiti) est mihi concessa. Semel ipsamet Imperatrix me per omnia sua cubicula, etiam intima, deduxit, singula mihi monstrando et explicando: Ipsa praecesserat, fores et aperiendo et claudendo, ego sequebar. Porro nullum fane in Aula alloquium fuerat, in quo non Majestati suae *Societatem* nostram commendassem, et pro redemptione captivorum *Julianaea* in arce Sociorum efficaciter perorassem: at Ipsa semper respondit: *Mein lieber Pater, seye er nur ohne alle Sorgen; so lang Ich lebe, habt ihr euch nichts zu fürchten, und dem Lebzelter i) hab Ich schon befehlen lassen, dasz er wegen befrejung der armen Gefangenen sich ernstlich annehmen solle &c.*

Sub initium Septembris 1768 advenit novae Missionis socius mihi futurus, quocum 28^{va} ejusdem mensis iter in *Transylvaniam* sum adgressus. 21^{ma} Octobris salvus et incolumis *Cibinium* k) adtigi. Nostra autem in


Resi-

a) Scilicet *mediterraneam*, vulgo *Siebenbirgen*.

b) Fuit S. R. I. Eques et orator Caesareo. Regius *Lusitanam* apud Aulam.

k) *Transylvanias* metropolim, vulgari sermone *Szeben*, aut *Hermanstadt*.





JOHANNIS KOFFLER
HISTORICA
COCHINCHINAE

DESCRIPTIO.

IN EPITOMEN REDACTA

AB

ANSELMO AB ECKART.

EDENTE

CHRISTOPHORO THEOPHILO DE MURR.

NORIMBERGAE,

APUD MONATH ET KUSSLER.

MDCCCLII



Hoc in quadro bina sunt atria, quorum unum praebet patentem de die utrique sexui publicum transitum. Quod onus fuit *Jesuitis* impositum ex eo, quod civitas ad ampliandam hanc fabricam, iis partem integrae plateae concesserit: haec fuit dein adpellata *platea Jesuitarum*, estque praecipua et prima a ponte, ubi parva ex urbo in antiquam pergitur. Atrium alterum hortulus occupat *Clementinus*, sic dictus a fonte tribus e fistulis saliente. In medio est agnellus, sub cujus pede aqua pariter profilit. s) Sunt omnia juxta hydraulicae regulas dexterrime quadrato e saxo confecta. Atque ita primum hoc quadrum duodecim continet ambitus (non computando illum, qui a P. *Arriaga* nomen accepit, et solum ob aeternam tanti viri memoriam conservatur) duo atria, totidem ecclesias.

Secundo in Quadro est triclinium, culina, cella penuraria; sunt officinae sartoris, sutoris, arcularii, fabri ferrarii, vestiarius, lineae supellectilibus repositorium, sacellum domesticum, ubi centum nonaginta personae (tot meo numerabantur tempore) conveniebant; item valetudinarium, tria musea majora pro Theologiae ac Philosophiae Studentibus, bibliotheca, museum mathematicum, quod integrum occupat ambitum, idque tam celebre ab eximiis artis operibus, rebusque curiosis, ut nemo Regum, aut Principum *Pragam* transeat, quin illud sibi monstrari deposcat: siquidem, dum ego ibidem eram, praeter *Carolus VI*, cum tota sua aula, id videre expectierunt Rex et Regina *Poloniae*, filii et filiae Principes eorum Regii, Rex *Borussiae*, Cardinales tres, Princeps *Euge-*

- s) Allusio est ad vitam istius S. Martyris sub *Trajano Chersonensi* in solitudine exsulis, ubi legitur, quod illius meritis *Jesus*, Agnus Dei verus sub hujus specie ei supra montem comparsus fontem pellucidum pede e terra elicuerit, strim tot Christianorum, qui illuc damnati erant, extincturum.

Joannes Kofflerus a) Anselmo Eckarto.

Argumentum.

Refert breviter suum anno 1767 e Lusitania, et arce S. Juliani discessum, iter maritimum ac terrestre per Italiam, Germaniam, Bohemiam usque ad Transylvaniam.

Scribo nunc per compendium, quod alia occasione, si firma valetudo comes fuerit, fufius sequetur. Atque ut exordiar a meo cum 36 Sociis *Julianae* e carcere discessu, ante omnia commemorandum venit, nos quinque b) *Austriaci* domini indigenas, quamprimum navim conscendimus *Danicam*, illico fuisse a caeteris separatos, hos inferiorem ad contignationem cum nautarum turba detrusos, nos vero in camera navarchi accommodatos, ubi et eundem cum eo victum habuimus. Navigatio utcumque prospera; praeterquam quod a pirata *Algiriensi* visitati, atque idcirco ad moram quadragenariam *Genuae* trahendam fuerimus condemnati: pecunia tamen tempus hoc decurtavit, ita ut post sedecim dierum spatium ingredi portum nobis licuerit.

A a

Socii

a) Fuit plures per annos Missionarius et archiater Regis *Cochinchinensis*, qui vocabatur *Duc-Thants-Thiang*.

b) Fuerunt reliqui quatuor, P. *Carolus Przikri*, *Pragenfis*; P. *Jacobus Cessi*, *Comensis*; F. *Franciscus Felleri*, et F. *Antonius Camici*, ambo *Florentini*.

Eminet tertio in Quadro turris mathematica cum loco, ubi stellae observantur, in cujus apice *Atlas* u) stanneus capite suo sphaeram coelestem sustentat, insigne universae civitatis ornamentum. Non minus ecclesia congregationis *latinae* majoris tota auro et marmore ficticio refulget. Sequitur Gymnasium quinque studiosorum millibus adcommo- datum, amplissimo cum atrio, ac tandem theatrum exhibendis pro dramatibus, et aula domestica, ubi sic vocati *Alti parvi*, exercitiaque menstrua cunctis a Facultatibus celebrantur: disputationes enim majores magna in aula *Carolina*, tanquam Universitatis Regia, quae hoc a Collegio mediam horam distat, habentur. Singulis annis quatuor e Facultatibus Rector magnificus alternatim seligitur, qui ordo dum tangit Theologicam et Philosophicam, erat is semper, qui Collegio *Clementino* praefuit, quo casu licebat ei sejugi uti curru, alias quadriga tantum, sicut caeteris regni Praelatis. Archiepiscopus *Pragenfis* est perpetuus academiae Cancellarius, qui tamen nonnisi semel per annum publico in actu compareret, die scilicet octava Decembris, Virgini sine labe conceptae sacra, ad dicendum Sacramentum, idque omnibus ab Academicis excipiendum: quae functio est maxime solemnis, visuque dignissima. Quidam e Doctoribus Theologiae S. I. tunc solebat panegyrim dicere Marianam. Non pauca alia, quae Collegii hujus amplitudinem probant, omisi, et sunt repositorium sacri Sepulchri, elegantibus picturis conlustrati, quae secundum Dominicae Passionis mysteria quovis anno permutantur. Ad impensas hunc in ornatum faciendas adest fundatio: Conditoria alia sunt variorum coetuum, *Latini* et majoris et minoris, *Bohemici*, *Germanici*, juniorum opificum, *Italarum*, apotheca herbarum


u) *Rex Mauritaniae*, qui juxta fabulam humeris coelum sustinuisse dicitur, quia primus cursum solis et lunae siderumque omnium apprehendit.

rum &c. Bibliotheca capit quinquaginta librorum millia; ætate mea jam quadraginta recensebantur, et illa de suo gaudet fundatore pro comparandis singulos per annos novis voluminibus. Constans fama est, silvam integram pro Collegii hujus ædificatione fuisse excisam. Qui *Romæ* omnes ædium nostrarum ichnographias conspexerunt, domicilium isthoc omnium totius *Societatis* existisse maximum, fatentur.

P. JOHANNIS KOFFLERI, S. L.

COCHINCHINAE

DESCRIPTIO.



*Historica Cochinchinae secundum modernum ejus statum
Descriptio.*

Hanc *Julianaeis* in catacumbis elucubravit 1766 a) *R. P. Joannes Koffler, S. J. Pragensis*, e provincia *Bohemiae*, Missionarius *Cochinchinensis* annis 14, e quibus septem simul aulico in servitio, Regis *Cochinchinae* agens Medicum b) traduxit. *R. P. Anselmus Eckart*, ejusdem Religionis e provincia ad Rhenum superiorem ac captivitatis ad ostia *Tagi* in *Lusitania* *P. Koffleri* p. m. Socius, Relationem istam subterraneis hisce e tenebris in lucem protulit; majore pro perspicuitate eam septem in capita, et haec plures in paragraphos divisit; ordinem, relicta historiae materia, paululum immutavit; complura contraxit; non pauca substituit; variis denique notis narrationem totam illustravit.

C A P U T I.

De Regno Cochinchinensi,

§. I.

Regni incrementum.

Regnum *Cochinchinae*, olim dumtaxat ab originis vetustate ad memoriam posteritatis insigne (eamdem enim *Sinensi*

a) Eam ad me misit *germanice* scriptam, *P. Laurentius Kaulen*, Vlyssipone 1789, quam 1798 tradidi *Saxero*, Bibliopolae *Berolinensi*. M.

b) Vid. *Diarii mei litterarii* Tom. VIII, p. 250. *P. Koffler* cum *P. Carolo Przibyl*, Missionario *Goano*, *P. Jacobo Graff*, Mission. *Cochinchin. Superiore*, et *F. Jacobo Müller*, (qui pharmacopolio *Goae* praeerat) A. 1767 libertate donatus fuit. M.

Sinenſi cum imperio, cui veſtigal ſolvebat, aetatem numerat) ab ultimis hiſce ſaeculis eſt ſane celeberrimum, uſque adeo, ut, niſi gentilitatis oppreſſum tenebris jaceret, cuicumque regno *Europaeo*, tam quoad fertilitatem, opes, incolarum numerum, aurae ſalubritatem, ſitusque amoenitatem, quam quoad politicum gubernandi modum, legibus aequiſſimis conformem, poſſet comparari. Erat hoc ſuo in ortu tam exiguum, ut non niſi tres provincias, boream reſpicientes, ſibi proprias haberet, easque tam dura conditione ſuas, ut *Regulus* eas poſſidens, ſi non, quod tributum, ſaltem quod *feudum* concernit, fuerit Regi *Tunquinenſi* ſubjectus, qui eum ponebat, deponebat, ſuumque ad libitum omnia diſponebat. Premebantur duo iſthaec regna ultra modum tum penſione annua, tum aliis maxime iniquis vexationibus *Sinenſi* ab Imperatore, aut ejus vicario, ut mutuum denique foedus inierint, ad *Sinarum* jugum (e quorum ſtirpe tamen oriundi erant) data occasione excutiendum. Quod et accidit eodem aevo, quo *Talari* imperium *Sinenſe* a) invadere, et ſenſim occupare coeperunt: Etenim cum tunc *Sinae* (vis mali undique urgebat) formidabili *Tatarorum* potentiae reſiſterent, inſula celebris, et praegrandis, dicta

- a) Duae ſunt aerae *Sinis* memorabiles. Altera eſt, annis 1280, quo *Tatari* in *Chinam* irruerunt, non obſtante celebri illo muro, (quem duo ante *Chriſti* partum ſaecula, et amplius ab Imperatore *Chio* exſtructum, 250 milliaria *germanica* complecti, adſerunt) ibique 90 annorum ſpatio ſunt dominati: altera annis eſt 1640, quo e provincia, quam *Catai* vocant, et vicino regno *Ninki* erumpentes, ſtabilem *Sinenſi* in Imperio ſibi ſedem fixerunt. *Ninki*, aut *Nincho* (alio etiam nomine *Tondue* nuncupatur ſive *Chatchir*) eſt *Tataricus* magnus regnum, ſeptentrionem verſus, *Sinae* finitimum. Populi *Tatarici* hujus orientalis *Bogdoi* quoque nominantur.

Et *Haynân a)*, Regnâ *Tunquini*, et *Cochinchinae* sub idem tempus seditionem moverunt, his servantibus regni titulum, illa vero libertatis suae amantissima, Reipublicae nomen adsumente; quod etiamnum conservans, excusso imperii *Sinensis* dominatu, se solam gubernat.

Universa proin *Sinarum* ditione in *Tatarorum* potestatem redacta, cum et *Haynanenses*, et *Tanquineses*, et *Cochinchinenses*, qui supremo suo a Principe defece- rant, non nihil sibi metuerent, legationem expediverunt ad *Xuon-Sû*, primum *Tatarica* e natione Imperatorem, tam felici successu, ut iis quietam terrarum possessionem confirmaret, adjecta solum hac, conditione, ut quotannis in collati beneficii memoriam, gratique animi testimonium, certum quoddam auri pondus persolverent. Annum hoc tributum nova haec Respublica aureis in placentis pendebat, duo autem regna aureo in aello, cujus caput *Cochinchina* tribuebat. Hac ratione annis compluribus mutua inter se pace, et amicitia vixerunt, donec regnum *Cochinchinense*, iustissimis de causis irritatum, amicum foederis vinculum rescinderet, ac deinceps, reclamantibus frustra *Tunquinesibus*, regimen monarchiae cum introduceret.

Haec autem defectio ita accidit. Rex *Tunquini*, jam morti proximus, filium suum throni successorem declaravit. Is vero dum nondum ad praefixam hoc in regno aetatem pervenerat (quae annus est vigesimtis) ejus educationem fratri suo, eidemque interea regi administrationem commisit. Iste, quippe homo ambitiosus, ut regnum sibi eo securius redderet, haeredem, tum fortassis septem, aut octo annorum, Regulo *Cochinchinae*

B 2

trans-

a) *Haynan* insula *Asiae*, montosa quidem, sed admodum foetundâ. A fructu *Indienjaca*, qui totius mundi maximus esse, dicitur, ejusque cortex securi aperitur, est lachryta. Urbs insulae praecipua *Kiontschow*, sive *Kionghou*.

transmisit, ab eo educandum, dicens, se ob plurima regni negotia id commodè praestare non posse; ipsum, quo primo tempore ad statutam a legibus aetatem pervenerit, a se revocatum iri, paterno in solio collocandum. At quomodo promissis suis steterit, mox videbimus.

Regno praefuerat magna cum astutia: ut praeprimis militum amorem sibi conciliaret, *Mandarinos* a) hos praefecit belliduces, quos aut sibi addictos novit, aut collata hac dignitate, sibi devinctos reddidit. Demum ubi Princeps ad maturam jam aetatem pervenerat, metuens, ne suis a subditis Rex salutaretur, quadam die, convocatis in aulam regni proceribus, juramentum fidelitatis ab illis exigens, invasit imperium, quin eorum aliquis vel hîscere auderet. Sic tyrannorum more, solium conscendendo, ita principatum gerere coepit, ut ab omnibus timeretur, solisque a militibus, quos summopere fovens, eorum insolentiis connivebat, aestimaretur.

Quae notitia ad aures Principis, ejusque Tutoris ubi pervenit, uterque temerario huic facinori sese opposuit, adclamantibus simul *Cochinchinensibus*, qui coronae haeredem filium, et non alium *Tunquini* Regem agnoscere volebant. Quoniam vero haec contradictio solemnis, etsi justissima, parum, aut nihil profuit, his idcirco armis erat dirimenda. Bellum ergo *Cochinchinensibus* indicitur. Credebatur, fore, ut hi, utpote viribus longe inferiores, non modo facile pristinum ab obsequium reducerentur; sed et Rex haereditarius insuper comprehensus, e vivis exturbaretur.

Cochinchinenses proin agnoscetes, se *Tunquensium* multitudini comprimentae impares copias auxiliares a *Nigris*,

a) *Mandarinus*, idem est, ac *Equus Domini*; Nobilis *Tunquensis*.

Nigris, regni *Ciampae* a) incolis expetunt, quam fideliter etiam prae-buerunt. Hostilis interea exercitus advenit in decembri; (quingenta numerabantur hominum millia) grande fluvium b) trajicit; provinciam primam, qua late patet, universam, rapidi torrentis instar, inundat. *Cochinchinenses*, ne venti contrarii inclementia oculos in conflictu offenderet, ad pedem montis castra metantur, relinquentes ad sinistram campum *uliginosum*, c) secundae provinciae adgressionem prohibitorium: licet autem numero valde fuerint dispares; (universe subsidariis cum copiis duodecim erant millia) quia tamen et salus agebatur, et libertas patriae, tam strenue dimicarunt, ut mox primo in certamine hostes ad interpcionem deleverint, qui metu perculsi, fugamque d) capessentes, et annonam (commeatum bellicum haud exiguum) et sanguinolenta undique vestigia reliquere.

Reddita, hac ratione, Regno tranquillitate, ejusque Gubernatore paulo post defuncto, *Cochinchinenses* memoratum supra Principem, ac Regni *Tunquinensis* haeredem legitimum, Regem suum constituerunt, cujus posterum ad modernum usque *Cochinchinense* semper solum conservarunt. Unde liquet, eum, qui modo regia cum potestate,

a) *Ciampa*, aut *Chiampa*, *Chiapa*, *Tiampa*, exiguum Indiarum regnum in peninsula ultra *Gangem* situm, mari orientali, ac deserto *Cochinchinensi* vicinum.

b) Flumen hoc *Sod Gihah* compellatur, et limites regno utrique statuit. Cf. Th. *Bowyers*, *Recherches*, und *Robert Kirsops* Nachrichten von Cochinchina. Von den Jahren 1696, 1744, und 1750; in des Abbé *Recherches* Reise nach Madagascar und Ostindien. Berlin, 1792. 3. mai. pag. 175 sq. M.

c) Vetus quidam gramm. apud *Rigalt.* pag. 299 scribit, agrum *uliginosum* dici eum, qui semper humidus est; humidum autem, qui siccare aliquando possit.

d) Qua data porta, ruunt. *Virg. Aen.* 1. v. 85.

te, *Cochinchinae* dominatur, genuinum esse pariter *Tunquini* Dominum, illos vero, qui sceptrum ibi gerunt, intrusos, injustosque possessores. Ex illo reimpore *Vatavianum* duo haec inter regna ortum est odium, usque eo, ut, quisquis praefixos utrimque limites praetergreditur, illico ei caput abscindatur; prout frequenter jam contigit. Postremis tamen hisce annis, mutua conventionē facta inter ambos fluvii *Herculei* (non plus ultra) vicinos data est libera saltem de die, hoc in flumine commēandi, et invicem contrahendi, facultas.

Obtenta hac victoria, *Cochinchinenses* suos extendere terminos sunt conati, ut promptiores se redderent, ad hostiles *Tunquinesium* incursiones propulsandas. Quare primum hoc ipso in loco, ubi felici Marte decertatum fuit, propugnaculum exstruunt, suo modo validissimum, collocantes in montis cacumine castellum, unde una ex parte adjacentem terrae planitiem, ex altera totum possent mare perlustrare. Inde producta aliquot ad *leucas a)* muro juxta campum ab *uligine* celebrem, aditam includunt silvulam. Sic hostes quidem commode videre, non autem vicissim videri ab iis possunt. Porro ubi faciliior hostibus patebat adcessus, lata aequae ac profunda admodum fossa, praegrandibus cincta palis locum communiunt, exstructo insuper alio munimento juxta maris portum, quem tunc unicum habebant. De quo munitionum genere infra redibit sermo *b)*.

Dum

a) *Leuca* mensura itinerum apud *Gallos*, ut *parasanga* apud *Perfas*, et *milliarium* apud *Latinos*: Ea 1500 passuum olim etat: Apud *Hispanos*, et *Lustanos*, a quibus *legos* dicitur, longior est.

b) Vide §. 4.

Dum fines suos ea, quam subjungo, ratione protendunt, Regni *Cambodiae* a) populi, *Ciampensibus* vicini, continuis distenti bellis vivebant, alternante fortuna, ita, ut modo hi, modo illi victores existerent. Damna hinc gravissima, calamitates maximae; silvarum incensio, camporum vastatio, tot utrimque hominum strages. *Cochinchinenses* utpote foedere juncti, subveniebant quidem *Ciampensibus*; ast perarduum iis accidit, horrea sua, quae ipsis annonam futura in tempora abunde suppeditare possent, toties aliorum in commodum exhaurire. Quare inito cum Rege *Ciampae* consilio, tandem decrevere, conjunctis viribus *Cambodianos* subito adgredi, ac eos, quoadusque valerent, ferro et igne suis e finibus profligare, dato in signum confictus sequenti tessera: Simul ac erectas conspexerint praealtas perticas, viridibus ramis, foliisque in vertice redimitas, illico in hostem ruant una omnes.

Adest miles *Cochinchinensis*, et peragrando tres magnas *Ciampae* provincias, maritimam ibi ad oram confidet. *Ciampenses* prope silvam tendunt insidias, repentinum in *Cambodianos* impetum meditantes, ut eos aut in medium cogant, aut vim vi repellere nolentes turpem in fugam conjiciant. Quadam die sub lucem cum undique in Regni *Ciampae* vicinia ingentes adpareant perticae, fasciculis supra dictis coronatae, festinant *Cochinchinenses*, adhuc nescii, quos jam progressus fecerint copiae Regis *Ciampae*; hic enim nocte intempesta silvestribus e latebris prorumpens, *Cambodiae* terminos jam fuerat longe praetergressus, omnia, quae obvia habuerat, igne ferroque vastando. Id quod cernentes *Cambodiani* in arenam pariter descendunt; ferociter in hostes invehuntur. Praelio coepto, sat magnum iis facessunt negotium; utpote quos no-

verant

a) *Cambodia*, sive *Camboja*, vel *Camboga* regnum est *Asiaticum*. Primaria civitas eodem vocatur nomine, sita juxta fluvium *Maon*.

verant et viribus, et animo sibi neutiquam pares. Cum vero sub idem tempus *Cochinchinenses*, adversa ex parte advenientes, ex improvise cum magna manu *Cambodianos* obruerent, accidit ut selecti nationis hujus milites, ad confinia semper excubantes, paene omnes caederentur, residuique, adsumpta confestim supellectile magis pretiosa, fugientes, integras etiam provincias omnino desertas relinquerent. Victores regionem occupant; firmissimis eam praesidiis muniunt; pacem certum ad tempus cum vicinis ineunt; quam hi sponte illis obtulerunt, solvendum quoque singulos in annos stipendium iisdem pollicentes.

Rex *Ciampae* subinde e vivis excedit, successorem nactus, hominem admodum mollem, ac effeminatum, sanctumque de belli adiutorio, suo ab antecessore cum *Cochinchinensibus* foedus rescindere molientem: Qui interim adquiescentes, elapso induciarum tempore, soli bellum adversus *Cambodianos* felicibus adeo armis sunt profecuti, ut hi, relictis aditis mari provinciis, propinquos per montes ad Regni medietatem se contulerint, atque haec ipsa montium juga pro Regni *Cochinchinensis* limitibus assignariht.

His ita comparatis, ad castigandam Regis *Ciampae* infidelitatem se convertunt, bellum foedisfrago indicentes, qui subito inimicorum adventu commotus, ne idem cum *Cambodianis* fatum experiri cogatur, amica utrimque facta compositione, terras mari conterminas *Cochinchinensibus* cedit; contiguos sibi reservat montes; sedem suam principem juxta eos collocat, angustis modo circumscriptus terminis, ac miser Regis *Cochinchinae* tributarius.

§. 2.

Regni situs, et limites.

Cochinchinae regnum, meridionali in plaga situm, quod ad longitudinem adinet, ab austro aquilonem versus, leucās 150 complectitur: quod latitudinem autem concernit, 10 aut 12, in quibusdam etiam locis nonnisi 7 vel 5. Hos autem habet fines; A septentrione *Tunquinum*, a meridie *Cambodiam*, ab ortu solis mare, altissimos ab occidente montes, *Tatariam magnam* contingentes, ubi *Nigri*, quos *Laos* nominant, morantur, quorum aliqui annuam Regi *Cochinchinae* solvunt pecuniam. Continua haec montium series a *Tataria* majore *Sinica* ad magni usque *Mogolis* a) imperium se extendit. Vicini regno *Tunquinesi* plerumque praedones sunt, barbari, fraudulentī, et malevoli: In *Cochinchinae* alplibus degentes existant magis humani. Quocirca et variis per annum vicibus mercatum cum *Cochinchinensibus* celebrant: caeteroquin *Tatarorum* instar vivunt, suas per cognationes divisi, a patrefamilias seniore directas: Hic autem rursus, cujusdam territorii gubernatori, qui *Reguli* nomen prae se fert, in majoris momenti negotiis subjacet.

Montes hi ob angusta et lubrica viarum, praerupta faxa, arbores densissimae vix non adcessum omni ex parte prohibent. Quare Mandarinus, qui recipiendum ad tributum quot annis eo mittitur, parvi elephantis adminiculo, viarum istarum periti, potest illos conscendere: In iis prope *Tunquinum* (leucarum sex, majorem usque ad fluvium, *Soa Gianh* dictum, est distantia) rarum naturae cerni-

a) *Mogol*, aut *Mogolistan* imperium est *Asiaticum*, provincias 38 complectens. Regionia hujus nationes nigrae sunt gentiles: quae suo a colore *Mogoles*, i. e. *albas* adpellantur, *Muhammedis* sectam sequuntur. Vasti hujus imperii fundator habetur *Tamurlanas*, quem *Temirem* annales *Turci*, et *Chalcondylas* nuncupant.

cernitur prodigium, meatus scilicet subterraneus cum amniculo, nonnisi cymbulas admittente. Hunc supereminet praealta crypta, in cujus cacumine fons scaturit lacteus, qui ad modum *cataractarum*, ad imum defluit, atque hinc inde varias adsumens figuras, congelatur: genuinus est lapis, *lactites* adpellatus, singulare contra oculorum inflammationem, aliosque varios morbos, remedium.

Timetur hoc antrum tantopere a gentilibus, ut neminem facile sit reperire, qui istud adcedere, multo minus quaedam adstricta gelu frustra decutere praesumat. Medicina hac cum *Pi. Kofflero* opus esset, *Christianos*, qui eam adferrent, conducere, erat necesse. Quoties Prorex novus, provinciam gubernaturus, advenit, illuc tota cum aula, Mandarinis, ac militibus se confert, ibique huic antro, quasi Deorum forét habitatio, solemne peragit sacrificium, plures boves, bubalos, porcos, aliaque altitia consumens pro felicitis regiminis augurio: Traditio enim habetur antiqua, Proreges omnes, sacra haec omittentes, aut sua fuisse dignitate submotos, aut aliter misere interisse.

Iisdem in montibus colligitur lignum odoriferum, quod plerumque ligni *paradisi a)*, aut *aquilae* nomine donatur; magna mellis, et cerae copia, *unicornu b)*, ebur, tigridum ac cervorum pelles; quae omnia hi monticolae *Cochinchinensibus* pretio non nimis magno certis tempo-

a) Nominatur *agallockum* ab ἀγάλλω, orno, facio delectabile. Dicitur et ζυλαλόη, *lignum aleos*, quod est quibusdam maculis distinctum, odore jucundissimo, gustu subamaro, oris graveolentiae maxime conducens.

b) *Plin. l. 9. c. 21.* Fera, unico hoc cornu instructa, delineata est tab. 194. fig. 2, in opere sinico hist. nar. Biblioth. Trewianae Altdorffii Noricor. a me descripto in P. III. *Memorabil. Biblioth. publicae*. Norimb. p. 218. seq. M.

temporibus divendunt, merces vicissim alias coemendo, uti sunt telae e serico, et *gossypio* ^{a)} contextae, vasa terrea, ac aerea, aliaque supellex domestica.

Ex adversa horum montium parte gaudet haec gens amoenissima de planitie, ubi agros, quibus dives respondet fructus, excolit, aqua, ad eos irrigandos, e montibus continuo decurrente. Apertum hunc campum excipit fluvius, latus quidem, sed non profundus; Innumeri in eo pisciculi sola manu istis a montanis capiuntur. Terram vicinam, quae deserta est, steriles arenae tenent. Horrorem complura adaugent juga, et inaccessa, perpetua velut serie cohaerentia. Asperissimam hanc, ac inhospitam tellurem *Nigri* compellant *daemonum regionem*: Noctu enim continuus ibidem ignis adparet, ac terrificus clamor percipitur. Viciniam hanc jam esse *Tatariam magnam*, non nulli opinantur.

Sunt hi montivagi venatores quam dexterrimi, plerumque sagittis, aut jaculis feram prosterntes; Indolis insuper satis mansuetae, ac omni a dolo remoti. Quae causa est, cur *Cochinchinae* Reges suam ad custodiam, intimamque familiaritatem eos selegerint, experientia docti, hos sibi, ipsismet *Cochinchinensibus*, esse longe fideliores. Dum *Nigri* isti candide rem tractant, eundem animi candorem ab aliis exigunt. Quapropter quempiam distrahendis in mercibus fraudatorem si deprehendant, mox eum, aliis etiam praesentibus, interficiunt, rescisso omni ulteriore multo, per annos commercio, nec perfoluto Regi stipendio: Quod toties faciunt, quoties a *Cochinchinensibus* aliqua iis injuria inferitur. Hinc annis singulis Mandarinus eo se recipit, ut querelas, si quas habent, valeant exponere.

Omni

a) *Gossypium* frutex, qui nucera gignit, et in ea lanuginem molissimam. *Plin.* l. 19, c. 1.

Omni quinquennio legatum *Cochinchinensem* ad aulam expediunt, amicitiam cum Rege renovaturum, ad quam testandam, varia secum adfert, et offert munera. Turba comitum, officii, ac honoris gratia qui eum subsequuntur, recenset milites 50 et robustissimos, et bene armatos, et probe vestitos, ita, ut hoc in genere *Cochinchinensibus* parum cedant. Consinibus adpropinquantem Rex, praemissis 4 trirēibus suis, splendide excipit, ac per Mandarinum regiam ad urbem deduci jubet; quem 4 seu 5 militum cohortes majorem ad pompam, et legati venerationem comitantur. Toto, quo in aula moratur, tempore ad Regis expensas lautissimo tractatur. Legatione finita, discedendi veniam a Rege ubi petit, vicissim ab eo dona accipit, Regulo suo deferenda, ac eodem, quo advenerat, comitatu instructus revertitur.

Caeterum gens ista est plane rudis, nulli se applicans officio, praeter illud, sartori proprium, et hoc omnibus est commune. Nec scribere, nec legere norunt praeter Regulum, aliosque perpaucos, gravioribus in negotiis ad *Cochinchinae* Regem mitti solitos. Curiosa utuntur arithmetica, quae tamen neminem fallit. Lingua, quam loquuntur, tam corrupta est, ut aegre possit intelligi, etiamsi re ipsa eadem sit, qua vulgus in *Cochinchina* utitur. Non habent, qui medicinam profiteantur; sed quisvis juxta herbarum cognitionem, quarum virtutem optime noscunt, se suosque curat. Religioni certae non sunt addicti: duos tamen admittunt angelos, alterum bonum, ad bona hortantem, et beneficientem, malum e contrario alterum, ad impia incitantem, ac graviter nocentem: Hunc timendum, amandum esse illum, adseverant; quem pariter seu Deum tutelarem plerumque colunt, et adorant.

§. 3.

Regni clima, ac fertilitas.

Caelo *Cochinchina* fruitur clementissimo, auraeque temperie saluberrima, ea si excipiantur loca, quae *Laorum* Alpes adtingunt: cum enim venti hasce terras permeare non possint, earum incolae aestivo tempore calorem, eumque vehementissimum patiuntur, per hiemem autem frigus longe acerrimum: Cui adsurgentes montium nebulae, atque exitiales maxime exhalationes adcedunt. Alibi ubi major est siderum vapor, dominatur Auster, indies ab hora 9^{na} matutina ad 4^{am} usque pomeridianam tanta persans vehementia, ut nullus omnino aestus sentiatur.

Solo gaudet quam fertilissimo; siquidem gemina oryzae messis omni anno colligitur, ad quam aquarum inundatio, quae in *Novembri* fieri adsolet, plurimum conducit. Messis prima in *Martium* incidit, et copiosior; altera sub finem *Julii*, aut initium *Augusti*. Sic fundus cum usura reddit, quod accepit. Omnis generis fructibus abundat, ita, ut his, aut illis deficientibus, semper alii succedant. Ficus, mala citrina, et aurea quasi per anni totius decursum perdurant. Pulvis *Nicotianus a)* (quem *tabacum* vulgo dicimus) optimus est, ejusque usus (sive sit ille, qui dentibus comminuitur, quam alius, qui per fumum excipitur) adeo immodicus, ut vere abusus queat adpellari. *Saccharum b)* duplici specie conficitur; et hoc candidissimum, quo ad fructus condiendos, perficiendaque varia bellaria, utuntur, palato sane gratissima.

a) *Joannes Nicot*, patria *Nomansensis* (Nîmes) plantae huic (quam e *Lusitania*, ubi 1559 legatum agebat, in *Galliam* secum tulit) nomen suum indidit.

b) De quo *Flin.* l. 12. c. 8. *Saccharum et Arabia fert, sed laudatius India.* Vid. *Cel. Joh. Beckmann* Sacchari histor. in *Comm. phys. Soc. Scient. Gotting.* V, p. 56.

tissima. Sacchari abundantia facit, ut hoc parvo ematur. Pellucidi (quod Lusitanis est *açucar candi*) pondus centenarium (hoc libras 120 continet) quinque, alterius vero tribus plerumque venum it imperialibus.

Mel et ceram abunde montes suppeditant. Gossypium, ac Sericum pro annorum varietate, plus minusve habentur: Bombyces si moriantur, aut tenellas plantas si pluvia destruat, majore constant pretio: Ex his sua contextunt vestimenta. Per aestatem (pauperibus aequae ac piscatoribus exceptis) quasi omnes sericati incedunt. Serici qualitas si consideretur, existit ea *Sinenfi* melior, magisque subtilis, ac diuturna, ab *Europaeis*, quovis anno (*Cantonem a*) navigantibus, tam solícite inquisita.

Neque defunt ad victum necessaria; boves, *bubali b*), cervi, apri, porci, caprae, anseres tam silvestres, quam domestici, anates, columbae, gallinae, perdices, alaudae, varia altilia, aliaeque volucres non insipidae; pisces insuper delicatissimi, qui tum in mari, tum in lacubus, et fluviis, totum pene regnum interluentibus, captantur.

Pro ciborum condimento crescit piper quae album, quae nigrum, *zingiber*, *crocus*, *cinuamomum*, (sal maritimis in salinis coquitur) sinapi, cucumeres, *melopepones*, cucurbitae. Coluntur in hortis fabae, spinachium, cichorea, lactuca, et his similia *c*). *Oryza* reddit etiam farinam, varia unce pulmenta praeparantur. Vinum coctum, saccharoque conditum consueti potui deservit.

Nemora

a) *Canton* civitas primaria *Sincae* provinciae *Quantung*, quae urbes 24 complectitur.

b) *Bubalus* in *Africa* juxta *Plin.* l. 8, c. 15. ad vituli potius, vel cervi accedit similitudinem. Antilope *Bebalis*. *Pallas*, spicil. 18. *Buselaphus Gesser.* Quadrap. pag. 121.

c) De hisce et aliis agit *Cel. Joh. Loreiro*, Amicus hoffer, olim Missionarius S. I. in Regno *Cochinchinae*, in *Flora Cochinchinensi*. *Vlyslip*, 1790. 4 mai. 2 Tomis. M.

Nemora vestiuntur arboribus, ad aedes non minus, ac naves extruendas aptissimis. Magis pretiosa exstant ligna; *Sassafras a)*, *ebenum*, et illud, quod a paradiso nomen trahit; cuius medulla *ad auri pondus* venditur carbonibusque imposita, thymiama fragrantissimum antecedit. Sunt praeterea alia duo; unum flavi, et citrini, rubri, et velut sanguinei coloris aliud; e quibus domus omnes Regiae sunt extructae, optimatumque loculi (quippe lignum isthoc nulli est corruptioni obnoxium) perficiuntur.

Diversas hae sylvae sustentant feras, et animalia, elephantas, rhinocerotes, bubalos feroces, tigrides, apros, cervos, vulpes, erinaceos, simias, sciuros, et pavones. Tam in silvis, quam in campis herbae crescunt maxime salutare, et radices medicae! Harum species centum, et ultra sunt a *P. Koffero* detectae, ac praeparandis pro medicamentis collectae. Rebus, quae rariores sunt, adnumerantur lapis *lactites b)* cancrique lapidei, mirae prorsus virtutis; hi in uno solum fluvio reperiuntur, rubri vero, cruceque flava in dorso signati pluribus in locis, qui etiam manducantur.

Sunt pariter Regno fodinae, metallo feraces, ferro praesertim, auroque optimo, quod in terrae superficie jam adparens, citra magnum laborem, copiosissime eruitur. Erutum, atque ad *panum c)* formam redactum, in antiquo

a) Arbor praegrandis, folio ficulneo, cortice ex fulvo nigricante, aliquantulum acri sapore, sed aromatico odore, foeniculum redolente.

b) Vide supra p. 26.

c) Moneta intelligitur *Cochinchinensis* hos per *panes*, quorum alii sunt *argentei*, alii autem *aurei*. *Lusitanis*: panes de ouro. Quivis uncias 10 complectitur. *Panis* interdum dicitur *massa* cuiusvis materiae, in *panis* morem formatae. Sic *panes aerei* apud *Plin.* l. 34, c. 12. Item *panes aphronitri* (écume de sal-petre) *Stat.* l. 4 *Silv. ult.* v. 37.

antiquo Regum palatio custoditur: Qui milliones facile quinquaginta excedunt, teste syngrapha, foribus incisa, ac simul declarante, quantum quisque Regum, regiminis sui tempore congestum, in patriae emolumentum, aerario huic intulerit.

§. 4.

Regni suas in provincias divisio, munitiones, domicilia.

Regnum *Cochinchinense* secundum quosdam decem in provincias dividitur; sed minus proprie. Nam illa solum vere dici potest provincia, ubi Prorex adsistit. Dum igitur septem vicaria Regis potestate dumtaxat praesunt, totidem exstant provinciae; *Dou-Nai*, et *Baria* videlicet; quae ambae ultima sunt *Cochinchinae* confinia, ad Meridiem directa, Regnique *Cambodiae* terminos adsequuntur. Prima earum ob omnium rerum adfluentiam, praesertim oryzae, est omnium ditissima, *regnique horreum* adpellatur. *Quang*, vel *Cham*, praecipuus ubi portus, *Turon* dictus, tantae est latitudinis, ut naves mille *Europaeas* commode comprehendat: Idem ab adcessu ventorum, et tempestatis immotus, a monte, qui velut sinu quodam, flexuque est curvatus, descendit. Locus vero commercii, portui vicinus (hunc quasi mercatores solithcolunt, tam *Sinenses*, quam *Cochinchinenses*) *Phay pho* vocatur, idemque significat, quod apud nos *forum scrutarium a*). Dixi: *Sinenses*; etenim *Sinae*, totum per regnum, *Judaeorum* instar, dispersi, ubique negotiantur: quorum numerus ad triginta circiter millia adscendit.

Sequitur provincia aulæ, *Dinh Cat* nominata, omnium maxima, aedificiis perfrequens, celebris, ac copiosissima, in cujus centro ampla admodum sita est insula, ubi Regia
(*Sinoe*

a) Derivatur a voce *scruta, orum*, sive omnis generis veteramenta.

(*Sinoe* est nomen ejus) adsurgit. Ordine servato, proxima exstat provincia *Dinh Teám*. Proregis praecellentissimi sedem constituit *Muoi Có*: Huic summa imperii, belli-que administrandi permittitur, hoste partem regni septentrionalem oppugnante: Postrema est *Dinh nebe*, cujus finem *Tunquinum* terminat. *Quin ngon*, *quin nhing*, *Phán Ri*, *Phán-Ráng*; et *Nha Ru*, *Nha Tiáng* territoria sunt, litterato a *Mandarino* gubernata.

Propugnaculum, quod Regnum contra *Tunquineses* tuetur, est satis aptum a), ad hostibus inde advenientibus resistendum, uti hactenus semper iisdem resistit, sinistram belli aleam expertis, ac ingenti plerumque suorum clade, fugam arripere coactis. Portus introitum vigiliæ quidem protegunt armatis instructae triremibus: Nihilominus hae valent naves *Sinicas*, non *Europaeas* destruere.

Uno fere abhinc saeculo occuparunt *Angli* propinquam provinciae *Doi Nai* insulam (*Pulo Condor* b) dicitur, *Cochinchinae* Regi subjecta) fortasse cogitantes, totam sensim provinciam, adjunctasque terras ditioni suae subjicere: At *Cochinchinenses* imminens sibi malum tempestive subodorantes, inquilinos omnes per prodicionem (unicum praesidii praefectum si exceperis) furori suo immolant; exstructos ab hostibus muros cunctis cum munimentis solo aequant; tormenta, caeteraque arma bellica, merces c), ac quaecumque usui esse poterant, auferunt. Et sic intra noctis unius spatium a vicinis, quos maxime formidabant, semetipsos liberarunt.

Porro

a) Vide C. I. §. 1.

b) Maritimam ad oram *Cambodias*; de quo regno vid. pag. 23.

c) Eodem in loco deponebantur merces, alie transmittendae, quem *Lusitani* vocant *seitoria*.

Porro nulla cernitur cincta moenibus civitas; solummodo territoria illa gubernator, aut Prorex residet, hoc de nomine sibi gaudent. Sed ubi habitant *Bonzii*, gentilium monachi, et delubrorum ministri, omnia muris, quorum altitudo *orgyam* a) unam, ac mediam attingit, sunt circumdata. Domus omnes e ligno exstructae, unius plerumque contignationis, et stramine contestae. Aedes insulae Regiae *imbrices*, lateresque cooperiunt, similiter domicilia emporii *Pháy phó* ob plebis multitudinem, incendiique periculum. Aedificium quodlibet saepe cingitur, et custoditur.

C A P U T II.

De Regis cultu, majestate, et potentia.

§. I.

Regis inauguratio, proclamatio, veneratio.

Rex novus ubi declaratur, cerimonia haec instituitur. Coronae haeres, annum aetatis vigesimum postquam implevit, suo cum Nutritio, aulico in auditorio publicum Regis petit adloquium, sui que juris, in regno succedendi, confirmationem. Id quod Rex praestat, aureum porrigens gladiolum Principi: Hic dein ad destinatum successori Regio palatium deducitur cum tota comitum suorum cetera, ei a Rege patre concessa. Sunt autem ephebi 8 aut 10; Eunuchi 4; tres, aut duae militum cohortes suis cum ducibus; duo, qui sunt a secretis, ab epistolis; Magister, aut Instructor patriis in ritibus, legibus, ac regni decretis; Praepositae tres aulae, camerae, et culinae; magna denique famulorum, famularumque turba.

Atque hoc in palatio moratur ad patris usque obitum, qui difficulter sciri potest, ex eo, quod Regis aegrotatio non

a) *Orgya*, mensurae genus 6 pedes continens.

non facile divulgatur: Quin jam Reges erant (quos inter avus moderni) qui etiam gravissime infirmi, se vestibus tamen indui, atque ad praeibendum more solito adloquium se deportari patiebantur, tantum idcirco; ne mortis, in quo tum versabantur, periculum subditis innotesceret. Quare si contingeret, ut Rex prius moreretur, quam haereditarius Princeps id resciret, Eunuchus primarius confestim fores palatii omnes obsideri, et a militibus, foris undique custodias agentibus, intra jubet eas custodiri, ita, ut jam nemini nec intrare, nec exire liceat, quoad is per triduum Regis sui mortem lugens, ea, quae filii sunt, pietatis erga patrem officia persolvat: Quibus finitis, ubi Princeps palatium intrare contendit, Eunuchus portam aperit; eum ad parentis defuncti locum perducit; sicque ab eodem Regnum, gratuitum veluti donum accipit (uti jam variis accidit) cui postea gratitudinis titulo (hic prae omnibus est observandus, in omnium odia incurrere nisi velit) vix non imperiose subjacet.

Ad hanc indecoram Regi servitutem evitandam, moderni patruus ac tutor, strenue ipsum adjuvit: sciverat, unde nescio, Regem vita adeo periclitari, ut intra 24, ad summum 30 horas naturae debitum esset ei reddendum. Suadet ergo Principi, adsumto gladiolo aureo, ad Regiam illico pergat. Ad palatii fores pervenientibus (Tutor comitabatur Principem) milites ingressum negant: Regis, ajunt, mandatum esse, ne quis (nemine excepto) hac die introeat. Tum patruus monet Nepotem, distringat gladiolum, et quemcumque sibi resistentem interficiat: Qui certissime primum militem sibi obvium peremisset, nisi idus inclinatione corporis ab eo evitatus, inanis excidisset. Quare violento hoc modo patentem cum haberet portam, severo milites vultu intuens, *scire, ait, ego cupio, meo cum genitore quid agatur; Et vos adcessum mihi negatis, et primogenito, et haeredi?* Sic nudato

ferro ingressus, non sine omnium admiratione, ac stupore ob rei novitatem, regium ad conclave properat, ubi patrem jam cum morte luctantem reperit, duabus post horis extinctum. Excandescens proin adversus Eunuchum (qui plane contrarium de Regis valetudine in vulgus sparserat) infidelitatis eum coarguit, ac mox per eundem cunctas domus Regiae fores occludi, et custodiri praecipit.

Triduo exacto, Regis obitus annuntiatur: Vexillum novi Regis nomine insignitum in turri supra principem palatii portam exponitur: Ministri aulae omnes, cuncti ordinum universorum Mandarinum, quotquot sunt cohortes militum, conveniunt. Rege praesente, ejus patruus, aut, officium si vacat, Mandarinorum litterarum primus tanta contentione, quantum forum est, *Veneramur*, dicit, *Regem nostrum*: Proprio hunc compellat nomine (Modernus vocatur *Duc Thánz Thüông*, h. e. *Patriae benignus gubernator*) ei que *millies mille annos precamur*. Tunc omnes quatuor vicibus (alias tribus dumtaxat) inclinato ad terram capite, se prosternunt. Rex, *grates agimus*, reponit. Quae verba festivo populus clamore excipit.

Rex dein ad *propylaeum*, fluvio magno oppositum pergit. Supremus ibi militiae navalis dux cum triremibus 50, duos in ordines divisus, advenit, votum vitae regiae, ad tot annorum millia prorogandae, renovans. Rex solemnibus sibi verbis respondet. Adpropinquant elephantes, quibus eorum moderatores insident, laeta adclamatione Monarcham pariter suum honoraturi. Postremus est summus stabuli Magister, qui ostentans equos ad magnificentiam phaleratos, loris aureis, ephippiisque pretiosis exornatos, novo Principi suo similiter adplaudit.

Interius postea Rex subit palatium, hunc accepturus honorem a tota familia regia, a concubinis, ab Eunuchis,

ab aulae ephebis, a Nigris si qui adsunt in secundo sanguinitatis gradu constituti, hos coram se prostratos stans et erectus admittit.

Demum harioli, duas reddentes catervas, omnem, qua late patet, fluvium, qui aulam adluit, percurrunt; suos, ut ajunt, exorcismos daemoni intentant, sclopeta non pauca explodendo, eumque inde fugari, stulte credulis persudent, ne flumen hoc trajicientibus valeat post hac nocere.

Alium in diem praestandum fidelitatis juramentum indicitur, quod Rex a primariis aulae Ministris ipsemet exigit, quoad reliquos, negotium isthoc uni alterive Mandarinocommittenda. Idem jus jurandum, quippe sexcentis refertum diris, magnum erat *Christianis* obstaculum: Quocirca illo ne se contaminarent, morbum simulantes, domi remansere. Haec jurandi aequae ac imprecandi formula quot annis, post finitas anni novi ferias (*Rdvink* vocant) omnibus a Mandarinis, militibusque reposcitur, a quibus caeterisque subditis Rex ita colitur, ut ejus dicta, ac edicta sicut oracula adorentur.

Quidquid pretiosum, curiosum, rarum, aut pulchrum ab iis acquiritur, Regi offerunt; subditum enim, Domino suo, melius quidquam possidere, indignum arbitrantur. Ejus vultum (hunc nisi allequaris) contueri, crimen habetur. Hinc palatio dum exit, domorum, quas praeterit, portae clauduntur, ac per praeconem omnibus indicatur, ne quis in platea compareat, collocatis simul excubiis, populum transeuntem arcentibus. Atque haec ratio est, cur raro admodum in publicum prodeat.

Si contingat, ut propinquorum suorum quempiam infirmum, v. g. patrum, aut materteram inviset, locus, ubi confidet, sacer est, ita, ut jam nullus in posterum eum occupare, aut pedibus contingere audeat: Mox enim ei praefigitur tabella, Regis nomine illustrata, ab omnibus veneranda. Universus insuper ornatus, ad recipiendum

dum talem, ac tantum hospitem adhibitus, semper ibi eodem remanet modo, ac si praesens adesset.

§. 2.

Regis pompa, et custodia.

Modus, Rex quando egreditur, hic servatur. Primo cohortes praecedunt aulicae, jure omnes, quae sunt 25, (ex concessione tamen Regis, subinde duae tantum, aut tres, si exigua loci, quo vadit, sit distantia) oblongis instructae *frameis a*). Harum manubria ex argento, palmum fere cum dimidio attingunt: dextera has manu tenient, demissa, et juxta latus directe extensa, manubrio humerum adaequante. In cohortis medio gradiuntur centuriones, suis pariter *rhomphaeis b*) armati, quarum capulus est aureus, eleganter elaboratus, et non glaber, quem miles habet gregarius. Sequitur caterva, *aureo ab ense dicta*. Medium occupant ephoebi, qui *externi* adpellantur, propterea, quod, Rege exeunte, solum officio suo perfunguntur. Qui cohortem hanc constituunt, idem armorum genus, sed brevius, argentea adornatum ansa, protendunt. Proximi eunt, qui sumtuosos portant *petasos*, amoenam ad umbram Regi conciliandam. Hoc ad agmen admittitur nemo, nisi robustarum sit virium, ac procerae admodum staturae: Horum enim umbraculorum manubria sunt plerumque ex ebore, aut pretioso e ligno confecta; eorum capitellum ex auro constat; galerus

a) *Framea*, lancea, vel hasta *germanica*, de qua Tac. de Germ. C. 6. ait: *Hostas, vel, ipsorum vocabulo, frameas gerunt*. Vetus Criticus in *glossar.* interpretatur frameam *εὐμψασα*. Cui assentitur Isid. l. 13 orig. C. 6.

b) *Rhomphaea* Isid. l. 2. *gladius ex utraque parte acutus, quam vulgo Spatham vocant, unde etiam Eccl. 21. v. 4. habetur: Quasi rhomphaea bis acuta*. Est a *ῥόμῃ* in gyrum circumago; hoc enim facere solent *rhomphaea* pugnantes.

galerus (qui est aut holosericus, aut operis *Damasceni*) tantae est magnitudinis, ut hominem quemcumque adversus solis, ac pluviae injurias possit defendere.

Tum Rex gestatoria in sella octo a viris, iisque valentissimis adfertur: Haec similis exstat sedili *a*), Pontificali in Missa apud nos adhiberi solito, tota quanta verne, auroque obducta. *Anaclinterium b*) tela est pretiosissima, aureis illusa floribus, vestitum. Custodia corporis regii praecipua e nobilibus Mandarinorum filiis confatur, quatuorque ducibus, quibus Rex ipse est praefectus. Tota haec pompa clauditur aliquot militum, sine ordine procedentium, manipulis.

Solemnius est Regis egressus, fluvium trajicientis. Tunc enim triremes 10, (quaelibet remis 50 est instructa) ac cymbae 25, (cohors quaevis proklam ducit remorum 24), illum comitantur. Maxime vero solemnis actus conspicitur, ubi Rex ad aulae portum se confert, annum australibus e provinciis vestigal recepturus, quod secundum Regni decreta ei non penderetur, ille ipse nisi adveniret. Qua de causa singulis eo annis profiscatur, est necesse. Triremes ergo omnes regiae (hae sunt 50) cum singularum cohortium cymbis, eundem numerum complectentibus, ad splendidissimum hoc iter praeparantur. Concubinae etiam praecipuae, suis vestae *phaselis c*) (quibus remi sunt 14) comitatum hunc ampliss-

a) Sella haec plicatilis nominatur *saldistorium*; de quo *Cerem. Episc. l. 2, C. 25*.

b) Sellae dorsum, aut reclinatorium ab *ανα*, et *κλινω*, reclino. *Cic. Accusat. in Verr. l. 5*. inquit: *ut mihi fuit Bithyniae Regibus, lectica ottophoro ferebatur, sive lectica, quae ab 8 lecticariis ferebatur*. Et *Sueton. de Caligula C. 49*. ait: *seu confecit — interdum adeo segniter, et delicate, ut ottophoro veheretur*.

c) *Phaselus*, navigli genus, nomen habens a *Phaselide*, urbe olim *Pamphylicae in Asia*.

plificant. Sic navigatio haec magnificentissima navigia plerumque 140 recenset.

Triremes hae omnes vernice, prora autem (hanc et elegans tectum, columnis quatuor innixum, contegit, et tormentum aeneum munit) et puppis auro coruscant. Illa, qua Rex vehitur, antica in parte, utrumque tormenti bellici latus aureum rubra in area draconem commonstrat. Adfuit ibidem quibusdam cum ephebis *archithalassus*. Pervenusta insuper aedicula, et inaurata, in phaseli medio adsurgens (cui fenestrac sunt quatuor, cancellis haud absmiles) in concubinarum cymbis prominet, ita, ut ipsae videre omnes, videri autem a nemine possint.

Ut primum Rex portum adtingit, cuncta antecessorum suorum, juxta ordinem sepulchra, ter ad terram usque inclinatus, veneratur. Tum ad portus ostia, solis stipatus triremibus, progreditur. Quo tempore navigia reliqua, expansis velis, quasi alio migratura, in altum se proripiunt, confestim tamen, pullato a Rege tympano, redeuntia: Triremes regiae alterum ex altero adsequuntur, injectoque fune, ad portum tamdiu pertrahunt, donec singula, veluti capta, vistrices introduxerint.

Post Mandarinus, tributii conductor, certum auri pondus Regi offert una cum rerum indice, in portorium adferri solitarum: quae sunt vinum, oleum, oryza, cera, mel, sericum &c. Ingens inde pecuniae summa emergit. Mares ab anno aetatis octavo et decimo ad septuagesimum usque (hic jam excluditur) Mandarinis, militibusque exceptis, florenos quinque quolibet anno persolvunt. Pro pauperibus, laborare amplius non valentibus, loci communitas annum hunc censum dare cogitur. Ad secundam noctis vigiliam, sumptibus regiis, pro universis, tam in mari, quam in fluviis, vita functis, iusta celebrantur. Quae potissima ex parte congruunt cum ea funebri pompa, quam separatus infra paragra-

ragraphus describet. Postera die Rex, cervorum, aut aprorum venatione se oblectare nisi velit, aulicam ad urbem revertitur.

Porro pro personae regiae custodia intra palatium solummodo adhibentur *Nigri*, vulgo *Lai*, ex *Cochinchinae* Alpibus collecti a). Quibuscum summa Regi familiaritas, dum intercedit, ideo ab omnibus, ipsis etiam Mandarinis, Regnique proceribus metuuntur. Illi cohortes quatuor constituunt, totidem cum tribunis, et vicario ducis supremi, qui Rex solus esse potest. Cunctis hisce titulus *ephoeborum aulae interioris* convenit; qui certum intra numerum non constringuntur.

Pro custodia palatii *exteriore* destinatae sunt cohortes 25, diu noctuque excubias alternantes. Alia est cohors *epheborum Cochinchinensium*, adsueta Regem exeuntem comitari. Sunt pariter quinquaginta, qui sub nomine *ephoeborum*, *exteriore* ab *aula* adpellatorum, veniunt. Sunt denique catervae aliae 25, majori potius pompae, quam custodiae Regis destinatae.

§. 3.

Regis militia.

His adcedunt militum maritimosum cohortes 50, quibus si adnumerentur *Venatores*, *Sagittarii*, *Hastati*, una cum auxiliariis, facile erunt viginti hominum millia. Pugna navalis quot annis hoc modo exhibetur. Procedunt acie directa contra inimicum, ad bacillorum duorum, quae colliduntur, sonum, tanta remigantes aequalitate, ut, sclopetum hostile, primum in remum figens scopum, si aberret, globus ita omnes transeat, ut ob eandem, quam servant, altitudinem, nullus offendatur. Tum tormentum ad proram explodunt; pedibus dein remos extra aquam sustinentes, latus obvertunt sinistram,

ferreas-

a) Vide C. I. §. 2.

ferreasque fistulas exonerant, remos concitantibus tunc iis solis, qui dextera e parte consistunt; mox illos denuo arripiunt, ut et, qui ad dextrum sunt, sclopo uti possint igniario. Atque sic triremem quam celerrime in gyrum agendo, discedunt, postremum occupant locum, bombardas denuo instruunt. Hac ratione, altera pugnat triremis, ac reliquae omnes. Certamen visu quidem jucundum, sed ad configendum cum hoste, qui non est *Asiaticus*, minus aptum. Non sunt *Orientales* hae nationes, quae, igne conspecto, magis incaleant, aut sanguine profuso, plus effervescent.

Unicum, quod fortasse militem *Europaeum* posset perterrefacere, elephantes sunt, ad bellandum optime instructi: Ili enim intrepide (quae ferocissimarum harum bellicuarum est natura) hostium in phalanges irruunt; omnia fusque deque sternunt, proculcant, bifurcis dentibus in altum excutiant; nec sclopetorum glandibus plumbeis, aut lanceis, ob pellis et duritiem, et crassitudinem facile fauciantur nisi ea in parte, ubi femur, et coxendix coeunt, adeo molli, ut immissa in hanc sica, aut gladio, haud difficulter prosternantur *a*). Belligera haec animalia Rex alit in aula plerumque 50, prope *Tunquinum* plura: His, belli tempore, insidet; Regis item filii, consanguinei, optimates, Provinciarum Gubernatores, Proreges.

Elephanti duo, aut tres, quos Rex conscendit, ita sunt instructi, ut genua flactentes *b*), tam suaviter ipsum erigant, ut nec minimam ei molestiam exhibeant. Id quod sane mirandum in bellua tam obesa, tantaeque gravita-

a) Plin. l. 8, C. 28. de rhinocerote: *Hic genus hostis elephanto: Cornu ad saxa limato praeparat se pugnae. in dimicatione alium maxime petens, quam scit esse molliorem.*

b) Idem l. 8, C. 1. inquit: *Elephanti Regem adorant, genua submitunt.*

vitatis a): Turricula dorso ejus imposita, ac validissimis infra ventrem loris colligata, hominem pedibus conjunctis confidentem (tam alta, lataque existit) commode comprehendit. Illa, quae Regis est, tota auro, aliae dumtaxat vernice sunt circumdatae, scite tamen, et artificiose exstructae. Reliquos in elephantes scalae, sex, aut octo graduum subsidio aſcenditur. Hos sequuntur, qui et lanceis, et *bidentibus*, et *tridentibus*, et ensibus dimicant: Istos tum ob pondus, tum ob manubrii longitudinem, manu una distringere haud possunt. *Lanceariorum* latus stipant, qui ad *sagittas* arcu emittendas sunt dextrissimi. Militum ab *hastis*, quas gerunt, dictorum cohortes quatuor Regem defendunt, una Mandarinos. Caeterum antiquam belligerandi methodum imitantur.

E provincia *Bariensi* alternis mensibus ablegantur milites, influentes in patriam hostium, maxime *Cambodianorum*, copias repressuri. Adhaec juxta maris litus vicinis in collibus praealtae cernuntur turres, (ab una ad alteram passuum mille est intervallum) ubi, hoste imminente, quam primum ignes accenduntur. Sic breve intra tempus acies *Cochinchinensis* stat expedita, ad impetum hostilem excipiendum.

CAPUT

- a) *Elephas*, animalium omnium terrestrium animal maximum, quibusdam *barrus* nominatur a *Βαρος*, pondus, onus, gravitas. Qui *Indos* debellavit *Bacchus*, primus omnium triumphavit, *Indico* vectus *elephanto*: Qui et *Bor Lucas* dicitur, quod *Romani* in *Lucania* primum *elephantes* viderunt *Pyrri* tempore. *Varro de L. L. l. 6.* a *lucis* dictos putas, quia longe *reſucebant* propter *inauratos clypeos*, quibus eorum *tartres* ornatae erant.

CAPUT III.

De Regis aula, et recreatione.

§. I.

Palatium regium.

Regiam, in quadratos redactam pedes, murus triplex munit, atque circumdat. Portae majores numerantur septem: Praecipua, quae fluvium respicit, aedificii frontem ostendit, turratae inclusam aediculae. Prope hanc sinistra e parte tria illa eminent tormenta grandia, quae numquam, nisi ad Principis haereditarij partum, excutuntur. Minora sunt 150, tam ferrea, quam aerea, per palatii circuitum ita disjuncta, ut duas inter columnas unum promineat. Portam principem si ingrediaris, spatiosum patet atrium, ubi cohortes illae 25, (quae vigiliarum ibidem vices servant) duo in cornua divisae adstant, dum publicum a Rege datur adloquium, juxta Regni leges, binis per hebdomadem vicibus concedendum. Per amplum dein occurrit cubiculum; (*procoeton*) quo *Mandarini* se recipiunt: *Militares* dextram, *litterati* laevam occupant, quilibet secundum status, ac dignitatis suae ordinem: Ad quod Rex sua in sella delatus, in medio juxta mensulam confidet, ubi penicilli, pulvillus in *cinnabarim* intinctus, sigillum. Atque hoc modo ad adloquium eos, qui hoc expetunt, admittit.

Portas e latere collocatas si intres, una ex parte stabula videntur, allaeque domus, varia ubi animalia, quae *domestica* vocamus, nutriuntur, praegrandes praeprimis galli *Martiales*, qui ad singulare certamen mutuo ineundum informantur, ligatis ad calcaria lanceolis peracutis. Decernitur haud exigua pecuniae summa, quam lucratur, cujus gallus victor evadit. Neque opus est, ut alterius gallum perimat: sufficit, si unus demittens animum, ex arena

arena aufugiat. Id quod spectatorum cachinno, plausuque maximo excipitur. Galli hi etiamnum parvi, praeter alas, caudam et cristam, plumis plane omnibus spoliantur; vino indies levantur; tanta insuper aluntur diligentia, ut major saepius eorum, quam liberorum cura geratur. Altera ex parte exstructa sunt domicilia, quae cantatrices regiae incolunt.

In tertia palatii hujus regione exstat hortus, lacta florum, herbarum peregrinarum, ac arborum varietate longe amoenissimus, quae non in solo, arena, eaque candidissima strato, crescunt, sed grandibus in vasis, partim picta ex *argilla*, partim (et haec quam plurima sunt) *gemma*, singulari opere, artificioque perfectis. Singula haec pulcherrimum in ordinem disposita, suisque distincta *areolis* inuentium oculos et fortiter adliciunt, et suaviter pascunt.

Adiunt ibidem vasa alia, et permagna, geminae fortis pisciculis referta. Qui squammis superbiunt argenteis acque ac aureis, tantum evibrant splendorem, ut solis perstricti radiis, aquae innatando, aureum, ut ita loquar, *phosphorum* repraesentent: Hi utpote pacis amantes, simul habitant, ac plerumque vix palmum longitudine, latitudine autem duos vix digitos transversos superant: Cauda bisfurca, ita quidem, ut pars superior inferiorem jucunde praeveniat. Id genus pisciculi in variis montium rivis reperiuntur: Alii adhuc minores, subrubri coloris, prope fonticulos intra lapides reconditi capiuntur: horum masculi omnes belligeri, continuo inter se luctantur. Quilibet ergo solus vasi imponitur, in cujus medio saxum excavatum, quo se recipit, ac solis ab aestu defendit. Istos invicem bellum gerentes visurus, unum suo e vasa eximit,

a) Vulgaris appellatio est: *Porcellana*: Vocatur et terra *India*, vel *Sinenfis*, quia ejusmodi vasa hac a natione, e terra subtili, ac pingui, igni coquantur.

eximit, et in alio collocat. Tum enim alter fulguris instar suo ex antro proflire, ultro citroque commeari, inimici vires explorare, mox ipsum morsibus adgredi tam acribus, ut squamae hinc inde decident. Mutua ut plurimum ora adoriuntur, valide adeo se implexos commordendo tenentes, ut simul se in profundum trahant, nec facile intra horae quadrantem se demittant, et modo hic, modo ille supernatet. Ad dirimendam inter ambos litem, eximendus est phiala pisciculus, suumque ad antrum reponendus. Atque hoc exhibitum bellicosus istis de pisciculis spectaculum plura subinde florenorum millia per annum consumit.

Praeterea plures sunt inibi lacus compluvii, aquam, ad plantas arboresque irrigandas, necessariam colligentes. In cisternarum harum medio ingens prominet saxum, supra quod plantatum est arbustum illud celebre, quod lapidi vivo, et aquae impositum, semper viret, terrae vero mandatum, paucos intra dies emoritur.

Inde secundum ad murum devenitur, primo humilior, juxta quem ambitus, lateribus stratus, tecto defensus, columnis distinctus tempore pluvio ad deambulandum accommodatus. Quatuor sunt ibi portae, murum altitudine adaequantes, a *Nigris* custoditae. Ultra si fueris progressus, amplum denuo spatium. Primum occupant locum Principes regii; alterum Regis consanguineae; mares enim, cognatione eum adtingentes, extra palatium habitant.

Tum conspiciendum se praebet Concubinarum aedificium, sacrarum nostrarum virginum monasterio haud ab simile; quod unum dumtaxat ambitum, unamque contignationem complectitur. Foris praeter murum, portas, parvum ambulacrum, et tectum, et columnis suffultum, nil omnino videtur. Concubinae cujusvis domum murus, ab altera separat. Fores omnes, ad ambitum spectant, solo-

soloque pessulo clauduntur, ne Rex easdem pulsare cogatur. Domui contiguum est spatium, passus octo non excedens; ad cuius dextram Regis cubile, magnifice adornatum, ac si indies eo iret cubitum. Unica e fenestra patet prospectus in hortulum, muro undique obstructum, ne quis introspicere, Regemque videre possit. Id quod foret grande nefas, et morte piandum. Ibidem concubina plantatos conservat flosculos varios, Regi eam adcedenti offerendos. Ad sinistram cubiculum est concubinae a). Praetensum lecto velum, idque *carbasinum* b), flores aurei distinguunt. Famularum dein occurrit domicilium, culina &c. Atque hunc in modum exstructa sunt feminarum omnium, quibuscum Rex occubat, habitacula, hoc tantum cum discrimine, quod eae, quae tamquam dominae, ac Reginae coluntur, loco et ampliore, et ornatiore fruuntur.

Secunda e regione conscenditur ad tertiam, quae proprie *Regia*, et Regis sedes, quinque ex aedificiis componitur: Haec inter domus, quae ab altitudine nomen habet, tres continens contignationes, in fastigio turrim exhibet, speculae officio fungentem: Inde enim non tota modo insula, sed omnis, quae longe, lateque porrigitur, vicinia, eaque jucundissima, fluviis, qui crebris curvantur flexibus, divisa, conspicitur. Nullus augustis hisce in sedibus lapis, calx nulla, caementum nullum. Pretiosissimis e lignis constant omnia (columnae sunt citrini, rubrique coloris) secundum architecturae regulas affabre confecta, sculpta, expolita, adornata. Diceres, superbam hanc fabricam theatro celebratissimo similem, cuius pavementum crystallini instar speculi resplendet. E
portis

a) *Amphithalamus*, cubilis genus; contra thalamum positus. *Vitruv.* l. 6, C. 10. ait: *dextra et sinistra cubacula sunt collocata &c.*

b) *Carbasus*, genus lini mirae tenuitatis.

portis cubiculorum omnibus textilia dependent *stragula*, magnificis depicta operibus: In tecti culmine, declivibusque ejus angulis, formati alba ex argilla dracones pendulas e faucibus laminas exserunt aureas, quae, vento spirante, gratam ad harmoniam concrepant. Rem paucis ut complectar; universa non ad usum modo, sed ad ostentationem luxus comparata, ac sane regia.

Praeter regalem hanc domum, sunt tria etiam num palatia: vetus scilicet, quod regni *aerarium* solidissimis firmatum muris, Regum *Cochinchinae* omnium thesauros conservat: ducentos circiter passus a novo, quod fuit modo descriptum, distat: Aliud ex adversa fluminis ripa, habitatio est Regis, hiberna agentis. Tertium exstat gynaeceum illud, ubi relictæ defunctis a Regibus viduæ morantur, viduitatem suam ad mortem usque deplorantes.

§. 2.

Concubinae Regiae.

Hæ tres in *classes* dividuntur: Ad *primam* pertinent Mandarinorum præcipuorum filiae, verae, e Regni sanctionem, Regis sponsæ, ac Reginae. Quæ prima prolem parit masculam, prærogativam tenet, utpote filii, post patrem imperaturi, mater serenissima. Hanc sequuntur cunctæ, filium, aut filiam gignentes: tum reliquæ: secundum suæ in Regiam introductionis tempus. *Mundus* istarum mullebris auro, gemmisque est distinctus omnis. Veste utuntur purpurea, dracones aureos (quod Regis solius *insigne* exstat) acu *phrygia a)* pictos, ostentante: Zona cinguntur aurea: Crinem in vertice eleganter reflexum corolla ligat aurea *b)*: Fascia, purpuræ colorem refe-

a) *Phryges*, noti *Asias* min. populi, de quibus *Plin. l. 8, C. 48.* his verbis: *Acu facere, Idasi Phryges invenerunt.*

b) *Athenienses* indigenæ capillum habebant congestum in conum, cui cicadas ex auro sere innectebant. *Taubm. ad Plaut. p. 17.*

referens, flosculis pariter aureis, lapidibusque pretiosis illustrata, caput exornat: Dracunculus ex auro fusus miram fronti addit pulchritudinem.

Modestissimus autem est illarum habitus; praeterquam enim quod usurpent femoralia e tela albi coloris *attalica* a), in plicas coacta, ad imos usque pedes defluentia, amictae sunt tunica, pariter undique sinuosa, quam fimbria ejusdem telae circumdat, aureos praeter flosculos, serico rubro internitente. Vestis haec est utrimque fissa, ita ut plicata femorum tegumenta aliquantulum transluceant. Indusii loco, et pectoris ornamenti, quod *pectorale* dicimus, induuntur *byss* b), triplicique vestimento serico: Unum est candidum; *carbasmum* c) exstat alterum; tertium *murice* d), seu *ostr* e) tinctum, aequalis longitudinis, et medio circiter palmo brevius, quam *tunica*; hoc angusto instructum *patagio* f) aureus ad collum nodus adstringit. Superinduitur toga nullus in rugas, plicaturasque contracta, a summo usque deorsum aperta, quam ligula, in medio sedens pectoris, ne diducatur, firmam tenet. Manicarum longitudo facit, manus

a) Sericum, vulgo *atlas*. Vestes porro *attalicae* dicuntur etiam eae, quibus aurum est intextum. Cujus vocis etymon ducitur ab *Attalo*, Rege *Pergami* in *Asia* ditissimo, textilis hujus operis inventore.

b) *Byssus*, genus lini candidissimi, in *India* crescentis.

c) *Carthus* l. 3, C. 9. de *Indis* adserit: Corpora usque ad pedes *carbasa* volant.

d) *Murex* pisciculus ex conchyliorum genere, qui a piscatoribus lapide percussus, succum evomit, tingendis *purpureo* colore vestibus expetitur.

e) *Ostrum*, liquor violaceus, qui e muricis cochlea exemptus, aliisque admixtus coloribus, *purpuram* efficit.

f) *Patagium*, id quod summam ad tunicam ad sui solet. *Fascia*.

nus ut penitus contegantur a). Calceamenta sunt humilia, quae acu venustissime picta, parvum in acumen desinunt. Tibialia ejusdem cum femoralibus et telae, et coloris, infra genu ligantur. Dextra gerunt stibellum, sinistra sudariolum purpurea e sindone, cui duo adhaerent sacculi. In uno tabacum adservatur, ad ejus fumum fistula hauriendum, in alio folium aromaticum familiari cum fructu, *areca* dicto, qui dentibus conficitur.

Sic vestitae coram Rege comparent, aut vocatae, aut juxta officii sui partes, quas tribus per annum vicibus implere tenentur, nimirum ingruente anno novo lunari, die quinta lunae quintae, ac die Regis natali: Quo tempore una omnes renovant homagium, matre Principis, coronae haeredis, sermonem habente. A Rege dum invisuntur, exteriorem tantummodo sumunt amictum, protinus eum deponentes, facta more suo reverentia, quam flexis retro genibus confidendo, caputque ter super manus inclinando, exhibent.

Sponsarum harum a Rege electarum ingressus ritu maxime solemniter peragitur: Mandarinum enim, aestu gloriae flagrantibus, se invicem vincere dum adlaborant, dote profecto regia filias suas locupletant. Singula conductos per milites, per omnes, aut primarias saltem plateas deportantur. Occlusa in cistis (hae aureis a ligaminibus, a feris, a clavibus magis rutilant) literae majores, illis inscriptae, luculenter ostendunt. Longus hic, ac magnificus procedentium ordo integram plerumque per horam, et ultra producit. Splendidam hanc regali luxu suppellectilem sequitur sponsa non purpureo in reti, (quod sumptuoso obductum velamento, concubinis secundi ordinis est proprium) sed pulcherrima in aediculo, (huic fenestrae

a) *P. Africanus*. *Pauli* filius *P. Sulpitii Gallo*, homini delicato inter alia, quae objectabat, id quoque probro dedit, quod *tunicis* uteretur, *manus totas operientibus*. *Gell. L. 7, c. 12.*

strae duae, quas vela, Regis insigni ornata, opacas faciunt) ubi inclusa sedet, ac a sex domesticis parentum suorum famulis, velut augusto in pegmate gestatur. Ancillae, futuram ad familiam designatae, nuptialem hanc pompam finiunt. Desponsa dein puella quatuor a matronis (quae aulae Praefectarum titulo gaudent) ab imis, usque ajunt, unguiculis ad summum usque verticem a) perlustratur, siqua macula adpareat. Quae regium ad thalamum recipitur, quod ad formae spectat praestantiam, altera sit *Helena*, est necesse.

Concubinis hisce principibus eadem datur pensio annua, quae Regis filiaibus, et haec perexigua: Nam praeter *Solidos* 100 *hispanicos*, ac oryzae modios 50 (quibus libras 120 continet) reliqua, cujusmodi sunt sal, pisces sale conditi, atque ad solem exsiccati, vix ullius sunt momenti. At rerum abundantia facit, ut alimenta pretio etiam vilissimo emantur. Adhaec parentes cibos delicatiores illis transmittunt. Unicum, quo funguntur, munus est, fructum, hac in regione usitatissimum (cui *areca* nomen) praeparare, Regi deferendum. Alternis unaquaeque mensibus hoc in officio versatur. Eunuchi numquam soli cum concubinis Regis loquuntur, nec illas vident; sed post cortinam positae coram concubina maiore praefecta, sive cameraria, illis mandata Regis deferunt, illasque ad extra tamquam vigiles custodiunt. Rege defuncto, suum ad gynaeceum pergunt, vitam religiosae communitati propriam victurae. Quas promissas tam stultiose aluerunt comas, refecant; lugubrem sumunt vestem, e *xylyno* b) contextam; (color fere ad cinereum adde-

D 2

dit

a) Talos a vertice pulcher ad imos. *Her. L. 2, epist. 2. v. 4.*

b) *Xylinum*, subaudi *linum*, a ξύλον, lignum, genus lini candidissimi nascens in frutice; quod etiam *gossypium* vocatur: Italice *Bambagia*; gallice *Cotone*; germanice *Baumwolle*; Lusitanice *Algodão*; Brasiliice *Amanijô*.

dit) corollam, e globulis, quos *precatorias* nominamus, confectam, collo adpendunt. Sunt ibi, quae non solum Principis, a quo et amatae, et visitatae fuerunt, absentiam, sed et virginitatem suam continuo luctu prosequantur. Ab una militum cohorte custodiuntur; non eo tamen rigore, quo priore in palatio: Mater enim, sorores, consanguineae, et propinquae, quibet iis libuerit, adire ipsas possunt. Qui adcessus, dum in Regia degunt, non nisi data a Rege potestate, et rarissime permittitur.

Ad *secundam* Concubinarum *seriem* referuntur illae, quae ceu famulae honorariae Regi semper adstant; ei inserviunt; mensam, lectumque sternunt; cibaria condiunt; cupedias e saccharo confectas parant; crines petunt, in nodum colligunt; Regem vestibibus induunt, atque exornant. Has inter primatum tenet, quae Regio praestest vestiario, ac reliqua magis sumptuosa, uti sunt pelles aureae, pyxides, specula &c. conservat. Haec Matris titulo honoratur, ad demonstrandam ingentem curam, qua tum Regem, tum res majoris pretii omnes, ab eo aestimatas debet complecti.

Cum istis Rex familiariter conversatur: sunt enim Mandarinorum secundae, aut tertiae classis filiae; nec iis, quae in regno recepta sunt, solemnibus jugali vinculo adstringuntur. Habitus earum nec aurum, nec purpuram, neque colorem rubeum admittit. Fascia distinguuntur nigra, rosas argenteis condecorata. At quae camerae est praefecta, ornatum adhibet matronalem, auro coruscum.

Concubinarum harum filii gaudent privilegiis aliorum, qui a regii tori consortibus, primi ordinis, pariuntur, atque *Domini* juxta tempus, quo sunt in lucem editi, nuncupantur. Sic, qui primus nascitur, *primus* vocatur *Dominus*; alter, *secundus*; atque ita de reliquis. Proli nulli regiae patet publica ad officia, et dignitates aditus, ea potissimum de causa, ut seditionum viae omnes intercludantur.

Ad *tertium* Concubinarum *gradum* evadunt cantatrices. Hunc in numerum plebejorum omnium filiae possunt admitti: neque est impedimento, quod canit Poëta:

*Haud facile emergunt, quorum virtutibus obstat
Res angusta domi a).*

Hic derivatus a *concubitu* titulus minus proprie iis convenit, cum raro admodum Rex ejusmodi puellis utatur. Tamen propter singularem quampiam naturae dotem, quadam usus, ad secundam prius seminei hujus collegii classem ea cooptatur, ut nascituri ex ipsa liberi legitimi habeantur.

§. 3.

Musica. Mensa regia. Comoediae.

Ex officio hae cantatrices diebus per annum solemnioribus festivam in aula musicam producunt, seu quando Rex mentem suam a contentione cogitationum, suavi quadam symphonia ad tranquillitatem cupit traducere. Quare tanta, quanta maxima esse potest, diligentia, annis singulis, universum per regnum conquiruntur puellae, a vocum nervorumque cantibus insignes. Eaedem a suis, quae pulsant, instrumentis, *citharistriae* et *tympanistriae* compellantur. Tympana sunt ex corio. Et his, et campanulis, et laminis, et tabellis ligneis ludunt dexterrime.

Musica, magnum edens strepitum, alteri, quae blanda, ac minus est sonora, praefertur, ex eo, quod illa majestatem exhibet majorem; non sine grata auribus etiam *Europaeis* harmonia! Rex modernus ista etiam, ac molliore delectatur musica. Coram eo P. Koffler sub initium sui in aulam adventus frequenter ludit. Omnibus prae instrumentis placuit illud, quod *Viole d'amour* adpellatur, nodi majoris pandura. Citharam, quae pectine percutitur,

a) Juven. Sat. 3. v. 164.

tur, amoenum quidem, sed muliebre nominavit instrumentum. Tibia, quam non pauci utcumque callent, Regi res nova non existit; miratus tamen est summopere, ubi Patrem duas simul infantem percepit.

Regis epulum omni opulentia adornatur. Centum quotidie ferculis mensa instruitur. Scutellae, aliaeque vasa, convivio propria, e terra sunt, vulgo *porcellana*, tam *sinensi*, quam *japonensi*, aureis a circulis refulgentia. Plures insuper dapes, quas Mandarinorum illustriorum conjuges ipsaemet praeparant, ad palatium mittuntur.

Neque desunt comici. Hi quatuor in coetus divisi, statutis per annum diebus, aut quoties Regi placitum fuerit, sua exhibent dramata, exquisitis omnino historijs in argumentum adsumtis, nostrorumque in *Europa* Principum ludos scenicos conantur imitari.

§. 4.

Elephantum exercitatio.

Quae ad animi relaxationem spectant, Rex quidem ea feligere adsolet, genio suo magis arridentia. Duae nihilo minus oblectationes sunt, Regni juxta consuetudinem, ipsi assignatae: Quarum una est exercitium, quod ab *elephantis* nomen sumit. In his capiendis dispersi per provincias venatores occupantur. Modis autem, istos comprehendendi, haud est difficilis. Elephas femina, cui magister ejus insidet, ad silvam contendit. Strepitu hoc excitatus elephas mas, dum marem allum contra se venire, suspicatur, horribilem edit barritum; praepropero gressu suum adversus inimicum in arenam progreditur; cornua obvertit; ad resistendum se parat. At opinione sua deceptus, feminam transire ubi advertit, mox ferocitatem deponere, praecedentem eminus subsequi, irretortis in eam oculis viam observare. Tum director bel-

luam

luam feminam (haec statura multo minor, caret etiam dentibus) ad structam de industria aediculam deducit. Ejusdem ad introitum ponticulus est angustus, sub quo prope ostium, laqueorum, et catenarum nexus absconduntur. Asseres locum hunc contegunt, qui remouentur, ut primum directa suo a duce belua transferit. Elephas mas, animal etsi admodum sagax, cupiditate tamen, altero cum sexu congregiendi, stimulatus, parvum transgreditur pontem; ad fores subsistit; omnia undique perlustrat, utrum quidam alius praeter feminam adsit. Nam vel uno etiam homine praesente (quae iniata ei verecundia est) congressum numquam tentat. Neminem proin adesse, existimans, magno impetu in feminam irruit, simulque in foveam prolabitur. Confidentes in dumeto venatores derepente consurgunt; ex insidiis advolant; vincula magis constringunt; exoptata de praeda sibi gratulantur.

Non una vice jam accidit, (aut venatorum fuit incuria seu nimia animalis ferocia) ut catenis disruptis, rapidissimo aestu aufugiens, ingentem in via stragem ederet. Tunc enim belluae agitadores fugitivam lanceis insequuntur, quae suis de hostibus vindictam sumtura, quidquid sibi obvium fuerit, jumenta aequae ac homines prostermit, proterit, contrucidat. Hac in fuga in flumen, ubi hoc adsequi potest, se agens praecipitem, quam celerrime (nec obesum obstat corpus) illud transnatat. Sic dies subinde labuntur, quoad defatigata cursu, aut a venatoribus, sive ab aliis, qui in ejus vitam conspirarunt, interficiatur.

Sin vero e voto succedit opus, aliquot per menses tum fame, tum crebra capitis percussione elephas adeo cicur redditur, ut gubernatorem, dominum suum agnoscens, ei morigerum se ostendat. Sed terreri levi de causa cum soleat, primis idcirco hebdomadibus, quando
suo

suo cum moderatore in publicum prodit, duo semper famuli obversis lanceis antecedunt, ut ferocire incipientem illico aut interimant, aut graviter saltem vulnerent. Magna dum est animalis hujus solertia, continuo id, quod edocto ab elephante fieri solet, imitatur a). Major tamen est in uno, quam in altero docilitas. In hoc sita est sola difficultas, ut propositos sibi a magistro loquendi modos condiscat.

Totum ejus robur in proboscide consistit; hac enim potissimum pugnat; hac se defendit; hac cuncta, quae comedit, in frustra comminuit, convolvit, orique immitit; hac herbas, quas prius pede radicitus e terra evellit, a sordibus, pulvere, formicis, aliisque vermiculis liberat, aliquoties super pedem illas decutiendo, ut, quae immunda sunt, decendant; hac aquam haurit, tam ad potandum, quam ad se lavandum. Rem paucis absolvo. Instrumentum est praecipuum, quo functiones plerasque perficit; Hoc si vulneretur, aut mutiletur, elephas ad omnia inutilis, facile cuilibet ferae succumbit. Atque haec causa esse videtur, cur congregi cum tigride tantopere perhorrescat; quae solam nititur proboscidem deprehendere, eam qua ungulbus, qua dentibus ut dilaceret. Quare aulico in atrio (quod Regis oblectamentum est) elephantum omnes, unam contra tigridem ubi emittuntur, ei prius dentes evellunt, faucesque *camo b)* obturant, ne illos saucians, in rabiem agat, magna adstantium clade: Nihilominus rarum est reperire, qui sponte sua tigridem adgrediatur.

§. 5.

- a) Mira sunt, quae de ejus ingenio, indole, ac adprehendendae doctrinae facilitate auctores prodiderunt. *Sueton. in vita Caesar.* inquit: *Novum spectaculi genus, elephantos funambulos edidit.* De choreis elephantum, et saltatione ad numerum *Mart. l. 1.* ita habet: *Et molles dare iussa choreas*
Nigro bellua nil negat magistro.

- b) *Camus*, genus asperi freni; *graces* a voce *αγρός*, capistrum.

§. 5.

Tigridis venatio.

Recreatio Regis altera, quae magna peragitur ostentatione, est *ferae* hujus saevissimae, ac *velocissimae* a) infectatio. Venatores (horum magnus est numerus; in aula dumtaxat sex sunt eorum cohortes) modo hanc, modo illam percurrunt silvam, omnia indagantes, utrum tigridis vestigia, quae facillime dignoscuntur, alicubi offendant. His repertis, mox cuncti eo se conferunt; retia extendunt; bestiam sensim includere satagunt; adponunt certo in loco escam, num haec famelica a fera (cui narium est sagacitas maxima) absumatur, conspecturi. Qua absumta, novam indies collocant, horridumque animal arctius semper constringunt, non nisi passuum 500 spatium, toto in circuito ei relinquentes. Post arbuta undique excinduntur: solum in silvae centro, ibi se abscondere ut possit, locus pro cubili remanet.

Notitia dein capta de tigride ad Regem deferitur. Quamprimum illuc milites expediuntur, praealtam e ligno domum (omnia hunc in usum jam prompta habent, suis distincta numeris) acclivi in loco exstructuri: ut inde singula a Rege dilucide conspici valeant. Mandarinum praecipui suas pariter aedículas jam hic, jam ibi erigi curant. Tabernas pariter ponunt caupones, quaecumque reperiri possunt, cibaria hanc ad silvam convehentes. Tum regis significatur Mathematicis, diem serenum, aptamque horam venatica hac pro oblectatione ut seligant. Et vae illis, dies nubila, pluvia, aut tempestas si ingruat! Non quidem in cute, sed in aere luunt, persolventes fisco 30, 40 imo 50 solidos *hispanicos*. Quapropter libros astrologiae

a) *Fera*, sive *Tigris*. Vocabulum e lingua *Armenia*: Nam ibi et *Sagitta*, et quod vehementissimum flumen, dicitur *Tigris*. *Plin.* l. 6, c. 27. de *Tigri* fluvio: *A colorisato Tigris incipit vocari.*

logiae suae proprios (quae *judiciaria*, seu *planetaria* dicitur) diligentissime consulunt; observationibus dant operam; diem, et horam adsignant. Astrologus (quem ordo tangit; in cujus mensem venatio isthaec incidit) ante palatii fores clepsydram manu tenet signoque per eum dato, Rex, confestim, magnifico instructus comitatu egreditur; superatoque flumine, pedestrem per viam pergit; quae si inculta, ac interclusa frondibus, et virgultis fuerit, omnia prius resecantur.

Adveniens paulisper quiescit; variis cum bellariis potum sumit consuetum, ex herba, quam *thee a*) vocant, praeparatum; confidet in medio, habens ante se vexillum regni purpureum, aureis literis, nomen regium exhibentibus, insignitum: Hoc in itinere a signifero aulae (qui est unicus) praefertur. Nulla hic signa militaria: Quaelibet provincia conservat unum, sibi proprium. Adstat insuper tympanum, quod Rex (simul ut Astronomus signum dederit, inchoandae venationis adesse tempus) tribus distinctis vicibus pulsar, ut cohortes militum omnes designatam sibi stationem occupent. Tertius autem pulsus ubi auditur, venatores ad pugnam se accingunt: Id quod Rex conspiciens, vexillum ter circumagit, et illi ter festive adclamant. Mox Musicorum, qui sinistra e parte, expansa prope retia consistunt, instrumenta percipi; pulsari tympana; cymbala concuti; inflari tibiae; illi clangere; bellicae varii generis fistulae resonare. Sub idem tempus venatores, in duos redacti ordines, arma etiam sua capeſſunt. Pars oblongas gerit furcas; pars falcibus armata contra hostem procedit: Illi bidentibus frutices inflectunt; hi istos tamdiu in frustra secant, donec bestia, strepitu propinquo excitata, suo e latibulo proſiliat; angustioribus coarctetur limitibus; hinc et inde plane attonita discurrat, nec ultra habeat, ubi se possit occultare.

Vice

a) *Lufitani* dicant *Cha.* Vid. infra Adpendix, num. III.

Vice ultima P. *Koffler* cum adesset, tigrides duae, non spernendae magnitudinis adparuerunt. Coloris erant subflavi, rubris partim maculis, partim nigris eleganter a natura depictae; mas, et femina utraque ferocissima: Una cursu tam citato recta regium contra aedificium tendit, ut non modo positos ad capturam laqueos transilierit, sed parum etiam absuerit, quin infixas ibidem *perticas* a) superaret. *Nigrorum* quidam furca eam retinuit, ac vulneravit. Sensit fera inflictum vulnus: majores proin in furias acta, et venatores (etsi bicornia obverterent arma) imperterrita adgressa, duos ex iis subito impetu prostravit. Rex periculum advertens, vexillo circumactō indicavit, ut furibundis, quocumque demum modo fieri posset, occideretur. At cum eodem tempore tigris mas in casses deciderit, femina paulo post tantas est in angustias adducta, ut *plagis* b) etiam impedita perstitit. Continuo trina cunctarum cohortium acclamatio. Renovatum est, quod olim Poëta cecinit c):

*Tum plausu, fremituque virum, studiisque faventum
Consonat omne nemus, vocemque inclusa volutant
Litora: pulsati colles clamore resultant.*

Rex dein ferit denuo tympanum. Quae irretita suis tigris, solvitur; soluta praegrandem in cistam, transversis e lignis compactam immittitur, tamdiu conservanda, donec ad aulam deportata, ibidem nutriatur, sua cum elephantibus pugna jucundum Regi spectaculum praebitura. Et venatores, et spectatores ceteri sua adeunt turgia, edunt, bibunt, tripudiant, porta de hoste victoria laetantur. Statuta demum ab astrologo hora, Rex eadem

a) *Pertica* baculus oblongus, quo alias fructus decuti solent.

b) *Plaga*, rete. *Servius* scribit, *plagas* proprie illos funes dici, quibus retia tenduntur circa imam et summam partem.

c) *Virg. Aeneid.* 5, v. 148.

eadem, qua venit, pompa redux, cuius cohorti venatoriae decem *solidos hispanicos* in praemium elargitur.

C A P U T IV.

De Regimine.

§. I.

Mandarinorum tres classes.

Ad primam, qui spectant, *regni procures* vocantur, primique a Rege, magistratum gerunt. Quaelibet autem classis denuo dividitur. Alii *militares* sunt Mandarinum, *litterati* adpellantur alii. A statu uno ad alium transitus non conceditur. Dicuntur vero *litterati*, non quasi, militiam qui sequuntur, forent rudes; quin potius, quia hi gladio, illi calamo regnum defendunt. Nobiliores sunt *militares* ex eo, quod plerumque Mandarinorum filii bellicae dignitatis gradum adipiscuntur. At *litterati* ut plurimum plebejo ex ordine ad illustria isthaec officia adsumuntur. Hi enim prae reliquis litteris operam navant; ad eleganter scribendi studium se conferunt; scientiam juris desiderant; adplicant se ad Medicinam, ad Arithmeticam, ad Astrologiam &c.

Quinos in annos periculum fit studiosorum eruditionis: Omnes totius regni aulicam ad urbem se conferunt, ubi octo, decemve dierum spatio, examen hoc modo instituitur. Cum *Cochinchinenses* sua in *dialecto*, *Sinarum* instar, vocabula certis e litteris, sicut aliae nationes, non component; sed omnia apud illos verba litterae sint, et vicissim, quae variis signis, lineis, punctis, figurisque, ut ita dicam, hieroglyphicis exprimuntur, is candidatis aliis praefertur, qui plures scit litteras, sive voces; tunc enim hunc non paucos jam libros pervolvisse, est indicio. Litteratorum in aula princeps,

cui

cui studentium ingenia expiscari incumbit, diversa litterarum schemata inter eos distribuit. Magistri omnes unam in domum compinguntur, ne litterarum *gryphos* discipulis valeant dissolvere. Ad diem praefinitum adsunt examinandi. Qui genuinum juxta sensum litteras optime interpretantur, Mandarinum evadunt: Quidam spe creationis, aliud in tempus differendae, lactantur: Alii (et horum pars est plurima) rejiciuntur. His, si qua conferatur gratia, solummodo permittitur, ut in oppidis infimam possint scholam habere.

Facta hac de litteris, litterarumque cultoribus digressionem, ad primi subsellii Mandarinum revertor; quos inter Regis patruus, qui et *Regni Custos* salutatur. Hoc defuncto, dignitas cessat, Regisque frater nequit succedere, nisi ab ejus obitu. Sequuntur *domini* quatuor, qui a *manu regia*, *dextera* aequae ac *sinistra* nomen sortiuntur. Duo sunt intimi, sola provinciae aulicae negotia tractantes: *Externi* totidem vocantur, qui aliarum provinciarum res administrant. *Quatuorviratui* sunt proximi Proreges septem, *triremum* regiarum Praefecti tres.

Principem litteratos inter locum obtinet politicae magister, legum insuper, Religionis avitae, tabularumque publicarum conservator, quem omni civilium commutationum scientia imbutum esse oportet. Hanc enim personam sustineat, casus omnes, maxime intricatos resolvit; cui ne ipse quidem Rex potest contradicere: Huic adsunt supremus sanctioris concilii Scriba, ejus Vicarius, summus regni Judex, aerarii Praeses, qui est Eunuchus: cuncti consiliorum secretiorum participes.

Litteras qui profitentur, pileos usurpant, doctoribus proprios, aureis a perergis magis conspicuos. Militiae adscripti caput recurva operiunt galea; cui pili equini, nigro imbuti colore, flosculi ex auro fusi, lapides pretiosi, hac illac dispersi, majorem adhuc splendorem arcessunt.

cessunt. In pectore, ac dorso leonem gerunt aureum: Rex e diverso praegrandem alatum draconem, opus auro splendidum, acuque pictum: universi autem eodem, quo Rex, modo zonas aureas.

In altero Mandarinorum dignitatis gradu sunt collocati gubernatores propugnaculorum, limitum, portuum, tribuni, protribuni, scribae provinciales, Inspectores navium, commercii, Praesides, tributorum conductor, Mandarinus aureo ab *ense* qui adpellatur, ac est summus in aula iustitiae minister, cui executiones omnes, bonorum publicationes, supplicia de criminosis sumenda committuntur. Quoad viam juris, contra primi, ac secundi ordinis Mandarinos procedi nequit, nisi prius exauctorati, plebejumi ad statum reducantur.

Tertium occupant *locum*: signifer aulicus (iste hac in serie primatum tenet) venationum praefectus, cuncti centuriones, Eunuchi, Medici, et Mathematici regii, syndici locorum, ac satrapae, quorum ingens est numerus. Qui sunt ex hoc, et praecedente numero militares, galeam gestant, argenteis flosculis, diversisque (secundum suam quilibet dignitatem) animalium quadrupedum figuris decoratam. Tribuni se distinguunt, habentes leopardum: centurionibus est tigris &c. Litterati praeter pileum (de quo supra) vario volucrum genere superbiunt: Hi ostendunt pavones; illi cygnos; isti ciconias; aves alias alii.

§. 2.

Eunuchorum auctoritas.

Magna est isto in regno, sicut in reliquis *Asiae* regionibus, horum existimatio. Non est certus eorum numerus; sed Rex pro libitu hos eligit, qui ad concubinarum tutelam praesertim enutriuntur. Tres sunt praecipui, qui honorificentissimo in aula officio funguntur. Primus (cui
summa

summa regni thesaurorum cura est demandata) colligit stipendia; dispendit tributa; sumtus facit concernentes tum ipsum Regem, tum familiam regiam, concubinas omnes, ac reliquos utriusque sexus intra palatium habitantes. Tanta autem pollet auctoritate, ut Rex sine ejus consensu nihil communi ab aerario possit abalienare. Dignitas haec Eunuchis senioribus, adhuc vegetis, est propria: Aetas decrepita, sive morbus eum inhabilem si reddat, alter quidem natu major succedit; praepinguis nihilominus spartae hujus proventus penes primum, quoad vivit, remanet. Alii duo praesunt commercio, qui soli aurum, ferrum, ebur &c. mercatoribus exteris divendunt, merces alias ad Regis usum coëmentes. Naulum lidem ac pecuniam vectigalem recipiunt: dona tum a navarchis, tum a negotiatoribus Regi oblata, ad eum deferunt: omnia denique navium negotia expediunt.

Universi (quae mira naturae dispositio est) eunuchi exstant ab utero, triplici tamen modo inter se distincti. Primas habent, quibus ubera sunt grandia, pectus feminarum more elevatum: hos enim et faciei decor, et pinguior corporis constitutio, et vocis canorae suavitas, et sermonis affabilitas, et genii jucunditas magis commendant. Perrari exstant, atque idcirco Regi admodum cari. Signum, quo litteratis a Mandarinis differunt, pileus est peculiaris, aurea rosa fulgens. Eunuchorum, principi conceditur leo pariter aureus, cum candido colli ornamento, attalica e tela, tres digitos lata, utrimque supra pectus ad umbilicum usque defluente; quod alias solis a Regni optimatibus usurpatur.

§. 3.

*Tribunalia tria; Consilium aulicum, militare,
et capitale.*

Coetum hunc ab *aula* nuncupatum constituunt primarii viri novem, et amplissimi, quinque scilicet militares, litterati quatuor, (Rex ipsemet praesidet) praecipua ubi negotia conficiuntur. Licet Regis unius dominatu omnia teneantur; nequit tamen nova imponere populo tributa, vectigalia: Concedere potest privilegia, tum loco, tum personae propria, dum modo ea bono communi (quod unice hic attenditur) non derogent: Haud valet solus denunciare bellum, recentem introducere Religionem, receptas immutare consuetudines; quapropter Rex modernus (anno 1745, tunc aetatis suae trigesimo, regni sui septimo) alium inducturus vestitum, quo olim *Sinae* ante *Tatarorum* irruptionem utebantur, cunctis aulici procerum Senatus suffragiis hoc peregit, qui tanta dexteritate rem composuerunt, ut nunc abjecto sordido *Tunquinesium* vestiendi, agendique modo, *Cochinchinenses* cum quacumque Republica Europaea maxime exulta, possint conferri. Huc adcedit, Regem, cum quosdam videret imagines mulierum *Europaearum*, pectus nudum offerendum, illico eas abjecisse, dicendo: *Parum veretundae mihi videntur feminae vestrae, nuditatem suam publice adeo repraesentantes.* Hinc erat P. *Kofflero* respondendum, figuras similes pictorum esse inventionem, non genuini vestitus expressionem.

Consilium alterum, quod *bellicum* dicitur, constat e Proregibus Archithalassii, propugnaculorum, portuumque Praefectis, tribunis: Prorex senior est huic collegio praepositus.

Quotiescumque publicus in aula ad Regem patet aditus (hic fere ter per hebdomadam permittitur) palatii ad fores

fores confident Mandarinum tres; unus ex litteratis, ex militaribus duo, quibus libellum supplicem porrigere quivis potest a): Hic ad Regem defertur. Supplicantis desiderio si non subscribatur, libellus continuo ei redditur, neque vana spe, ut alibi fieri solet, complures in menses, et annos prorogata, laetatur. Non magni igitur hac in re subsellii est consultatio. In provinciis id genus libellos accipit syndicus; acceptos tradit supremo, qui est qualibet in provincia, scribae, et hic Proregi.

Tribunal tertium conflatur ex his, qui *capitalibus* de rebus inquirunt: Huic adssistit Mandarinus *ensis aurei* cum iustitiae Ministris omnibus. Praeses est supremus regni Iudex. Ad hoc capitis iudicium causae, quae de criminibus agunt, devolvuntur omnes. Delictum quodcumque constitutam in Regni codice jam habet poenam. Sic praetores, a quibus superbe, et avare imperatur, qui subditos vexant; qui pecunias corradunt, capite plectuntur: Fures, ac praedones lanceis solent confodi: Venena sparsa, aliisque infusa, data philtrea, laesae, quae nominant, crimina Majestatis, severius castigantur. Facinorum istorum rei elephantibus objiciuntur: Quidam solum proboscide levati de terra, ea compressi, enecantur: Alii hac a bellua in altum tam diu librantur, donec concussi, atque ad terram adlasi intereant: Alii hoc modo librati, elephantis dentibus excipiuntur, atque sic confossi, occumbunt: Non nulli solis proculcati pedibus, plura in frusta abeunt. Foeminarum, quae maritum, aut infantem occidunt, pectus lanceis duabus transverberatur.

Equulei, omniaque supplicia, ubi ferrum adhibetur, ab *ensis aurei* cohorte in aula executioni dantur. Caeteris in provinciis, locorum, ubi reus capitur, incolae meritas

a) Admissionum magister jam olim aulica inter officia. *Annalis*.
l. 13, c. 5.

meritas de eo poenas sumunt. Aulica in provincia latam sententiam Rex confirmat: Id quod fit sigillo adpresso, et traditione ensis, aut hastae, ipso a Rege facta supra dictae cohortis Mandarinis; hic pro tribunali, quod publico in foro erigitur, sedet. Reliquis in locis senatus decernit sententiam, quae a Prorege dum confirmatur, illico oppidani imperata faciunt. Majora excipiuntur crimina, ad supremum in aula tribunal transmittenda.

Habent et pagi jus suum privatum, juxta quod seniores loci, suo cum Praeside, se suosque gubernant. Opifices etiam sunt in collegia distributi. Quodlibet praeter centurionem, ejusque vicarium, regunt tribuni quatuor. Hi occurrentes sedant rixas, inlatas componunt injurias, habitantque simul eadem in platea. A cujuslibet tribus arte fabrilis, haec ipsa et nomen obtinet. Unde una est aurificum, altera sartorum; atque sic deinceps.

C A P U T V.

De Cochinchinensium figura, moribus, labore, dexteritate.

§. 1.

Corporis habitus.

Est *Cochinchinensibus* apta membrorum, partiumque omnium proportio. Staturae sunt fere mediocris; procerae, aut quae justam excedit, raro admodum. Et corporis pinguedine, et virium firmitate praestant. Facies alba, quodam simul ruborē suffusa; sed agricolae, et piscatores, suum ferme domicilium in cymbis habentes, colorem prae se ferunt, castaneis haud absimilem, quippe vapore solis, ac caeli, qui ibidem permagnus est, adusti.

Naso,

Naso, et barba ab *Europaeis* discernuntur: Haec per-
 rara est. Ubi lanugo erumpit, genasque tingit, infinitum
 suscipiunt laborem, ea magis ut eliciatur. Hanc mulcent,
 ungunt, nutriunt, hanc pascunt: at perdunt operam:
 promissam barbam, summum viri decus ne quidquam prae-
 stolantur. Num vero hic defectus soli naturae, aut soli
 climati, aut potius utrique sit adtribuendus, physico-do-
 ctiori dijudicandum relinquo. Nasus brevior aquilino;
 sed non simus, *Tunquinesium* faciem deformans. *Caesa-*
ries utriusque sexus nigerrima, tanta colitur cura, atque
 excolitur, ut in feminis, ad calcem usque pedis, in viris
 genuum tenus, sit protensa. Capilli breves hominem de
 vulgi grege indicant.

Ungues crescere sinunt praeprimis litterati, in avitae
 nobilitatis suae signum, ac quaesiti numquam, labore
 manuum, victus. Sane harpyias referre videntur viri hi
 eruditi; quibus tamen unguis adrodendi materies uberrima
 suppeditatur. Rex dumtaxat manus dexteræ digitum,
 quem auricularem vocant, habet non nihil longiorem, et
 acuminatum. Apud reliquos, praesertim viros, ac femi-
 nas honestiores, prominent quidem unguis digitorum
 omnes; sed minus, quam apud litteratos. Illos acuere,
 exacuer, gnaviter laborant. Quare continuo cultellis
 eos radunt, purgant, poliunt, quasi hac ratione, orna-
 mentum manibus maximum adcederet.

Cuncti (plebe excepta, apud quam ejusmodi stultitia
 locum non habet) nigro colore dentes inficiunt. Cum
 enim quotidianus folii aromatici esus eos reddat subflavos,
 remedium hoc arripuere, magno cum cruciatu conjun-
 ctum: nam liquor; ipsos quo macerant, tantae est mor-
 dacitatis, ut irritati post dierum 14 spatium moveri
 omnes incipiant, ac consuetum, cibos subigendi, officium
 recusare. Quapropter toto illo, quo sponte susceptum
 hoc tormentum perdurat, tempore, solo se jussulo su-
 stentant.

stentant. Mense exacto, dentium redit firmitas, et non ebur antiquum, ac candidissimum, sed coruscans ebum, idque nigerrimum, comparet.

Porro feminae hoc habent singulare, quod singulos in menses supercilia radant novacula, relinquentes solum, fili, aut lineae instar, arcum nigrum, qui iis tanto est decori, quanto *Europaeis* sunt *maculae sericae a)*. Unde colligitur, suam culque nationi inesse dementiam, qua non tam naturam, quam ejus auctorem velle videtur emendare.

Femineus hoc in regno sexus nil omnino cedit *Europaeo*, tum quod ad corporis pulchritudinem, tum quod ad caeteras animi dotes, modestumque publicae conversationis modum adinet; Quod elogium Mandarinorum, aliorumque ingenuorum virorum uxoribus, filiabus, et concubinis praecipue convenit. *Polygamia* secundum regni leges licita cum sit, concubinam hic agere, non est indecorum: licet unica re ipsa uxor legitima existat, ac vera mater familias. Verumtamen variis in locis, praesertim maritimis in portubus, publica exstant prostibula, ubi complures abjectae plebis filiae venales se exponunt, turpi de lucro viventes.

§. 2.

Modus loquendi, sedendi, comedendi, hospites excipiendi.

Vernacula regionis hujus lingua cum primis litterarum elementis, omnique fundamento careat, haud exiguum exteris faceffit molestiam. *Cochinchinenses* cum *Tunquensis* linguae commercio quasi cohaerent. Nationum ambarum dialecti, quas vulgus longinqua jam consuetudine usurpat, solum inter se differunt, quemadmodum lingua *Lusitana* ab *Hispanica b)*. At ea, qua loquuntur

Manda-

a) *Mouche*, que les dames mettent à leur visage.

b) Vid. *Appendix*, num. IV.

Mandarini, ab illa, plebejis familiari, toto, ut ajunt, caelo distat. Quocirca ei, qui in aula versatur, utriusque linguae notitia est necessaria, pro rustico haberi nisi velit, risuque explodi. Cum Rege autem sermonem conlaturus, plures alios loquendi modos addiscat, oportet, soli illi proprios.

Ut plurimum pavimento insident, pedibus in decusses obliquis, *Turcarum, Persarumque* morem imitantes. Nomine tamen, et insignibus nobilitatis ornati, sellas, ac mensas etiam collocant. Prandendi, aut caenandi tempus dum instat, cibi adponuntur, plura in frusta jam dissecti; ossa carne exempta; spinae piscium sejunctae. Hanc ad escam duobus utuntur bacillis ex ebore, aut ebreno, sumenda ad juscule cochleari, argenteis ad bellaria furcillis.

Antequam cibum capiunt, os tantummodo eluunt. Quod repetunt torles, quoties per diem bibunt. Mensa autem soluta, manus aerea in pelvi, sive argentea lavare solent. Per aestatem tum ob mitigandum calorem, tum ad conservandam corporis munditiem, quotidianus fere est balneorum usus. Plebeji proximum ad fluvium pergunt, caeteri suis in aedibus lavacrum habent destinatum.

Advenientes hospites ad portam domus interiorem excipiunt eosque antecedendo, introducunt, et mox confidere jubent, locum ad dextram digniorem offerentes, cum Asiatico *theae* potu. Abituros ad eandem usque portam comitantur, capitis inclinationem repetentes. Neminem admittunt, exteriore nisi veste (quod hospitum venerationis est indicium) se prius induant: quam, si familiares sunt, utrimque deponunt, sub discessum eam rursus adsumentes.

§. 3.

Familia domestica. Oeconomia. commercium.

Apud Mandarinos, aliosque locupletiores filii et famuli, filiae, et ancillae, juxta suum quisque sexum, separati degunt. Il solum, qui domestica conficiantur difficultate, curta quibus est supeilex, vivunt conjuncti. Sunt munditiei domus tam amantes, ut numquam super pavementum exspuant. Hinc rotunda in vasa, ex aere pereleganter facta, sputum conjiciunt; plerumque vero vascula usurpant minora, eaque argentea, juxta se, lectosque suos, abacis imposita.

Commendantur potissimum oeconomica ab industria. Tam sedulo enim rem familiarem administrant, ut rara sit domus, quae egestate prematur. Hanc ob causam tempestive hoc in regno matrimonium incunt. Et licet tam de viris, quam de feminis hic universe dici possit, quod ad laborem nati, otium ceu familiae pestem fugiant: Hae tamen illis palmam eripiunt ob innatam in augenda re domestica dexteritatem, quam teneris ab annis imbibunt, dum a matribus edoctae, continuo manuum labore distinguuntur. Artis textrinae adprime gnari, telam e gossypio, sericoque conficiunt elegantissimam: hanc acu pingunt, hanc variis tingunt coloribus. Quam optime norunt praeparare varii generis bellaria, panem, aliosque fructus durato condire saccharo &c.

Rem paucis: Quaestum, quacumque e re is provenire potest, nullum negligunt. Siquidem hae mercaturas proprie exercent. Quo ab onere ne primariorum quidem Mandarinorum uxores sunt exemptae. Mulier, otio dedita, ab omnibus ceu incens, ac stupida vilipenditur, et quasi mortua habetur. Viri arant; mulieres secant; hi campos excolunt, istae *Nicotianam* (quae et *Indica* et *santia* nominatur herba, curandis apta vulneribus) ac gossypium

gossypium plantant. Mares publicis in officiis occupantur; milites, venatores, opifices, et piscatores agunt: Feminae in foro, in nundinis, in mercatorum variis e locis adventantium officinis, sua tractant negotia, opimi lucri haud expertia. Navigia enim vero saltem 80 *finica*, quae anno quolibet diversis adsunt e provinciis, commercium indicant florentissimum, quibus adcedunt naves *Macaënsium*, *Batavorum*, et *Gallorum* complures. Lucrum isthoc adaugēt mutuus provincias inter ad austrum, et septemtrionem conversas contractus: Terra enim, marique merces ad praecipuam regni civitatem asportantur, distrahuntur, aliaeque coëmuntur.

§. 4.

Artes mechanicae, et liberales.

Viri quoque laudem suam, nec sine causa promerentur: sunt hi admodum docilis, ac perspicacis ingenii. Eximia artis Europaeae opera (horologia si excipiuntur) strenue imitantur: Ad quae (res admiratione certo digna) adhibent instrumenta non modo perpauca; sed et, si cum nostris conferantur, nullius pretii, ac sane ridicula. Pixides vulgo tabacarias, gladiatorum manubria, annulos, in- aures, monilia tam exacte conficiunt, ut aurificis Europaei opus ab ejusmodi artificio *Cochinchinensi* difficulter discernatur. Immo in operibus, quae *flatim a)* ex argento, aurove componuntur, *Europaeos* antecedunt. Fabricantur navigia; exstruunt aedificia, juxta architectonicas suae regulas exactissima. Campanas, fistulas ferreas longiores, tormenta fundunt aenea quam perfectissime. Clarta fit ex arborum corticibus. Penicilli calamorum explent vicem. Typographia ligneis et tabulis constat, quibus characteres incidunt.

Eximium

a) Gallice, *filigramme*, ouvrage d'orfèvre en petit fil d'argent, ou d'or.

Eximium vero artis suae edunt specimen in obducendis vernice arculis, tam praeclare formatis, politis, expolitis, ut eae speculi pellucidissimi, et similitudinem referant, et certas considerantibus reddant imagines: sunt hae ipsae tam vivis pictae coloribus, ut ars naturam non solum imitari, sed etiam propemodum superare videatur. Amoenae hinc progerminant plantae; opacae illine prominent arbusculae; modo multicolor flosculorum exprimitur varietas; formosissimae modo avium figurae exhibentur. Haec autem omnia, auro, argentoque praefulgentia, ad Opticae leges perfecta, sunt oculis, qui nitidissimis hisce picturis suavissime tenentur, error longe gratissimus. Eodem tam nativo colore pyxides repraesentant, abacos, et his similia. Summam quoque sibi gratiam conciliant res aliae, non minus pretiosae, ac curiosae, e testudinum testis, e margaritarum conchis figuratae.

Liberales inter artes, quibus ingenia ad magnae fortunae cultum excitantur, Medicina, et Matheſis in pretio sunt apud *Cochinchinenses* maximo. In duabus hisce scientiis acquirendis studium omne collocant plurimi. Minime etiam negligitur Arithmetica, viris aequae ac feminis perfectissime cognita.

CAPUT VI.

De Religione, et Cerimoniis.

§. 1.

Festorum celebritas.

Quae primo anni lunaris die occurrit solemnitas, est omnium celeberrima, quippe haec universo in regno celebranda, communem ad laetitiam, et exultationem fuit a majoribus instituta. A Rege, a Mandarinis tum primi, tum

zum secundi ordinis, plerumque per dies 20 continuos, a reliquis per triduum agitur. Ante portas omnes et Regiae, et palatiorum, et domuum praealtae eriguntur perticae; Harum in cacumine sese adtollunt rami virides, in fasciculum collecti, aut arundines (quas alio etiam nomine *cannas* adpellant) magnam hic in altitudinem crescentes, relictis solum aliquot in apice ramis, *Majalium* ad instar in *Europa* arborum. Gentiles varia addunt ornamenta; quae sunt *charta a)*, auro, argentove leviter tineta, manipulus straminis, parva corbis, cui pecuniam injiciunt, ad felicem, quem optant, annum a caelo emendum. Solemnis hic actus superstitione haud caret: Perticae enim certa adsurgant hora, est necesse, alia, quae destinata est, reponendae. Inde fortunam prosperam, sive adversam, quam novus adferre annus potest, praefagiunt. Quare si adcideret, perticarum aliquam aut vento dejici, aut alia ex causa fortuito cadere, mox (se falli, et illud nequaquam posse, certissime sibi persuadent) quendam ista e domo, aut familia, anno illo moriturum, conjiciunt. *Christianis* arboris hujus erectio permittitur, sed sine religionis vanae signis, et gentili perticarum ornatu: laetissimam enim revocat memoriam *Cambodionorum*, olim *Cochinchinae* e finibus ejectorum; de quo *supra b)* actum est.

Toto hoc tempore laute comeditur; non parce bibitur; hilariter luditur, et saltatur. Rex per dies tres, non interruptos, Mandarinis omnibus solemne parat in aula convivium *c)*, a quo nemini gravissima sub poena abesse

a) Idem agunt *Tanquinonfes*, qui putant, *chartas* hujus motu, verti in fugam daemones.

b) Vide *C. 1*, §. 1.

c) Majores nostri ad cubationem epularem amicorum, quia *ritas conjunctionem* haberet, *convivium* nominarunt. Ita *Cic. de Sen.* *C. 13*.

abesse licet. Idem faciunt Proregea suis in provinciis. Atque sub idem tempus defunctis pro patribus, decessoribus, parentibus, Magistris, et natu majoribus mensa ponitur cum exposita ibidem tabella, ubi eorum nomina, capitalibus depicta litteris, leguntur, coram qua tota se familia prosternens, trina corporis inclinatione eam veneratur a).

Cultum hunc (offerre cibos, fidelibus numquam licuit) Patriarcha *Alexandrinus b)*, Apostolica a Sede, ad examinandos hosce ritus, *sinense* ad imperium 1719 missus, permisit, judicans, eum superstitionis speciem non prae se ferre; sed intra civilium, et politicarum consuetudinum limites contineri. Quae permissio dein fuit a *Benedicto XIV* revocata c). Praeviderat Patriarcha praesentissimum Religionis periculum, magnam fidei stragem, multorum millium animarum ruinam. Hoc ob interdictum tam in *Sina*, quam in *Cochinchina*, jam Mandarinorum nullus, nemo e senioribus oppidorum, pagorumque Praepositis, nec ullus e militibus, Christi doctrinam amplectitur.

Anno

a) Eadem invaluit consuetudo apud *Tunquineses*, qui tunc defunctorum animas domum suam revifere, arbitrantur, ac triduo eam non purgant, ne reduces altero ex orbe hospites offendantur. *Ex Relat. P. Marigni*. Solemnis etiam fuit apud veteres, cum aliquis obiisset, formula haec: *Abis jam, et reverti debes*. Numquam enim ominis causa, et *δυσφημίας* vitandae gratia, *obiisse*, sed *vixisse* mortuos, dicebant.

b) Erat is *Carolus Ambrosius Mezzabarba*.

c) Edita Constitutio: *Ex quo singulari providentia*, 21ma Julii 1742. Vid. *Facti Novi Orbis et Ordinationum Apostolicarum ad Indias pertinentium Breviarium*, cum adnotationibus. Opera D. *Cyriaci Morelli*, Presbyteri, olim in Universitate Neocordubensi in Tucumania Professoris. Venetiis, 1776. 4 mai. pag. 567. M.

Anno ineunte, mos dandae aliis strenae, pariter viget, offeruntur autem porci, altilia, ova, poma aurea, panes saccharo conditi, aliaque id genus gulae irritamenta. Haec Mandarinum ferunt Regi, ac Proregibus, belliducibus milites, Medicis infirmi, Christiani Missionariis, discipuli magistris, filii parentibus, patronis suis clientes. Dona a P. Koffler quot annis Regi, primariisque Mandarinis offerri solita, exstiterunt lagunculae duae, una vini aromatici, altera aquae, vulgo *Hungaricae*; pastilli excitandum ad suffitum idonei; pilulae a vita nuncupatae; fabae a S. Ignatio adpellationem sortitae a); oculi, aut lingulae viperarum *Melitenfium*; pyxidula, quam vocant *apoplecticam*; *emplastrum cephalicum* et *vulnerarium*. Elapsis diebus 20, (quae feriae dicuntur majores) aperiuntur tribunalia; fides a subditis Regi praestatur; iuramentum renovatur.

Quinta die lunae quintae parvus recurrit annus (quem etiam *novum* adpellant) et unica solum die, festum hoc peragitur? Mensis hic, *mensis* dicitur *regius* ob jejunium, ex voto institutum pro Regis incolumitate, et communi regni totius bono: Est autem publica haec jejunii solemnitas nil aliud, quam abstinencia recente a carne: Sale enim macerata comèdi potest citra scrupulum, ac conscientiae laesionem. Menstruum istud solemnitas (si ita loqui liceat) inediae tempus servandum pariter est exteris, commercii causa, advenientibus, nisi velint, sua ut bona, eaque omnia, fisco addicantur. Eadem hac tempestate quemdam sepelire, nefas est. Mense *Septembris* (hic Regis natalis erat) denuo ab omnibus in aula *hologium*

a) *Manila*, *Philippinarum* in *Asia* insularum maxima hunc producit fructum. Is, alios praeter effectus, maxime salubres, alexipharmaticum est, seu remedium contra venenum; quod dum prima expertus est vice Missionarius quidam e *Societate Jesu*, hinc faba S. Ignatii nominatur.

magium praestatur: Idem alter exstat *mensis regius*, quo mortuorum sepultura prohibetur.

Toto mense anni ultimo, vita functorum agitur commemoratio. Tum vero domi tabellâ Majoribus, qui olim vixerunt, exponitur: Novi indies adferuntur cibi: Adsunt *Bonzii a)*, suo modo, *officium* (quod vocamus *defunctorum*, choro semper respondente) aliasque preces diu, ac noctu pro iis persolventes. Nec sine lucro, omnia poparum *b)* horum clamoribus personant; praeterquam enim, quod a patribus familias opiparis excipiantur epulis, bonam insuper suis pro functionibus, pecuniae summam coacervant: Quibus finitis, sepulchreta emundantur; Vestes tam papyraceae, quam sericae comburuntur, atque ad usum parentum suorum (prout sibi persuadent) aut propinquorum, alterum in orbem transmittuntur. Christiani dumtaxat restaurant coemiteria, verrunt, purgant; ab aliis autem ritibus superstitionis omnino abstinent. Saepius etiam (praesertim in pagis, ac oppidis) loci senioribus certam largiuntur pecuniam, ne scilicet ad vetitas has actiones aut vi adigantur, aut nomina sua ad Mandarinos deferantur.

§. 2.

Nuptiarum Solemnia.

Necessaria primo, ac diuturna (uti et alibi fieri amat) praemittitur inquisitio. Tam filii, filiaeque parentes per procuratorem, seu procuratricem inter se colloquuntur, mutuam animi propensionem exploraturi. Utraque pars si concordet, filius cum genitore futurae sponsae patrem adcedit, sedentibusque aliis, humi prostratus, ter eundem

a) *Vide hoc Cap. §. 4.*

b) Non est abs re, quod hacet *Prop. l. 4. el. 3. v. 62. Succinctique calens ad nova lucra Popae. Sumitur etiam Popa pro gaudio, et insatiabili.*

dem honorat: Quod signum exstat ab omni verustate acceptum, se velle ejus filiam conjugio secum jungere. Hic, si non adsurgat, nec infectis rebus discedat, indicium est, se sponsi precibus adnuere. Quare is mox per famulos dona sponsae destinata adferri jubet; adlata rotundam super mensam (hanc ipse adportare debet) conlocat; omnia ex ordine expenit, papyro involuta, litteris, quid contineant, signata, officiique sui (Mandarinus si est) sigillo munita: Quae parens non aperit; sed, suscepta iterum profunda ad terram usque veneratione, futuro a genero, ea ad filiae mittit matrem: Et haec, et illa perlustrant singula eum in finem, ut munera dotalia, si exigua, statuque suo judicent inferiora, non accipiantur.

Solemne autem est Mandarinorum filiis, et filiabus (neque hac a consuetudine recedunt ditiores et honoratiorum parentum liberi) primo *panem dare aureum a*); tum circulos, eodem e metallo, et pretiosissimo, duos, (hi pronubos in *Europa* annulos repraesentant) quos in carpum non sine dolore, tam firmiter inserunt, ut, manus oleo nisi prius ungantur, vix amplius, maximaque cum difficultate detrahere eos valeant. Largiuntur dein intima pro veste, varia panni serici volumina omnigeni coloris, albi 5 aut 10, viridis totidem &c. Exteriore pro amictu tria dumtaxat, seu quinque. Haec si acceptentur, prodit in medium mater, familias, quam novus gener, in genua procidens, semel tantum profundissima colit corporis inclinatione. Postea adfertur vinum: Adfines duo, una e phiala argentea bibentes, contractis utrimque sponsalibus adstipulantur: Sternitur mensa, liberales ponuntur epulaedies omni laetitia traducitur.

Celebrata hac futurarum nuptiarum promissione, annus ferme integer praeterit, donec filia in matrimonium eloco-

a) *Aurum* in formam *pecuniae* redactum, de quo supra C. 1, §. 3. Sic *Cistophorus* species erat nummi *Afasiaci*, ita dicti, quod in eo *cistifer* sculptus esset. *Cic. pro dom. C. 20.*

elocetur. Traditio isthaec magno fastu, nec minore peragi solet ambitione. Praestitutum ad diem, amborum conjugum consanguinei, et propinqui in domo sponsi conveniunt. Allo in cubiculo viri, feminae in alio splendidissime epulantur. Sponsa interim suis in aedibus cum matre, et ancillis remanet. Conducti bajuli, hora designata, cistas, omniaque domus, et culinae utensilia, quae filiae a parentibus dantur ad constituendam completam domus suppellectilem, in sponsi domicilium important. Per praecipuas loci plateas cuncta feruntur, ut incolis undique adfluentibus constet, qua, et quanta dote parentes filiam locupletarint. Sponsae praeferuntur vasa praegrandia duo, unum aqua, alterum oryza plenum, quibus conjugibus novis significatur, esse summa laborandum sollicitudine, bina haec, conservandam ad vitam maxime necessaria, ne umquam desiderentur. Nova nupta in reti, pretiosissima contexto tela, gestatur: similiter mater, quae filiam sequitur. Servae conspicuum hoc agmen concludunt.

Ad novi mariti aedes ubi devenitur, rerum omnium adlatarum designatio ei traditur: Sponsa vero, ejusque mater, coopertis in retibus, ad cubiculum usque deferuntur, ubi sponsi genitrix cum caeteris propinqua cognatione conjunctis adsistit. Pacta virgo exscendens, mox pavimento insidet, ac ter coram focu sua, caput quam profundissime inclinatur, ibique tam diu moratur, donec ad thalamum deducatur. Hora adpropinquante (haec apud gentiles ab astrologo determinatur) sponsus a socro, ac iis, qui sanguine eum adtingunt, praemissa trinae demississimae inclinationis cerimonia, ut sponsa sibi tradatur, petit. Quod priusquam socer praestet, generum ad fidem servandam, ad pacem et concordiam, ad amorem uxori suae semper exhibendum adhortatur. Quo facto, sponsus sponsae cubile ingreditur: Reliqui domum revertuntur.

Regie

Regis filia nuptui si detur, hoc solum habet particulare, quod gener non modo coram Rege, sed etiam coram sponsa sua, quatuor vicibus in terram se prosternat. Idem est ei faciendum, ubi ista ipsius in domum deportatur, qui re ipsa uxoris suae mancipium potest nuncupari. Praeterquam enim, quod eam regio cunctis in rebus adparatu semper accipiat, sit necesse, nec hanc audet adcedere, ea nisi voluerit, aut iusserit. Cibus fumentis adstare maritus debet, illa eum confidere, nisi praecipiat. Idcirco Mandarinum omnes servilem hunc honorem fugiunt, absque ulla tamen tergiversatione acceptandum, si Rex augustam ejusmodi sponsam ipsis offerat, ejus indignationem ni velint incurrere.

Humilioris fortunae homines plerumque resecis, quae ampliores reposcunt sumtus, ambagibus, mutuum praeter consensum, dono inferiore, quod sponsalia confirmat, adquiescunt. Praebet sponsus futurae tori sociae brachii ornamentum, circulos duos, vel argenteos, sive aereos, auro obductos. Desponsa vicissim puella promissam obsignat fidem, offerendo illi par sacculorum, alterum pro herbae Nicotianae usu, pro fructu, *areca* dicto, foliisque aromaticis alterum.

§. 3.

Sacra funebria.

Haec majore, qua possunt, solemnitate *Cachinchinenses* celebrant ob summam, qua defunctos prosequuntur, venerationem. Rex solus ulla sine ostentatione elatus, summo silentio ad sepulturam datur, ne scilicet niger ex orco genius, in mortis hujus cognitionem veniens, regno detrimentum inferat. Eapropter si contingat, ut a Regis obitu, regni haeres administrare istud ob aetatis defectum nequeat, mortui statua regis exornatur vestibus; sellae imponitur gestatoriae; eodem, quo, dum erat in vivis, modo,

modo, ad publicae admissionis locum portatur, ubi Mandarinum adveniunt, consuetam personato Regi reverentiam exhibent; supplices clientum suorum libellos offerunt, persuasissimum sibi habentes, generis humani hostem, ad propulsanda a regno mala, hac ratione posse eludi. Non nulli tamen, ad saniores adcedentes sententiam, credunt, non nisi politicam hanc esse cerimoniam, a regni legibus statutam, ut eo diutius supremi Principis memoria apud subditos conservaretur. Quod autem postea hoc ipsum simulacrum, gerens effigiem Regis, super ejusdem tumulum comburatur, paganae procul dubio superstitioni est adscribendum.

Caeterum est hoc moris antiqui, ut quivis quadragesimum aetatis annum non dum egressus, jam domi suae teneat loculum, e ligno, admodum pretioso, corruptionique nulli obnoxio confectum; hic fere 50, 60, aut 80 solidis imperialibus, immo et pretio majore emitur. Si quis ergo inter homines esse desinat, meliorem, qua vivens utebatur, veste indutus, ad pulsus duorum bacillorum, suavissime resonantium, summa cum aequalitate a 6 vel 8 bajulis elevatur, ac suo e cubiculo ad ampliorum domus partem deferitur: Tum loculo imponitur, qui pice ac resina illitus (chartacea etiam undique segmenta adduntur) cadaver jam praestolatur. Superposito operculo, arca funebris, veluti dolium, tribus circularum ordinibus cingitur, (hi constant *Malacensi* a) et *canna* b), eaque tenuissima) et tam arte constringitur, ut nullus omnino aer, non postrema putredinis causa, possit introire. Post *capulus* vernice rubri, aut nigri coloris tam diu obducitur, donec haec circularum altitudinem crassitie

a) *Malaca*, magna *Indiae* orientalis peninsula, cum urbe cognomine; quae olim *Lusitanorum*, nunc ab anno 1640 a *Batavis* possidetur.

b) Per abusum in *Germania* vocatur *spanisch rohr*; etsi non in *Hispania*, sed *Malacensi* in territorio, arundo haec nascitur.

crassitie sua excedat, quo aëri perfianti exposito, glutinosus iste liquor penitus indurescit.

Sumtuosa autem haec circumspectio necessario est observanda, dum secundum introductam consuetudinem, defunctorum corpora diuturno admodum tempore in aedibus solent adservari, ne ea, putrescere ubi incipiunt, odorem gravissimum exhalent. Demortuus enim si pater familias extiterit, remanet ibidem 2, vel 3 annis; si mater, 2 aut 1 anno; si uxor, sive maritus, 1 anno, seu dimidio; si filii, aut filiae, duobus, tribusve mensibus. Conservantur hoc modo cadavera, ita, ut, si evoluta 60 pluriumque annorum spatio, locus aperiat, velut spirans effigies mortui possit adnosci, et colores vestium omnes discerni, quasi hesternum primum die fuisset terrae mandatus; quamvis, extrinsecus si adsit spiritus, tota continuo hominis figura copiosum in pulverem resolvatur.

Corpore Mandarini, aut alterius praedivitis (Patres aulici, si quis eorum obierit, simili ratione componuntur) sic compacto in medio amplioris cubiculi, sive atrii, ad parietem arula quaedam locatur, cui grandis tabula, defuncti nomen exprimens, adhaeret, gentilitium quasi scutum imitatura. Arulae ad pedem tapes perficus, aut alius quicumque extenditur, ubi loculum, tela, e serico, et auro contexta, contextum deponunt. Capuli extremitatem contingit scabellum, e quo diu noctuque thymiana flagrat. Dein totum hoc ferale pegma, obductis vellis, redditur opacum, ne praetereuntium oculi funesto hoc spectaculo perterreantur.

Post siparium filius natu major, aut, si desint proles, propinquitatem magis iunctus, ad sinistram, ubi locus definit, humi sedet, aut corpore se exporrigens, jacet, nudis pedibus, resolutis, passisque crinibus, straminea praecinctus zona, janua, ac fenestris omnibus clausis.

Luctuoso hoc in statu, hisce in tenebris integrum per mensem est ei vivendum. Comesturus dumtaxat accensa utitur lampade: Cibus vero, quo, toto poenitentiae huius tempore, vescitur, alius non est, ac parum oryzae, pultis instar coctae, et sale tantum modo conditae. Si quis, se patrium hunc morem non observasse, convinceretur, non modo secundum regni sanctiones esset haereditate privandus; sed ipsa etiam e domo, ceu filius ingratus, ac degener expellendus: Neque huic permittitur, ut crines pectat, ut faciem, manus, pedesve lavet. Id quod omnibus (cum gens munditiei sit amantissima) quam maxime arduum addidit. Porro pro defuncto in dies mensa paratur opipara, a filio offerenda genitori, praemissa solemniter ad terram usque trina demissione. Ritus hunc toties renovat, quoties consanguinei, propinqui, amici adveniunt, pro defuncto ceram, donum tunc magis proprium, adferentes.

Invitantur etiam Bonzii 5, 10, 20, quin plures, juxta cujuslibet arbitrium, aut facultates: qui certis diei noctisque horis, preces tam recitando, quam cantando persolvunt, malleolo tintinnabulum maxime sonorum pulsantes. Alii, ut ritus hos reddant solemniores, musicos et cantores advocant, qui totam viciniam strepitu suo longe ingratisimo perturbant: Nam chorus dissonum quiddam, ac tumultuosum canit. Instrumenta adhibentur, quae aures his adfetae solum possunt perferre. Bubulcorum instantur cornua: Intortae pastorum tubae mugiunt: litui agrestes strepunt, atque his similia camporum, silvarumque dissonant organa. Nemo tunc magis belle se habet, quam hi Bonzii, isti cornicines, tibicines, buccinatores: hora siquidem finita, ponitur mensa, referta ferculis, tot repetita vicibus, quot horam statutam (diurna sit, aut nocturna, perinde est) ad finem perducunt. Ideo non universa modo familia, verum et amici, et vicini

cini subsidio veniunt, cibos praeparaturi his pro helluonibus, qui per menstruum hoc spatium bonam domus substantiam abliguriunt; praecipue Bonzii, quibus, cum ceu Religiosi *strictioris*, ut vocant, *observantiae*, carnem non comedant, adponendi sunt pisces optimi; dulcia variae sortis pulmenta; *jus gelatum*, e nidis *meropum* a), altissimis in scopulis suum cubile struentium (cibus est saporis gratissimi, qui carissime venditur, a *Lusitanis* nuncupatus *ninko de passaro*) fructus selecti, aliaque id genus gulae irritamenta.

Elapso igitur mense, filius (quidam majore suos erga parentes pietate incitati, rigidissimam hanc vitam ad duos, aut tres subinde menses protrahunt) caliginosa sua ex habitatione, quasi e sepulchro resurgit, et inter vivos morari denuo incipit. Totum abluit corpus; lugubre solum alia veste mutat; ad munus, si quod obit, revertitur; At annua mortis dum redit memoria, diebus octo continuis, hac caerimoniae omnes (jejunii rigorem si exceperis) ab eodem innovantur. Adpropinquante tempore, corpus sepulturae concedendi, res ad divos refertur. Haruspex aut alius astrologiae gnarus arcessitur, qui, inspecto defuncti horoscopo, terram, ad mortui requiem magis aptam seligit. Qui locus alieno si existat in fundo, summo etiam pretio emitur, dummodo defunctus ad finem laborum perveniat. Aperitur tumulus. Ariolus omnia ordinat; tot longitudinis, tot latitudinis assignat pedes; radio locum describit; quatuor mundi cardines, ac caeli plagas observat. Caput orienti opponitur; pedes occidenti subjiciuntur; latus dexterum committitur septemtrioni, meridiei sinistrum, aut vicissim, prout scilicet mendedi huic aruspici placuerit. Monumenti profunditas tres

F 2

ferme,

a) *Merops*, germanice *Meer-Schwalbe*. Avis pallido lacteo colore pennarum, superne caesuleo; infesta imprimis alveariis, spemque, absument; de qua *Plin.* l. 10, C. 35, dicit: *Parentes in altissimis speribus reconditis alit.*

ferme, aut quatuor orgyias complectitur. Hoc ipso a veteratore sepulturae dies decernitur.

Pompa vero plerumque de nocte peragitur. Conducuntur 40, 50, aut plures etiam cymbae, quae in duos divisae ordines, lento procedunt gradu: Est altera alteri adligata, pertica longa interjacente, aequalibus inter se spatiis distans. In medio Bonziorum comparent pegmata, multis corusca luminibus, variis pariter inscriptionibus, quas nemo intelligit, exornata. Cymbae insignitae sunt arcubus, e quibus laternae (quavis 10 aut 20 numerat) dependent: Hae rutilantia exhibentes sidera, via longo ordine lucente, spectatores mirum in modum delectant. Majus est, quod corpus exanime vehit, navigium, cujus pulchritudo omnium oculos in semet haud immerito convertit: consurgunt in eo columnae quatuor, quibus tegmen pensile innititur, vernice, et auro fulgidum, magnificis undique aulaeis vestitum, quae lampades magis exornant, atque illustrant, ita ut *feretrum* cum universo adparatu suo lugubri dilucide possit videri. Ante istud sedet filius, candido amictus sacco, praecinctus, ac corona redimitus: Et haec et cingulum sunt straminea. Latus utrumque cingunt confanguineae, albis indutae vestibus, cucullo in acumen paululum desinente, sub quo per dorsum ad pedes tela defluit serica, ejusdem coloris, syrmati haud absimilis. In puppi sedem tenet suam funeris ductor, vir gravis, ac in feralibus ejusmodi cerimonis versatus. Hic tintinnabulo, quod malleolo pulsat, dat signum, quo cymbae cursum dirigere debeant; num in hoc, aut in aliud latus transferri; an lentius, an celerius progredi. Phaselum majorem sequuntur lembi (his vehuntur cognati, et amici) illuminatis quoque arcubus condecorati.

In diversam ubi evadunt ripam, exstendunt omnes; laternas deponunt, cereos novos perticis oblongis adligant.

gant. Exsequiarum dux nota signum cum dederit, exportatur feretrum a libitinariis plerumque 50. Ili et robustae, et aequalis omnes staturae, nudi incedunt, inferiorem solum corporis partem rubra velantes tela: sinistro e latere recentes insuper gerunt sacculos, pretioso e panno confectos, ab iis, qui mortuum sanguine adtingunt, dono datos. Loculus omni cum ornatu et splendidissimo, imponitur feretro: Tum supra hunc pelvis, aqua ad summum usque oppleta, locatur eum in sinem, ut portitores tam dextere procedant, ne aquae quidquam effluat. Id quod tam egregie praestant, ut sive planam per visum, aut difficilem, ac declivem pergant, raro admodum unicum dumtaxat gutta effundatur. Ad gratissimum bacillorum binorum (mutua fit horum percussio) sonum, elevatur capulus, ac ordine sequenti proceditur.

Primi exstant Bonzii, qui sua monstrant insignia, plena incognitis variarum litterarum figuris; orant; patrium elegumque carmen decantant; tintinnabula pulsant. Utrumque cereorum incedunt latores; Tunc lentissimo, ac passu maxime aequali, ferale pegma, supra quod cadaver jacet, adfertur: hoc praecedit filius senior, retrorsum gradiens. Utroque e latere lugubris cognatarum lamentatio, fletus, llessus, et planctus. Sequuntur funus adgnati, adfines, amici, famuli. Postremi sunt, qui possessiones defuncti omnes ferunt, e charta scite admodum elaboratas, coloribusque distinctas, quales sunt: Cymba tot instructa remis; equi, boves, canes, feles, mensae, sellae, lectus cum omnibus ad stratum spectantibus &c. Ne similis quidem (si quem habuit) memoria deponitur. Cuncta haec supra sepulchrum cremantur. Ad quod ubi perveniunt, turibulum inde eximunt, ubi ex illa die, qua tumulus fuit apertus, odores pretiosi continuo accenduntur. Tappetum, variis intextum coloribus, extenditur; loculus ibidem collocatur. Mox, qui funus ducit, copiose de mortui

mortui laude differit, lugubri coram turba, omnia ejus facta, alta voce praelegendo. Tenuioris qui sunt fortunae, privatim in aedibus honorificam hanc testificationem faciunt, ne praedicatorem magno plerumque pretio conducere cogantur.

Finita funebris hac oratione, filius familias caeteris cum consanguineis omnibus, supremum vale patri dicit, consueta corporis in terram demissione, ter repetita. Adcedit dein astrologus, qui determinata hora capulum in sepulchro condi jubet, atque istum jam hac, jam illa ratione, nunc magis ad dextram, nunc amplius ad sinistram, modo altius elevari, modo deprimi, ut molliter ossa requiescant. Dein (non nulli per triduum expectant, donec locus tumulo tegatur) terra injicitur, calcatur, complanatur. Exstruitur eodem in loco rogos: utensilia sepulti singula, vivis expressa coloribus, adferuntur: aliud ex alio in ignem projicitur, hariolo assidue murmurante, ac nutibus, gestulationibus variis manuum, pedum, et totius corporis, ridiculam quamdam fabulam praesentante.

Omnes denique domum revertuntur, filio excepto, paterni sepulchri tam diu custode, dum monumentum (res tam usitata, ut ipsi etiam plebeji tumulum aedicula contegant, ac tueantur) ibi aedificatur. Quidam hoc construunt e lapide, alii e lateribus, alii pretioso e ligno. Inscriptiones adduntur hieroglyphicae, et figurae leonum, tigridum, pyramidum &c. Sic altera *Cochinchinensi* persecutione, cum concubinarum una, quae Regi maxime erat in deliciis, moreretur, eamque Rex insigni quodam ornamento decorare voluerit, et honorare, praecepit, *P. Koffleri* ecclesiam (haec argento, auroque obducta, columnis 8 majoribus, minoribus 16 innitebatur) ad ejusdem sepulchrum deportari: Non enim tunc mausoleum pretiosius habebat.

Non

Non minus honorificis, ac magnificis exsequiis, supremo die suo, efferuntur *Christiani*. Est enim iis Sodalitas, in piorum manuum erecta solatium (quae suo a Praefide dirigitur) omnibus in provinciis. Neque deest funereus adparatus, sane splendidus, ac praeprimis in aula regalis. Ritus solum superstitione contaminati omituntur. Cum hanc apud nationem, tanta vigeat in vita functos pietas, semperque augeatur sepulchrorum sanctitas, incredibile est dictu, quam immensa pecuniae summa quot annis in defunctos quam amplissime sepeliendos impendatur.

§. 4.

B o n z i i.

Hoc nomine compellantur apud *Cochinchinenses*, aliosque Indiae populos, Religiosi gentiles. Vitam hi vivunt monasticam. Sunt iis coenobia, et regulis, et ordine instructa. Habitu utuntur vulgari, cinereum quasi ad colorem adcedente. Caput radunt, se castitatem servare dicunt perpetuam, re licet vera ad unum omnes scortatores existant. Praepositum, cui obediunt, *magnum* vocant *Magistrum*. Monasterium quidem unum ab altero non dependet: Qui tamen coenobio praeest regio, summus omnium sacerdos, et archimandrita salatur. Hic auctoritate pollens maxima, solus universo in regno exemptus, Regem, ut mos fert, ad terram usque se prosterendo, non veneratur. In habitaculo, in triclinio, in choro monachos aemulantur. In orationibus suis, qua publicis, qua privatis, lingua loquuntur peregrina, quam ipsi soli intelligunt: de nocte surgunt, non omnes simul; sed aliqui dumtaxat, qui singulas inter se dividunt horas, et chorum alternant, dato campana toties signo, quoties alii aliis succedunt. Sic Religionem imitatur superstitio.

Sunt plerumque rudes, ac infimae sortis homines, atque ideo a nemine aestimantur, nisi quando preces pro

pro defunctis persolvunt, funusque comitantur. Regni provincias percurrunt omnes, ut stipem (sunt enim e mendicantium ordine) colligant, quam, potissima ex parte, sibi met ipsi quilibet conservat. Non nulli rigidius adhuc institutum amplectuntur, qui anachoretarum more, in montium cacuminibus, aut nemorum cavernis morantur, sanctitatis famam ut sibi concillent. Et hi rarissime prod-eunt in publicum; sed solummodo suum apud fanum, quo simplex popellus peregrinationem continuam instituit, fideles idolorum custodes vigilant. De paupertate securi sunt; nam ab ea defenduntur devotis a peregrinis, qui tanta hos eremi incolas liberalitate excipiunt, ut suis cum discipulis (duo sunt plerumque, aut tres) vix omnia possint consumere.

Circa annum 1754 contigit, ut Rex ad aulam invitaret celebrem quendam Eremitam, jam 80 annorum, meridionalibus in provinciis, altissimo in monte degentem. Honorem hunc venerabilis iste popa constanter recusavit, Inquiens, se non posse sacrarium (cui se ad omne vitae tempus devovisset) relinquere, aut alteri committere, citra gravissimam deae suae offensam, quam *Matrem populi* nuncupabat: id quod Rex inaudiens, majorem de eo aestimationem concipere, ardentioribus adhuc precibus instare, per omnes deos jurare, se velle solum quaedam de regni statu consilia cum ipso conferre, consultatione facta, eum illico antiquam ad stationem se remisurum spondit. Monticola consensit quidem; aliam autem adjecit conditionem, ut videlicet toto, quo sacra ab aede abesset, tempore, locus hic a militibus custodiretur, nulli hominum adcessum concessuris. Perlibenter Rex mittit excubitores, ablegans simul ephebos, ad virum hunc, sanctimoniam clarissimum, majore cum honore ad Regiam deducendum. Totum is iter pedibus confecit. Multa hominum millia (ut fieri solet) concurrebant; Montanum querebant; videre cupiebant.

Regis

Regis in conspectum ubi venit, iussit ille senem sibi adsidere; sed alio in tapete, quem non admisit, nudum feligens pavementum. Varias ei Rex proposuit quaestiones (*quot esset annorum? quam vivendi teneret methodum? quam diu suum illo in monte tabernaculum jam haberet? &c.*) Ad quas, magnam servans gravitatem, paucis respondit. Sciscitans ex ipso de rebus regni publicis gerendis, omnes prius, qui circumstabant, abesse voluit homo ingeniosissime nequam, quam responderet. Unum postea arcanum, sed silentio tegendum, Rex familiaribus suis concedidit. Est autem sequens vaticinium, secundum sensum, quem dicunt, litteralem, fideli latinitate donatum: *Octo erunt in Cochinchina duces, et non plures: Quando montes convertentur in valles: Quando portus maris obstruentur: Quando nostri (de Cochinchinensibus loquitur) antiqui homines extinguuntur: Quando novi homines adparebunt: tunc regnum hoc ad alios transibit, et ab aliis gubernabitur.* Non diu est in aula commoratus, qui haec sua de patria vaticinabatur. Rex eidem obtulit aliquot auri panes variis cum donis, iisque pretiosis; at nihil acceptavit, odoriferum praeter lignum *calambá* dictum, tantique aestimatum, in deae suae venerationem flagraturum. Spreto pariter aulæ dapibus, praeter herbas, oryzam, et aquam, nil aliud degustavit.

Quantum ad praedictionem vatis hujus solitarii, obiter memorandum occurrit, *Regem Cochinchinae* modernum, *octavum exstare*, cui regia est potestas. *Montes conversi sunt in valles*, quando circa annum 1746 praecalti montes, ingenti fragore, in medio disrupti, miram p'antitiam, velut a natura factam effecere; in qua procera subito arbor effloruit. *Oclusi porius sunt maris*; Jam ante annum 1743 portus tres evaserunt inhabiles ad recipiendam navim ne quidem onerariam *Cochinchinensem*. Demum *antiqui homines sunt extincti, et novi adparuerunt,*
dum

dum anno 1744 promulgata Regis lege, *Cochinchinenses* sordidum *Tunquinesium* abjicientes habitum, novum *sinensibus* proprium induerunt. Interim oraculi hujus veritas, aut falsitas optime cognita est Domino illi, qui est *Deus solus omnium regnorum terrae a*).

§. 5.

Delubra, Deorum, Dearumque cultus.

Delubra sunt magnifica, solido e lapide structa, murisque circumdata. Ambitus (locus inter templa relictus) ostendunt sanctorum *Cochinchinensium* (rude exstat, ac impositum opus) ex aere statuas. Fanis hisce vicinus est lucus, manu consitus, variae ubi stationes, suis distinctae titulis. Ingressuris occurrunt duo, aut tres gigantes coronati, ad laevam manum, figurae horribilis, ignem spirantes, sagittas, lanceas, enses, faciesve ardentes manu tenentes, ut impios a Deorum adcessu arceant: Ad dextram vero cernuntur alii, sed vultu laetitiam prae se ferente, blandis, benignisque oculis, ore subridente, gratam, variis quasi luderent instrumentis musicis, symphoniam exhibentes, ut probos ad Numinum suorum tutelam, ac gratiam invitent.

Magnus colitur Deorum, Dearumque numerus: Illi effigiem gerunt plerumque ridiculam, foedam, et absurdam. Formae ejusmodi sunt: Caput unum, corona redimitum quadruplici cum facie; manus plures, sive pedes; dextra gestans gladium, sinistra facem accensam; vultus ira inflammatus; scintillantes oculi; os spumans, aut sanguinem evomens. Deae e diverso sunt multum amabiles, ac visu admodum jucundae: Has inter una, quae simulacrum dei genitricis, parvulum JESUM sinistro portantis brachio repraesentare videtur. Inscriptus basi titulus est: *Patrona praegnantium, et puerperarum Mater:*

a) Isa. c. 37, v. 16.

ter: Haec prae caeteris, a devoto feminarum sexu, eximia colitur religione. Hinc plurima ad eam conferuntur munera; diversa edulia, quae divae huic oblata, a Bonziis haud dubie in almae, ac potentis Dominae suae salutem, absumuntur. Statuae Deorum pleraeque sunt ex aere fusae, et inauratae.

Rex in palatio nullum habet idolum; habet tamen ibi domunculas, spiritui tutelari dedicatas.

A Mandarinis, hominibusque doctis, post *Caelum* (quod dicunt omnium rerum principium) *Confucius*, tamquam verus Legistrator, honoratur. Vix non innumerae, quas condidit, leges, ad duas hasce praecipuas referuntur: *Fac bonum, et declina a malo*: Has sequuntur aliae: *Honora parentes, natu majores, et Magistros; Venerare defunctos, eorumque necessitatibus succurre; Noli despiciere pauperem; gratus esto his, qui tibi benefaciunt; Justitiam, et pacem ama; Fuge dolum, et iracundiam &c.* Adserunt litterati, irasci humanum esse; iram moderari, nobilis sapientisque viri; iracundiae autem frena laxare, hominis aut phrenetici, aut potius non hominis. Quae Philosophus hic longe celeberrimus de liberorum educatione, de modo, familiam regendi domesticam, conscripsit, sunt plane singularia, atque eximia.

Rudi a populo quid credatur, nescitur: certum enim deum agnoscit nullum. Naturam, vitae ducem sequi videtur: Caelo nihilo minus tam bona, quam mala adtribuit: Quocirca familiaris est illi hic loquendi modus: *Caelum ita voluit*; hinc *Cajus* cursum vitae consecit; hinc *Sempronius* naufragium passus, evasit. Quod *Hecuba* secunda, et dives, *Penelope* vero pauper, et sterilis, hoc a *caelo* proficiscitur. Alii fato casus hosce adscribunt. *Sic erat*, inquit, *in fatis*; suus cuique ordo immutabili lege percurrendus; *Quo fata trahunt, retrahunt*.

hantque, sequamur. Daemonem metuunt, tamquam malorum hoc in mundo omnium causam. Spiritum custodem, a quo cuncta sibi evenire bona autumant, maxime venerantur: Ejus ad honorem, in domus atrio aediculam construunt, viatoris apud nos pillis similem, ubi cibos adferunt; odores accendunt, ut domestici a daemone, aliisque infortuniis defendantur. Ejusmodi domuncularum omnia sunt plena: Maritimam ad oram, ad ripas fluminum, in agris, in compitis, in oppidis, et pagis, aliisque locis compluribus.

Mandarini credunt *metempsychosim*; plebs autem, animam esse mortalem, judicat. Non nulli tam caelum, quam infernum admittunt, unde bonos altera in vita praemio, malos supplicio adficiendos, adferunt. Passim universi carcerem quemdam subterraneum recipiunt, defunctorum ubi animae contractos ob naevos, commissa ob delicta, famem, sitim, nuditatem, aliasque misérias patiuntur. Quapropter permulta pro illis persolvunt suffragia; cibos et vestimenta offerunt. Ne multis morer, Mandarinis, litteratisque exceptis, secta inter ipsos certa statui nulla potest: Quod enim hi adfirmant, negant illi, atque vicissim. Chaos ergo est dicendum, ubi omnia sunt dubia, informia, confusa, et obscura.

C A P U T VII.

De Christianismo.

§. I.

Verae fidei Cochinchinensi in regno initium.

Quando post ultimam in *Japonia* persecutionem, Praecones sacri Evangelii omnes aut martyrio adfecti, aut exilio mulctati fuere, placuit infinitae Dei, omnia gubernantis, ac providentis, bonitati ob occulta nobis judicia,

cia, occlusa hac porta (quam *Lucifer* cum focila suis, ne quis ultra intrare possit, vestibis firmavit ferreis, collocando ante eam non unum, sed plures *Tartareos* spiritus) placuit, inquam, altissimae Numinis benignissimi providentiae, cum exsulibus legis suae Ministris, fidem, quae sola eam propositos salvos facit, alia ad regna transferre, Macao maxime vicina, ad *Tunquinum* et *Cochinchinam*. Quo igitur modo postremum hoc regnum (quod Relationis hujus exstat argumentum) prima fidei praecepta acceperit, strictim hic juvat perscribere.

Primi omnium, qui huc advenere, erant *Manilenses*. Commerciū enim causa, *Sianum* vela facituri, tempestate adversa ad *Cochinchinae* litus compelluntur: in australi regni hujus provincia subsistunt; jaciunt anchoram; cymbam armatis cum nautis, ac uno e *S. Francisci* ordine Religioso (hic forte navis sacellānum agebat) propinquum ad pagum expediunt, sibi de aqua, aliisque ad victum necessariis provisorii. Benigne ac humaniter a paganis excipiuntur, quos cum prius barbaros esse, crederent, gentem reperiunt civilem, exultant, et non minus, ac ipsimet sunt *Sinae*, politam.

Postera die adest territorii moderator, et Mandarinus cum interprete *Sina*, qui varios per annos, negotiationem cum *Macaensibus* exercens, linguam calluerat *Iusitanam*. Naclerus petit potestatem permanendi, caeli donec rediret serenitas. Spatio brevi interjecto, adsurgunt mapalia festinante exstructa manu, ipsis incolis, suam quoque operam praestantibus. Rex certior factus de *Manilensium* adventu, ac rei novitate permotus (numquam istud ad tempus navis *Europaea* in *Cochinchina* fuerat visa) advenas ad aulam invitat, cum et hic, et forsan melius, quam alibi merces suas possent divendere. Hi oblatum regium favorem minime respuunt; Adpropinquante hebdomada sancta, nec vento adhuc favente, remanent: diem paschatis,

schatis, *Christiano* more, solemniter ibidem celebrant. Lumina festiva, sub noctem accensa, et explosa e navi tormenta gentiles plurimos adtraxerunt, *Christianorum* sacra, quae non dum intellexerant, solum demirantes a).

Lux haec Evangelii, *Cochinchinensibus* tantummodo ostensa, sed mox extincta, accensa denuo fuit a *Lusitano*, mercium transmittendarum procuratore *Macaensi*. Qua in urbe sub illud tempus mercatores hac e natione morabantur ditissimi, merces *sinicas* distrahentes *Persicani* per regionem, per *Indiam*, per oram *Malabariae* et *Coromandelae*, per *Bengalam*, *Pegum*, *Siamum*, *Cambodiam*, *Arabiam* &c. His ergo in regionibus cum negotiatorum *Macaensium* coetus suos haberet rerum actores, substitit quoque unus negotiorum ejusmodi curator publicus *Cambodiae*, cognomento *Brocardus*, vir probus, simulque artis, fundendi tormenta, adprime gnarus.

Cochinchinae Rex in artificis hujus notitiam ubi devenit (annus tunc labebatur supra millesimum sexcentissimum, fere tertius ac sexagesimus) summo adlaboravit studio, ut hominem suum in regnum arcesseret; Quod is tandem praestitit, tum praemiis largissimis, tum melioris adhuc fortunae spe illectus. Adveniens illustra illico artificii sui dedit specimina, consilando non modo tria illa majora ad palatii portam tormenta, sed et caetera, Regiam undique munientia; de quibus supra jam est actum b).

Rex ergo, cui *Brocardus* erat acceptissimus, veniam ei concedit, ad animae suae solatium, sacerdotem Europaeum advocandi: Qui cum degentes *Macai* Patres Societatis impense amaret, ex iis quemdam impetravit, navi eo *sinica* delatum die S. *Josepho* sacra, uade et divo isti Missionis *Cochinchinensis* *Protektoris* nomen fuit inditum. *Brocardus*, cui gentis hujus mores maxime probabantur, domi-

a) Vid. quae infra in Adpendice, num. V adnotavi. M.

b) Vide c. 3, §. 1.

domicilium ibi figit: Uxorem ducit *Cochinchinensem*, quam cum tota ejus familia, idem sacerdos sacro expiat lavacro: Sacellum erigit domesticum, in quo, Regis permisso, et Missa dicebatur, et sacramenta alia administrabantur: At cum Missionarii zelus limites ab aula praescriptos transgrederetur, ita, ut non solum domestici, verum complures etiam alii, rei ibidem sacrae interfuturi, clam eo se conferrent, instigantibus Regem Mandarinis, verbi divini Minister (quod vulnus erat *Brocardo* gravissimum) cogitur exulare.

§. 2.

Rei Christianae propagatio.

Verum post nubila Phoebus. Novo cum Rege nova, ac laetior *Christianorum* coetus facies. Hic enim *Brocardo* (qui apud eum gratia valebat plurimum) sacerdotis novi advocandi facit copiam. Pusillus ergo grex, alium nactus Pastorem, e *Macaensi* Societatis collegio, paulatim coepit augeri, strenue eum adjuvantibus illis, qui ad hunc diem *Catechistae* nuncupantur. Cum enim Missionario nostro, pedem ex aula efferre haud liceret; nec ipse palam Jesu Christi Evangelium praedicare auderet, visum ei fuit, novis e *Christianis*, sacra in lege eruditioribus, rorumque, ac caeremoniarum Ecclesiae probe peritis, quosdam seligere, qui ei in Evangelii promulgatione auxiliarentur.

Atque hi sedulam sane manum commodarunt: Nam patriam in linguam (erant viri litterati omnes) *Catechismum* integrum converterunt; complures inter *neophytos* exemplaria distribuerunt; Christianae fidei elementa liisdem explanarunt; instructos ad Patrem adduxerunt; necessaria ab eo sacramenta recepturos. Iisdem catecheseos Magistri parvulos, distitis in provinciis natos, sacro abluerunt baptismate, adultos autem, quando necessitas flagitabat.

Aliud

Aliud insuper ex hisce laboris Evangelici sociis commodum, idque non exiguum, *Christianam* in Rempublicam promanavit; siquidem isti, salutis animarum dilatandae studio semper magis incensi, suis in sedibus locum, facelli in modum adornarunt, ubi diebus obbati, dominicis, ac festis per annum, suis cum domesticis, aliisque Christianis, solebant Catechismum, aliasque preces recitare, lectione libri spiritualis (quem cum Missionario adiutore, donarunt sermone vernaculo) mentem pascere, piis invicem colloquiis sese animare, fidemque roborare. Hanc ad formam, progressu temporis, connivente Magistratu, alia condita fuere *orationis domicilia*.

Cum itaque hoc modo cresceret *Christi* fidelium multitudo, missi sunt *Macao* novi duo operarii, foecundam adeo Domini vineam exculturi: Alter per *Cambodiam*; *Sinica* in navigio (quae consueta est via) alter: Unus existit *Aragonensis*. Et hic sua, quam profitebatur, *Mathesi*, mox tantam sibi apud cunctos comparavit famam, ut *Mathematicus* regius declararetur. Quo illustrissimo in munere (nihil enim, teste *Tullio*, est *Mathematicis illustris*) praeclare adeo se gessit, ut in reducendis ad calculum, quae occurrebant, solis defectionibus, versatis hac in arte *Cochinchinensibus* palmam aequae ac propositum iis praemium eriperet. Alius erat *Lusitanus*, isque *Medicus*, qui singulari, quam Deus ei concessit, curationum gratia, eximiaque in aegrotos charitate, summorum ac infimorum benevolentiam promeruit. Sub duorum igitur horum virorum praesidio, qui tanta apud omnes pollebant auctoritate, complures singulos in dies, rejecto idolorum cultu, *Christo* nomen dedere.

Scribebantur haec *Siamum*, *Manilam*, *Romam*, atque ad non vulgarem *Societatis* nostrae commendationem innotescebant. Mittitur proin sancta a sede Vicarius Apostolicus, supremus copiosi hujus gregis Pastor futurus.

Viden-

Videntes porro et *Siami Clerici Parisienses a)*, et *Manilae* sodales, divi *Francisci* institutum observantes tam ubere in *Cochinchina* campum, atque ad messem jam maturum, ipsi quoque, largas adeo fruges collecturi, advenere.

Interim e vita decedit *Brocardus*. Solus *P. Arneido* (hoc erat Mathematico regio.e Societate Jesu nomen) firmissimae instar columnae, totum verae fidei aedificium sustentabat, vir profecto laude omni dignissimus, non modo ob animarum zelum, quo flagrans, multos primi etiam ordinis Mandarinos a gentilium fabulis sanam ad doctrinam perduxerat, sed ob singulares etiam animi dotes, ob ingenii perspicaciam, memoriae facilitatem, scientiae praestantiam, qua libros *sinicos* expedite non minus legere, ac explanare poterat. Hac in dexteritate primas tenebat partes, summo etiam eorum consensu, qui litteratorum *Cochinchinensium* principes habebantur. Cum his continuo agebat, disputabat; hos convincebat, ut errorem suum agnoscentes, *erudito Europaeo* (eo passim titulo honorabatur) suo tamquam Magistro victas tandem manus darent.

Sub amplissima viri hujus umbra, laeta omnino, pingulaque *Christi* ovium pascua exstiterunt. *Christiani* libere adcedebant Pastores, a quibus non jam in sacellis, sed amplioribus in templis, quae tantum gregem caperent, pascebantur. Catechistae pariter et securius, et latius officio suoungebantur: Quod erat (praeter ea, quae hoc §. jam sunt memorata) bis per diem sacra in aede preces publicas collecto populo praecire, calendarium publicare, Patres ad moribundos vocare, iis ad ultimum usque spiritum

a) E domo S. Lazari, quae caput est *Congregationis*, quam sub nomine *Presbyterorum saecularium Missionis* instituit S. *Potentius & Paulus*.

ritum adfistere, aliaque bona opera fratribus suis exhibere.

Quilibet pagus, quodvis oppidum, suum habebat Catechistam, quem *Christiani*, ceu patrem familias venerabantur: Huic anno ineunte, et messis tempore oryzam obtulerunt, eumque in his, quae ad corpus curandum sunt necessaria, pro viribus sublevabant. Catecheseos vero praeceptoribus, qui *Patres* semper comitabantur, ex eorumdem peculio, annua pensio erat assignata. Missionariis nostris 80 dumtaxat dabantur imperiales: Tantundem acceperunt ii, qui propaganda a fide *Propagandistae* vocantur; Clerici *Parisienses* 120; Religiosi *Manilenses* 200. Hos praeter Catechistas fuerunt duo, *maiores* nominati, quibus alii debebant obedientiam. Isti missos per provinciam *libellos a)* ferebant: patrium in idioma libros traducebant: graviora Missionum negotia procurabant. Magnae erant apud *Christianos* existimationis, unus australibus in provinciis, in borealibus alter morabatur.

§. 3.

Ecclesiae Cochinchinensis persecutio prima.

Pulcherrime florescebat Missio, firmata jam stirpe verae Religionis; et ecce! tamquam turbine aliquo, aut subita tempestate, ea pervertitur. Rex *Pem Arneido* legatum suum designat apud *Lusitaniae* Regem, non nullas res majoris momenti peracturus, adjecta etiam una conditione, quae si impleretur, se permissurum liberam legis Evangelicae universo in regno promulgationem. Pater iter adgreditur; at *Goam b)* perveniens, letalem in morbum incidit, atque ad Regis supremi aulam invitatur. Decessu hic magnae *Christiani* dogmatis ruinae occasionem

a) Sen litteras *Encyclicas*, sive *circulares*.

b) *Goa*, alio nomine *Ticuari*, urbs *Asiatica* regni *Decan*, sita in insula, quam fluvii *Mondona*, et *Guari* efficiunt.

nem praeiuit. Etiamſi enim *P. Sanna*, e *Sardinia* oriundus, Medicum aulica in urbe ageret; numquam tamen deceſſoris famam acquirere ſibi potuit, ac talem, ut Rex aut perſonam ſuam, aut ex aulae familia quemplam curae ejus concrederet.

Cum ergo Miſſionariorum nullo Rex familiaris uteretur, primarius aulae Miniſter, homo ſingulari cupiditate, audacia, ſcelere praeditus, ſanctam legem (id quod dudum unice in votis habebat) exterminare decrevit. Summum is gratiae gradum apud Regem tenuit, quem vitiis carnis maxime deditum, patremque, plurimas praeter filias, filiorum 50, toto cum regno regebat. Homo vulgi e grege, ſedula litterarum agitatione ereptus, ad ſupremam eruditos inter Mandarinis dignitatem emerſit, eluſis adverſariorum omnium machinis, qui ejus ab ore pendere cogeantur. Unius arbitrio omnia gerebantur. Intolerabilem ob potentiam a cunctis metuebatur. Mira autem erat ſagacitate, tantoque animi ardore, ut, quidquid adgredebatur, ad ſinem feliciter perduceret.

Juvat hic unum, alterumve imperterriti moliminis, ac ingenii verſutiſſimi exemplum adducere. Latrocinabatur ingens hominum, ex ſacिनorosis congregatorum multitudo: Ipſe eos (quos fruſtra alii ſunt coercere conati) toto e regno proſcripſit, ita, ut quivis, aperta etiam domus porta, ſomnum capere potuerit, quin res vel minima inde auferretur. Nec *Pythoniſſarum* numerus facile iniri potuit; quae pretio non levi conducebantur, ut nocturnis ſuis cantionibus, deſunctorum altera in vita ſtatim poſnoſcerent, eumque, et qua re indigerent, parentibus, cognatis, aut amicis manifeſtarent: Haec ita compeſcuit, ut nulla amplius munus ſuum peragens, nimis credulos, mendacis tam caro venditis deciperet. Modus, earum infantiam refranandi, fuit is, quem reſero, et calamo dignum.

Praegrandem suo in palatio parari praecepit cistam, atque interiore in operculi parte depingi feminam eo, quo *Pythonissae* incedere solent, habitu, solo pictore hujus rei conscio. Indicta dein die, mulieres omnes, fatidico, uti se jactabant, spiritu plenas, in aulae provincia degentes adesse iussit: Militibus autem dat in mandatis, ut intrare cunctas, exire nullam permittant. Comparent hae numero perfrequentes, pretiosissima vestium indutae: Cultum enim iusto mundiorem adsumunt, dum magicam suam artem, daemonum invocatione, nefandisque carminibus usurpant. Vaferrimus iste Mandarinus universas ad majus *cubiculum*, quod *salutatorium* vocant, invitat. Confidet ipse, locum quoque amplissimo hoc in confesso vanis hisce vatibus praebet omnibus. Mox praeparata adfertur cista decenti a famulis, jam prius dexterrime instructis, qui lentissimum (quasi madentes sudore, nimio prae pondere vix amplius progredi possent) gressum simulabant: Tandem eam in medio, extensum super tapetem, magno cum labore deponunt.

Tum novi hujus collegii Praefes, praefagas has mulieres est hunc in modum adlocutus: Vos, quae in terrae visceribus, quidquid est reconditum, probe nostis; quae infernas umbras incantamento vestro elicitis; quae simulacra pallentia sub obscurum noctis conspicitis; quae omne id, quod circa defunctos altero in mundo agitur, adflatu divino edocemini: Hoc enim nomen vestrum indicat, et officium, quo fungimini: Mihi autem responsa vestra videntur vana: Teſtam artificio fraudem subesse, existimo, qua praecipites ad credendum homines decipitis, ac non nisi lucro intentae vestro, eorum crumenas emungitis. Hinc, quid rei sit, experiar hodie hac ipsa in cista, quam coram videtis: In ea quod lateat, si mihi manifestaveritis; et ego vera esse, credam, quae haecenus falsa judicavi; vos aestimabo, et vestro in munere relinquam: sin minus; dolos vestros praesente in loco luetis.

Quo

Quo dicto, subito omnes terrore percelli, cuti suae timere, expallere, contremiscere; Resumpto paululum animo, versare se in utramque partem non solum mente, verum etiam corpore, excusare se omnes, et adserere, se tantummodo vita functorum nosse statum. At Mandarinus insitit, urisit, et dixit: Qui vobis, in quo rerum articulo mortui persistant, indicat, quidnam hac in arca sit absconditum, potest etiam significare. Invitae igitur suam dicunt sententiam: Haec aurum, illa argentum, ista ferrum, alia plumbum, altera lapides, quaevis aliud quidpiam, ut se imminente a tempestate liberaret, nominavit; sed nulla rem acu tetigit. Tum ille exandescens, multo ipsas sale perfricat; gravissimis in eas verbis invehitur, atque cistam referari jubet (haec penitus vacua, solam *Pythonissam Cochinchinensem*, in operculo depictam intus habuit) ac se e loco proripit. Postrema demum scena, et valde tragica panditur. Erumpunt inopinato impetu, e suis, ubi abdebantur, insidiis milites, scuticis armati nodosis, lorisque bubulis, quibus infelices in fatiloquas horrende saeviunt; flagris has operiunt; ad sanguinem usque caedunt: Jacent eae mortuis, ac vivis similiores: Frigida persusae, ubi ad se redierunt a), turpissima hac notatae ignominia, e domo ejiciuntur. Atque ex eo tempore *Pythonissae* omnes expirarunt, post Mandarinum hujus mortem, ad vitam denuo revocatae.

Hic ergo callidissimus maleficarum istarum expulso tam feracem verae fidei plantam radicitus exstirpare pariter adlaboravit. Severissimum primo per omnes regni provincias decretum promulgatur, sancti Evangelii legem sub mortis poena omnibus prohibens, et adfixum valvis ecclesiae Patris *Sanna* in aula publicae, ac *Christicolis* cunctis patulae. Idque egit eo potissimum ex capite, ut Mandarinos Christianos, qui variis in locis, Christi sectatores

a) *Plant. Trucul. 2. 4. 15. Aspersi aquam, jam rediit animus.*

tores protegebant, prosterneret. Tunc erant illorum quam plurimi, primum etiam hac in dignitate gradum occupantes: sed plerique invictam monstrantes orthodoxa in fide constantiam, sponte suas, quibus praefulgebant, dignitates reliquerunt, ne animae salutem, vitamque aeternam amitterent.

Hos inter singulariter praeluxit Prorex quidam, cujus heroica virtus Regi tantopere placuit, ut eum numquam exauctorari fuerit passus, *Isse*, inquit, *Deum suum habet, pro eo pugnantem, nihilque timet; immo pluris facit, se esse Christianum, quam Proregem.* Atque hoc opere ipso, et praeclarissimo ostendit. Pro nihilo enim duxit honores mundi omnes. Nulla decreti, legem ventantis, ratione habita, toto illo persecutionis tempore, Christi fideles nobilissimo suo exemplo animavit; eos suum ad palatium invitavit; ibi cum ipsis publicas preces recitavit, et, dum poterat, Patrem advocavit, sacrae confessionis, et communionis sacramenta suscepturus.

Quantum autem emolumentum hujus Proregis zelus attulit, tantum detrimenti importavit, quin multo majus, litteratus ille diaboli emissarius, non nisi maxime dissoluta, ac perditissima iniens consilia: Nam, Rege dissimulante, et tacente, templa sanctissimis religionibus consecrata spoliavit, nudavit, solo aequavit; cunctos, Christum colentes, bonis exuit; hos in carcerem conjecit; illos ad servitium elephantibus praestandum (quod et maxime arduum exstat, et abjectissimum) condemnavit; alios vi tormentorum, ad fidem abjurandam, ad conculcandam Jesu Christi imaginem compulsi; quosdam inedia subterraneis in cavernis consumpsit; non paucos, quos inter varii erant Catechistae, inusto fronti crucis signo, tamquam ferale stigmatum notari praecepit; non nullos etiam publico in foro, aliorum ad terrorem, jussit obtruncari; quid? quod multo plures adhuc jugulasset, nisi tam numero-

merosos reperisset athletas, qui pro Deo, sanctissimaque ejus lege caput suum promissime offerrent.

Ultra est progressa hominis consceleratissimi improbitas. Ut residui eo citius a fide deficerent, Missionariorum ejectionem procuravit. Restitit ei Rex ab initio, dicens: *Nói - Tân! Nói - Tân!* (hoc Mandarinum nomen erat) *Noli Magistros persequi: Certo eventum rei pessimum experieris.* Cum vero tenacissime suo staret iudicio, itane, reposuit Rex, *itane, Magistris discedentibus, Christianorum etiam deus cum his discedet?* Mira gentilis Principis interrogatio, quae nihilominus pessimi hujus Mandarinum animum non modo non permovit; sed et magis induravit, ut prius haud quiesceret, donec consensum regum extorqueret.

Sub initium Maji novum emanat decretum, gravissimis sub poenis praecepiens, ut Missionarii omnes, intra dies 14 e regno abeant, seque ad portum *Phái - phó a)* conferant, *sinensi* in navi prima *Macaum* deportandi. Parendum erat, atque discedendum. Varia interim pulsantur ostia virorum, majore in dignitate positorum, ut in aula intercedant pro obtinenda *Pháiphoenfi* in portu ad mensem Augustum usque commoratione: Quae demum quemdam per Mandarinum, unum ex intimis Regis, fuit concessa. Hic enim concubinae suae (cui Patres nostri *panem unum aureum* promiserant) precibus devictus, libellum Regi supplicem porrexit, ab eodem clementissime subscriptum.

§. 4.

Novum verae Religionis incrementum.

Sub *Julii* finem Rex e vita emigrat: Et tam foeda tempestas repentina serenitate discutitur: Nam cum Mandarinorum nemo esset, qui litteratum hunc et regni, et

Regis

a) *Portus regni primarius est, cujus crepidini nares adplicatur.*

Regis gubernatorem non acerrime odisset, percepto Regis obitu, illico domum ejus militibus cingunt, captumque ad supremum aulae senatum deducunt, coram quo variorum convictus criminum, a suoque amotus officio, ad mortem damnatur. Ad supplicium cum duceretur, a militibus cohortis, *aurea ab ense* nuncupatae, justitiae in *Cochinchina* exsecutoribus, hi morae impatientes, eodem in loco, ubi aulica *societatis* nostrae steterat ecclesia, sacrilegum in frustra conciderunt, ut, qui in Dei domum, eam destruendo, peccaverat, ante hanc ipsam, temeritatis suae poenas non capite solum, sed toto corpore expenderet, dignum vita, factisque suis exitum consecutus.

Hoc impietatis non inultae documentum est prius exhibitum, Rex novus quam inauguraretur. Illic ut primum paternum conscendit solium, non modo Christianos captivos omnes libertate pristina donavit; verum et destinatis proximum ad exilium Missionarii, remanendi in regno, veniam gratiosissime concessit. Et quamvis subinde quidam aulae Ministri contra Christi fideles, Regis irritare animum niterentur; toto tamen eo tempore, quo indulgentissimus hic Princeps regno praeerat (praefuit autem annis 13) inconcussa stetit vera Religio. Nam cum esset pacis amantissimus, dulcissimos ejusdem fructus communes esse omnibus voluit; nec ullam subditorum cuiquam faceffivit molestiam: Quin immo diffidentes rebus suis confirmavit, adstrictos erexit, perditos recreavit.

Paulo post regia in civitate steterunt denno ecclesiae quinque; duae a *Nostreis* erectae; a *Franciscanis* una; a clericis *gallicis* alia; altera a *Propagandistis*. Regis ad exemplum componitur orbis. Proregum indulgentia, aliis etiam in provinciis Neophyti summo cum gaudio conspexerunt templa sua resurgere tum sumtibus suis, tum *Patrum*, in iis saltem locis, ubi Pastores cum suis, quas pascebant, ovibus morabantur.

Defuncto

Defuncto hoc Principe, suis a subditis maxime amato, magis adhuc populus *Christianus* adaugebatur. Successor enim Europaeum denuo Mathematicum (qui post *Pis. Arneido* discessum desiderabatur) obtinuit, *P^m* scilicet *Joannem Sibert S. J. a)* qui aula *Pekinenfi* dimissa, 1739 *Cochinchinensem* ad Missionem se sponte obtulit. Hic cum eximia *salutaris* etiam *artis* scientia foret praeditus, prima vice ad Regem introductus, animum ejus adeo rapuit, ut novo huic Medico totum se tradiderit, et valerudinem, et vitam suam, aeque ac fusu sibi dilectarum maxime concubinarum. In dies ille frequentabat palatium Regis; id quod decessoribus suis ter dumtaxat per annum erat concessum.

Fama hac longe lateque sparsa, crevit *Europaeorum* aestimatio, et fides orthodoxa fuit semper magis propagata; praesertim anno 1743, quo *P. Joannes Koffler* suo cum socio (ambo e *Bohemiae* provincia) illuc adpulit. Erant ad illud tempus provinciae tres, *aquiloni* oppositae, aliis quatuor infeliciores, quod nulli umquam *Nostrorum* ibi residere fuerit permissum, licet ibidem *Christianorum* coetus reliquos et numero, et fidei fervore superaret. *P. Kofflerus* ad hanc vineam domini excolendam missus, et arte sua medica, et munusculis, quae Proregibus obrulit, eos tam benevolos sibi reddidit, ut ipsi omnium primo suum apud gregem habitare licuerit. Puerum annorum octo est linguae nactus magistrum, eum imitando, ut addisceret accentus, seu vocis inflexiones, quae *Cochinchinenses* utuntur, ad cogitata mentis eloquendum: Namque uni verbo, pro accentuum varietate, variae sunt alienum in sensum migrationes: v. g. *di?* cum interrogationis signo *scrofam* significat: *di* autem subiecto cum puncto, *sororem*.

§. 5.

a) E Provincia ad *Rhenum Inferiorem*.

§. 5.

Altera, et funestissima Christianorum clades.

Anno 1744 advenit *Macao* navis, a mercatore quodam *Gallo* conductâ, principium ruinae Missionis florentissimae. Negotiator hic petiit a Rege (cujus animum oblati per *Pm Siebert* muneribus delinierat) duos adulta jam aetate pueros, quibus ingenium esset docile, secum *Ponticerium* a) profecturos, ut hi *Europaeorum* artium scientia expoliti, regiaque ad servitia aptissimi, in patriam reverterentur. Adnuit Rex, dilaudans hominis exteri fervorem, ac studium, quo in publicum regni bonum ferretur. Rex insuper eidem dari jubet auri purissimi *panes* 20 b) ad coëmenda varia, curiosa non minus ac pretiosa, in Europa confici solita, anno sequente adfutura.

Labitur annus: portum intrat navigium aliud *Macanense*, mercatorem hunc e vivis sublatum denuntians; nihil autem eorum, quae Rex voluerat, adfertur. Doluit quam vehementissime *Siebertus*, ac horum tarditatem meliore, quo poterat, modo in aula excusavit. Adflatus isthaec optimo Patri mortem quoque adceleravit. Lenta enim febris, qua complures per menses jam languebat, citius consumptus, laboribus, pro Deo, ac Rege susceptis, tandem succubuit. Demortui cadaver a Catechistis ad ecclesiam portatum, mense integro (erat enim *mensis regius*, quo in aula humatio omnis est inhibita) ibidem extra humum requievit.

Mense *Martio* 1747 nostrum *Macai* Collegium misit *P. Carolum Slamenski* (quondam in *Hungaria* militum praesidiariorum agebat chirurgum) defuncto Patri, ac regiae salutis custodi successurum. Is medicinae paritia cum paucis

a) Vulgo *Ponticheri*, aut *Ponticherry*, regio, et urbs orientalis Indiae, ad oram *Coromandelae*.

b) Sex ducentas auri uncias.

paucis conferendus dicebatur; at cum mox ab initio curationes duae male successerint, fama, quam adventus adtulit, fuit spoliatus. In *Cochinchina* a prospero primae curationis eventu, existimatio Medici alienigenae dependet omnis. Orta inde animi aegritudo (quam comitabatur iteratus sanguinis vomitus) *Patrem* intra spatium vix trimestre commorationis suae aulicae exstinxit. Cujus locum occupavit P. *Koffler*, a Rege confestim constitutus, ac nominatus *Nhiem*, quod idem significat, ac *Inscrutabilis, profundus, secreti tenax*. Ipsa initia morbi, cui is medicas adhibebat manus, secuta est praeclara curatio. Et hoc modo fama nuper amissa non modo fuit *Europaeis* restituta, sed novis etiam curationibus semper adaucta.

Annus 1748 tandem adfert cistulam *cimeliis* a Rege desideratis plenam. Redeunt quoque adolescentes duo: ac utinam exteras numquam regiones vidissent! Etenim ad Regis adloquium admissi, res omnes pessimi exempli peregre conspectas incaute retulerunt. Subjunxit unus (*Michaël* hic vocabatur) altero et loquacior, et audacior, adlatas res pretiosas non sequare pretium auri a Rege dati. Non multo post intrat portum navis gallica; nationis ejusdem legatum advehens. Hic, donis praemissis, benigne est a Rege exceptus; sed quam brevis haec gratia Principis! Rex litteras examinans, legationi fidem facientes, reperit, *gallicas* cum *sinensibus* non concordare. Nata inde suspicio, legationem non esse Regis *Christianissimi*, sed gubernatoris *Ponticerensis*, quae etiam eo ex capite in contemptum venit, quod comitatu, qui potentem adeo Regem decet, caruerit.

Legatus nullo amplius adfectus honore 1749 ex aula discedit; dolorem dissimulat, et juvenem *Michaëlem* (de quo supra) ad navim invitat, pecuniam interpreti debitam (eo enim, quippe linguae *gallicae* perito utebatur) perfo-

persoluturus. Re ipsa autem dolum meditatur; vindictam de ipso sumendam coquit ob iniquam ejus accusationem, apud Regem adversus *Gallos* institutam. Interpres conscendit navim. Lauto convivio dies absumitur: laeta compotatio seram ad noctem producit, cymba, quae adolescentem revchere debuerat, remittitur, multo mane reverfura. At dum jacebat juvenis, *vino somnoque sepultus*, nauclerus jubet tolli ancoram, velaque ventis committi. Postera die adest scapha, et navis in altum jam provecta, eminus solummodo comparet.

Actio haec, quae temeritate non carebat, refertur portus gubernatori. Hinc clamor totam per viciniam; murmur, ereptum esse ab extero adolescentem, forsan jam occisum; legatum esse plagiarium, esse hominem perfidum. Tumultu replentur omnia. Regis ad aures ubi praeceps hoc factum pervenit, ipse subito commoveri, dolore ardere, iracundia furere, praecipere, ut *Vicarius Apostolicus* (hic e natione erat gallica) tota cum familia sua comprehendatur.

Malo huic adcessit aliud. Anno 1750 adferuntur *Macænsi* in navigio (pro more annuo) non paucae epistolae ad Missionarios, aliosque externos. De his, in sacco reconditis orta est duos inter *Patrum* famulos altercatio. Vociferatione hac excitatus, adstans litori decurio, aures jurgio amborum interponit, saccumque jubet aperiri: ubi tantam cernit litterarum multitudinem, (erant enim 100 et plura) suspicatur, res momenti gravissimi his in epistolis forsan contineri, consilia patriae inimica ab advenis capi. Tabellarius ergo captivus abducitur: Negotium hoc supremum ad Mandarinum devolvitur. Rege mandante, litterae omnes aperiuntur, patriam in linguam transferendae.

Summum quosdam per dies silentium, summa expectatio, quonam esset res tanti discriminis proruptura.

Sup-

Suppressa diuturno jam tempore Regis ira derepente in Missionariorum capita effunditur, in carcerem abreptorum. Captivitatem hanc ecclesiarum (numerosae erant fere ad trecentas) destructio sequitur. Legis *Christianae* praedicatio totum per regnum prohibetur. Sub finem Augusti sacri Evangelii praedicones omnes exulare coguntur. Clerici *Galli* 7, *Franciscani* 6, *Propagandista* 6 *Praedicatorum* familia unus; *Jesuitae* 8, universim 22. Solus P. *Koffler* praeclara ob merita, et obsequia, arte medendi, tum Regi, tum subditis ejus praestita, remanere permittitur.

Pastor igitur unus maximis in turbinibus, tam copiosum fidelium gregem maximo cum labore, ac periculo gubernat ad annum usque 1753, quo pariter immanis in ipsum tempestas desaevit, cum omni coetu *christiano*, in ecclesia praesente. Furentibus enim a militibus captus, vestibus spoliatus, in vincula est conjectus, qui pridie adhuc in aula munere suo medico fungebatur.

Sexui nulli, nec sanguini, nec familiae parcebatur. Missae sunt per omnes regni provincias, Christi in cruce suffixi imagines, omnibus ab orthodoxis calcandae, dignitates, fortunasque suas si cuperent conservare. Ad conquiendum pro elephantis pastum condemnati, ferreo ad collum circulo erant insigniti; e quo lamina pendeat, litteris duabus incis, idem significantibus, ac *sequens legem*. Quantam animarum stragem acerrima isthaec persecutio ediderit, nullis sat verbis potest explanari. *Christiana* mercatoris cujusdam *Batavi* charitas calamitosissimo hoc tempore maxime efulsit, qui P. *Kofflerum* suis cum domesticis abunde refecit, ac sustentavit; quocum et ipse 1755 abiens, *Cochinchinam* relinquit, servans illud Salvatoris: *Cum persequenter vos in civitate ista, fugite in aliam a*). Neophyti lacrymis, votisque omalibus terram linquentem sunt persecuti.

§. 6.

a) Matth. 10. v. 23.

§. 6.

Modernus Christicolarum status.

Ad novissima usque haec, quae vivimus, tempora, tres etiam num e *Societate Patres* dispersum undique gregem verum ad ovile reducere sunt conati: *Lusitanus* unus, et Matheseos peritus *Cochinchinensi* in aula, alter *Italus* degens in emporio *Phay-pho a)*, et tertius *Sina*, qui sedem stabilem habuit nullam. Verum tres hi operarii caelesti a Patre familias jam sunt evocati, promissum ab eo denarium obtenturi, prout constat e litteris *P. Andreae Rodriguez*, tribunalls Mathematici Praesidis tertii, *Pekini* in *Residentia S. Josephi*, 15 Augusti, 1777 datis b).

In Relatione ejusdem anni ad Seminarium *Parisiense*, quod *exteris a Missionibus c)* nominatur, non sine ingente animi solatio legitur, misertum esse Deum *Christiani* in *Cochinchina* populi; Ecclesiam, paucis abhinc annis gentilium furore adeo vexatam, prostratam, ac desolatam restoruisse, tamque uberes denuo diffundere propagines, ut jam octoginta fidelium millia recenseantur d): *Sanguis* scilicet *Martyrum*, *semen Christianorum*. Haud ita pridem generosus ibidem miles glorioso balteum suum resper-

a) Forum hoc nudinariam intervallo trium dierum est remotum ab urbe, Regis sede.

b) Vide mei Diarii *Tom. VII*, pag. 264. et *Litteras patentes Imperatoris Sinarum Kang-Hi* (Norimb. 1802. 4) pag. 26. M.

c) *Missions étrangères*. Missionum harum *sinensium* Procurator a Rege nominatus est *P. Ludovicus Maria du Gad*, *Lugdunensi* e provincia, annis olim pluribus *Chinensis* Missionarius, *S. J.* qui e *Julianaeis* in *Lusitania* captivis ad *Tagum*, primus 1766 est in libertatem adscriptus.

d) *Hermann Goldhagen Religions-Journal zweytes Stück*, 1779. pag. 202.

respersit sanguine, quo est *Christi* doctrinam testatus, ab ethnicorum turba lanceis interfectus.

Eadem virtus laudatissimi herois emicuit in adolescente nobili annorum 16, qui dum 1753 nec minis, neque promissis ad calcandum Salvatoris nostri e cruce pendens simulacrum adigi poterat, districto ad iussa Mandarinum gladio, cervicem, quam sibi met denudavit, animose subiecit, perhibens, se hoc modo eo citius suum ad Creatorem perventurum, quem imago *Christi* cruci adfixi repraesentat a).

Religio vera *Cochinchinensis* exoptata diu pace nunc perfruitur: At infelix regio maximis concutitur motibus; duplici bello, et externo, et domestico premitur. *Pallantes* copiae miserandam campis vastationem intulere. Hinc dira grassatur fames; pars indigenarum potissima fere ad extrema jam est devoluta.

Hoc ipso malo vexatum est Regnum 1751, quo ob tardius advenientes aquarum inundationes, teneri oryzae culmi, dum prima adhuc (ut ajunt) in herba fuerant, exaruerunt. Devastatis agris, sulae provincia maxime omnium sensit annonae caritatem, cum caeteris Boreae obiacentibus. Duabus e provinciis, ad austrum conversis, sexcenta saltem anno quovis navigia aulicam ad provinciam pergunt: Quodlibet viginti ponderum centenariorum millia, et amplius advehit. Initio quidem panis hujus *Asiatici* defectum suppleverunt *terras tubera* b). His autem consumtis, siliquae, radices agrestes. Plebs tandem eas ad incitas est redacta, ut canes, *glires* c), feles, aliaque

a) Non istud lignum; sed quem designas, adoro.

b) Tuber terrae, κυκλάμινος, seu herba circularis figurae, ut sunt panes; itaque panis porcinus vocatur: Nascitur in umbrosis. *Plin. l. 8, C. 9. Dioscor. l. 2. c. 194.*

c) Scribit *Plin. l. 8, C. 37*, non minus *glires*, quam *conchyliis*, et peregrinas aves in deliciis aliquando fuisse.

aliaque jam corrupta, et putrida, quin immunda conqui-
reret, ac absumeret. Teterrima demum comes mortis
fames est. Non obstantibus extremis hisce latrantem con-
tra stomachum remediis, sola in provincia, quae ab *aula*
nominatur, qui inedia perierunt millium trium excessere
numerum. Cadaveribus constrictae erant plateae, tantum
exhalantibus foetorem, ut aëre corrupto, immanis inde
pestis timeretur. A quo terribili flagello, caeterisque ma-
lis Deus clementissimus regnum istud liberare dignetur.

AD P E N D I X.

I.

Ad pag. 30.

Epistola p. m. P. Johannis de Loureyro ad me Norimbergam data.

Vlyssipons 12 Decembr.

1784.

Clarissime Domine,

Literas, quibus D — — sua me honorare dignata est, per manus Rev. Domini *Kaulen* sub finem Novembris accepi; curaremque sedulus suis mandatis obsequi, si in promptu essent, quae a me postulat. Fateor quidem, me per 46 annos, quibus multa Asiae loca percurri, non pauca scitu digna circa Geographiam, et historiam naturalem observasse, et annotasse, praecipue in regno *Cochinchina*, ubi diutius moratus sum. Sed quoniam ibi praedicationi Evangelii totus incubui, satis otii non habui ad ordinanda et complenda ea, quae inveneram. Tandem, cum dubia valerudine, et annis gravissimus aptus viderer ad labores apostolicos prosequendos, quietis literariae studio inductus, simulque ab amicis invitatus optavi vela facere in Angliam, quo multas plantas raras ex *Cochinchina* anno 1773 et 1774 praemiseram, simulque paucas aliquas in Sueciam. Sed reditum in Europam, quem optabam, tunc non obtinui. Anno autem 1782 in patriam meam *Vlyssiponem* perveni, longa quidem, et molesta navigatione. Adeoque viribus fractus, curis domesticis, et valetudine minus prospera impeditus nullum adhuc ex inceptis opus perfeci, quod legi possit. *Floram Cochinchinae* fere ad calcem perduxeram, et ut

H

prius

prius ederetur, tentabam. Sed moram attulit indigentia Auctorum, qui de plantis asiaticis a se visis scripserunt. Horum aliquos jam acquisivi; sed Hortum Malabaricum *Rheedi*, quo minime carere posse videor, de Vegetabilibus Indianis acturus, nec per mercatores librorum, nec per amicos adhibita diligentia, assequi adhuc potui.

Quandocunque Flora ista completa fuerit, si vires suppedant, *Commentariis historiae Cochinchinae* ultimam curam impendam, et ambo opuscula ad Domin. suam mit- tam, ut pro ea benignitate, et doctrina, qua pollet, illa perlustrare, ac corrigere dignetur.

Quamdiu autem mandata sua implere non valeo, in obsequentis animi tesseram offero aliquid ex remotis il- lis regionibus, quod in Europa non facile invenitur. 1°. Frusta aliqua ligni Aloes primae speciei, quae di- citur Calambá; 2°. parum cinnamomi Cochinchinensis. 3°. Capsulam pharmaci sinensis, dicti *O-kiao*: quorum omnium brevem descriptionem hic adjungo. D — — suam rogo, ut me, data occasione, certiore faciat, an jam editus fuerit, vel prope edendus sit liber *Clar. Reichard* de plantis a *Celeb. Linnæo* non dum visis, nec allibi descriptis? de quo ipsum curare, Lectorem monet in *Syst. Plant.* edito Francofurti ad Moenum, an. 1773.

Tandem si quid occurrat, in quo ipsi servire valeam, ad nutum libenter exequar.

— — —
fidelissimus servus

Joannes de Lourayro

Acad. Reg. Scient. Vlyssip. Socius.

Lignum

Lignum Aloes Calambá.

Verum lignum Aloes officinarum est substantia resinoso-lignosa, quae producitur in altis montibus Cochinchinae, Tunkini, et Siam. Fit ex morbo vegetabilis, qui potest dici scirrhus, et carcinoma, quando obstructa vegetationis vasis in aliqua arboris parte, succus nutritus stagnat, et pars illa corrumpitur, turgescit, indurefcit, gravior fit, mutat odorem, colorem, et saporem: ac tandem perit tota arbor, vel solus ramus, in quo morbus impedit progressum succi nutriti. Planta, in qua gignitur Aloes, pertinet ad Decandriam Monogyniam Systematis sexualis Linnaeani a). Cuius character genericus essentialis est. Calyx 5-phyllus: infimo duplo longiore. Corolla 5-petala, inaequalis. Leguminis semen unicum, arillatum. Habitus: arbor magna, ramis ascendentibus. Folia lanceolata, integerrima, glabra alterna. Flos terminalis: pedunculus pauci floris.

Omnes species veri ligni Aloes ex hac arbore procedunt. Sed aroma istud non invenitur in omnibus, nec in magna quantitate. Prima species, dicta *Calambá*, est rarissima. Nec alibi habetur, praeter montes provinciae *Binh khang* regni Cochinchinae. Differt ab aliis speciebus inferioris ordinis in eo, quod fibras habeat crassiores, resinaque magis turgentes: ita ut frustulum prunae impositum fere totum liquefcet, odorem spiret suaviorem, tenaciorem, et ad maiorem distantiam sensibilem. Virtute medica est roborans maximum stomachi et intestinorum. Unde prodest in henteria, et morbis ex laxitudine et debilitate fibrarum. Cum primum ex dissecta arbore extrahuntur frusta illa aromatica primae huius speciei molliuscula sunt, sed processu temporis duriora fiunt, quod similiter accidit omnibus aliis substantiis resinosis.

H 2

Cis.

a) Vid. Cel. Joh. de Loureiro Flora Cochinchinensis. (Vlyssipone, 1790. 4 mai.) Vol. 2, pag. 267. *Alotxyium Agallochum*.

Cinnamomum Cochinchinense.

Cinnamomum Cochinchinae, quod juxta methodum *Linnæi* potius dicetur *Laurus Cassia*, cum folia habeat 3 - nervia, est arbor magna, agrestis, quadruncata, semel tantum cortex avellitur, qui, ut optimus sit, non ex trunco, nec ex ramis tenuioribus, sed ex mediocribus extrahitur ^{a)}. Multo pluris aestimatur ab indigenis, et Sinensibus, quam Zeylanicum, quo non utuntur in re medica. Zeylanicum certe minus abundat oleo, in quo virtus aromatum; nec in tam longum tempus virtutem, odorem, et saporem conservat. A decem annis habeo hoc, quod nunc mitto, quin vigorem amiserit.

Gelatina Sinensis O - kiao.

In interiori provincia Imperii Sinensis est vallis quaedam, undique cincta montibus, in cuius planitie oritur fons, quo gramina per pratum nascentia irrigantur. Ex animalibus præcipue asinis, quæ illic longo tempore pascuntur, ac de fonte bibunt, sumitur pellis, quæ eadem aqua diu cocta format gelatinam dictam *O - kiao*. Loco illi non amplo præsidet Præfectus Imperatoris Sinensis, qui curat de legitima præparatione pharmaci Pekinum mittendi, unde verum et efficax tantummodo haberi solet. Gelatina ista magnam habet virtutem contra phthisim, sputum sanguinis, et similes morbos ex acrimonia sanguinis, et corrosione venarum. Præcavet etiam abortum in prægnantibus, præcipue si ex fluxu sanguinis timeatur. Duæ drachmæ fumantur pro qualibet dosi, per multos dies iteranda. Macerari debet in aqua per noctem, in qua postea coquitur donec liquecat: additur parum vini malvatici, vel alterius speciei, quod dulce sit, cum quo postquam leviter serbuerit, sumitur jejuno stomacho.

II.

^{a)} Vid. *Flora Cochinchinensis*, pag. 249.

II.

Litterae p. m. Dom. Laurentii Kaulen.

Lisbonae, 12 Febr. 1785.

Colendissime Domine,

Advenit tandem in Septembri huius Anni fasciculus Librorum a Te pro me directus ad D. Müller, Pastorem Legationis Danicae, quem D. Brintano miserat ad D D. Castro et Correia, Negotiatores hujates. — Per D. Natalem Gilhardo, agnatum D. Brintano, misi in Augusto cistulam ligneam, cum Apologia S. I. Gallice, et Lusitanice scriptam. Iterum inventa fuit perdita Apologia contra *Jos. Basil. de Gama a*). Latuit Genuae, nunc Romae est revivenda, unde speciem habes, illam aliquando videndi. — Item inventus fuit Amstelodami unus ex duobus fasciculis, olim ad Te directis. Spero, fore, ut sit is, qui *Historiam Cochinchinae* continebat. Illum non huc redire, sed ad Te promoveri jussi. Faxit Deus, ut adveniat. Has scribens 20 Nov. 1784 accipio Tuas exaratas 12 Octob. h. a. cum accluso folio ad D. Joan. Loureiro, cui Te satis notum feci, et commendavi remittendo illi Folium, quo illum honorasti. Is statim dum e China venit, adoptatus fuit in Academiam, quam instituit hic D. Joannes de Bragança, postquam ex exilio suo e Germania rediit.

Placuit mihi summopere tuum Poema germanicum, sub nomine *Lehrgedicht*, quod ego, nisi senio^{us} morbis, et negotiis impedirer, latine redderem, et nescio quid facturum sim, si Deus otium dederit: plenum enim est sententiis et principis hominis Christiani.

Mane scribens Tuas 30 Decembris 1784 ad me datas accipio, et vix credes quo gaudio: tum quod Apologiam acceperis, tum quod *Historia Cochinchinae* germanica ad Te pervenerit, quam descripsi ex Autographo Epistolas

P. Koff-

a) Auctorem Poematis lusitanici O Uruguay. Lisboa, 1769. 2.

P. Koffler. Omisi tamen multas urbanitates, quibus Pater alloquebatur Comitissam *Fuggeriam*, quae ei multa munera et curiosa transmiserat, quibus Imperatorem Cochinchinae in bonum fidei sibi devincire posset, v. g. horologium majus pro mensa, picturas, imagines Sanctorum, &c. item alia, quae ad Historiam non pertinebant, quam solam post mortem Patris, qui tunc adhuc mecum in carceribus erat, conservatam volebam. Quare auctorem in fronte Libri apponas.

Vive et vale.

Tuus Tibi devotissimus

L. Kaulen.

Mitto, quae mihi directe ex Aula Pekinensi venerunt.

Quatuor pastulas extractus Herbae Théanae, cum instructione usus.

Instructio circa Extractum Herbae, quam Germani vocant Thee, Lusitani vero Xai.

茶

Tscha

葉

*optimae
speciei*

三半

*conden-
satum.*

Extra-

Extractus hic in China conficitur. Mittunt magnam quantitatem foliorum Herbae melioris cum aqua super ignem, donec fiat concoctum satis forte. Haec aqua emendata a foliis, et aliis impuritatibus iterum super ignem ponitur, donec fiat satis crassa, et spissa, quae divisa in portiones parvas, soli exposita indurescit et conficit hos orbiculos, seu panes, quos vides positos super folia aut laminas. Satis caro pretio in China venduntur, quia multum Herbae Theanae infumitur, ut vel parva quantitas conficiatur, praesertim si legitima sit, sicut haec, quae mihi transmissa fuit a Mandarino Exjesuita P. *Josepho Bernardo* Lusitano, membro Tribunalis mathematici.

Virtus hujus Extracti est :

Contra Anginam, (*Esquinencia* Lusitanice) contra qualemcunque inflammationem oris, gutturis, et maxillarum cum dolore dentium, &c. conservando in ore frustillum donec liquecat: hoc modo liquidos facit, et attenuat humores crassos, qui exspuuntur cum saliva. Etiam bibitur sicut Thé ordinarium, liquefactum in modica quantitate, in aqua fervente. Servit etiam contra phlegma, diminuit dolores capitis, et oculorum; expellit somnolentiam; provocat urinam; mollicat ventrem; curat sanative scabiem, plagas, adustiones, &c.

Porro mitto *Medicinales petras, globulos, et Tabellas confectas ex Porco espinho a)*, Lusitanice. Germ. *Stachelschwein*. In India sunt multo maiores, quam in Germania, et propter pastum alterius virtutis. Hac tabellae praecipue componuntur ex stomacho, vel ventriculo dicti animalis, exsiccato, et in pulverem redacto, cui adduntur variae aliae medicinales res, praecipue radix arbusi *Calambá* dicti. Omnia rediguntur in massam cum extracto absinthii. Remedium hoc plurimum valet contra morbos procedentes ex debilitate et frigore stomachi, contra indigestiones, obstructions et dolores ventris, febres

a) *Hystrix dorsata* Linn.

fabres intermittentes diurnas, anxias, calores suffocantes, vertigines, convulsiones hystericas. Optimum est in principio hydrophobiae, et in accidentibus aëris cum defectu respirationis et sensibilitatis. Sumitur in quantitate mediae octavae (semidrachmae) in vino, aut aqua Theana.

III.

Alia Epistola Rev. Johannis Loureyro.

Vlyssipons, 26 Junii,

1791.

Clarissime, ac Colendissime Domine!

Literis Tuis ad me benigne datis aegre distuli rescribere. Laborabat iam tunc sub prelo *Flora mea Cochinchinensis*, sperabamque brevi finiendam, ac Tibi mittendam, prout grato animo promiseram. Sed me sefellit nimia mora in officina typographica Academiae nostrae Vlyssiponensis, biennium infumens, priusquam in lucem ederetur, editaeque Florae exemplaria sic adhuc Auctori negabantur, ut nondum compos fierem mea distribuendi. Longum foret, nec juvat acta referre: unum dicam, me contentionum pertaesum nec de rebus Academicis amplius curare, nec de quibuslibet aliis scientificis, quae longo tempore, magnoque conatu in adversaria collegeram. Aetas mea plus quam septuagenaria, ac tam animi quam corporis aegritudines serio admonent, ut de brevitate vitae, potiusque de aeterna, totus cogitem.

Libros de Scientia naturali, et Historia, quos mihi dono misisti, simul cum Literis, gratus accepi, proque acceptis gratias ago. Tradidi R. D. *Laurentio Kaulen* quidquid illi consignasti. Vivit adhuc bonus iste Vir, verus Israelita: sed ita aegre vivit, ut vix possit e lecto pedem efferre.

Hanc meam epistolam Tibi sedulo mittendam commisi honesto viro, qui hinc Rothomagum Gallias iter parat, inde-

indeque in Helvetiam, patriam suam. Huic pariter commisi, Tibique offero exemplar unum *Florae* meae *Cochinchinensis*, binaque Volumina eruditionis Arabicae recentior in Lusitaniam translatae a).

Libros Sinenses, quos habere optabas, non potui in Lusitania reperire, quod apud Sinas difficile non esset. Paucos antea illic commoratus possedi, sed in reditu meo demisi, quia in Europam transportandi facultas non erat.

Vale, Clarissime Domine, Tibique obsequuturus maneo, licet votis magis paratus, quam viribus

devotissimus cultor

Joannes de Loureiro.

Commemorati a *Joh. de Loureiro* libri fuere sequentes:

P. *Prosperi Intorcettae*, S. I. Sinarum scientia politico-moralis, cum characteribus sinicis, et versione latina. In Vrbe *Kangtscheu*, 1667. fol. et Goae, eod. a. in fol. Vid. *Lambecii* Commentarii de Caesar. Biblioth. Vindob.-L. VII, p. 349.

Novum Testamentum Japonice, in Vrbe Miaco impressum a Soc. Jesu, ante a. 1613. in fol. min.

Ra cu yo xu, s. Dictionarium Japonicum. In medio tituli sunt insignia Lusitanica, infra quae legitur latine: *In Collegio Japonico Nagosaccano Societatis Jesu, cum facultate superiorum*, Anno MDXCVIII. fol. min. Mentionem huius libri fecit Cel. *Thunberg*, Itinerum tomo II, Parte 2, (versionis germ. Berolin. p. 44.) quem postea in litteris 1795 certiore reddidi, esse istud Lexicon in Bibliotheca Reip. Gallicae b).

IV.

a) Fr. *João de Sousa* Vestigios da Lingua arabica em Portugal. Lisboa, 1789. et Documentos arabigos. 4.

b) Catal. Biblioth. Paris. n. 381. ap. *Fourmont* Gram. Sn. p. 503.

IV.

Notitiae Cochinchinenses.

In Regnis *Tunquini* et *Cochinchinae* obtinet *Lingua Annamitica*, ut et in regno *Cau bang*. Omnes utuntur characteribus *Sinensium*, diverso tamen scripturae modo, *Japonico* confimill.

Tunquineses in sua lingua nostras omnes exprimunt litteras, excepto uno *z*.

Tôi, *ego*; mày, *tu*; nó, *ille*.

Tôi yêu, *ego amo*; mày yêu, *tu amas*, &c.

Numerales.

1. nhứt, môt.

2. hai.

3. tang, ba.

4. bốn.

5. lang.

6. lục, sáu.

7. bảy, thất.

8. tám.

9. díchín.

10. muôi.

11. muôi môt.

12. muôi hai.

13. muôi tang.

14. muôi bốn.

15. muôi lang.

16. muôi sáu.

17. muôi bảy.

18. muôi tám.

19. muôi díchín.

20. hai muôi.

21. hai muôi môt.

30. ba muôi.

40. bốn muôi.

50. lang muôi.

60. sáu muôi.

70. bảy muôi.

80. tám muôi.

90. díchín muôi.

100. tlam, môtlam.

150. môtlam ruôi.

500. nang tlang.

1000. nghìn.

5000. nang nghìn.

10000. muôn.

primus, thú nhứt.

secundus, thú hai.

tertius, thú ba.

quartus, thú bốn.

quintus, thú lang.

sextus, thú sáu.

septimus, thú bảy.

octavus, thú tám.

nonus, thú díchín.

decimus, thú muôi.

undecimus, thú muôi môt.

duodecimus, thú muôi hai.

Plura

Plura dabo in *Bibliotheca mea glottica universali*.
 Vid. *Alexandri de Rhodes, S. I. Dictionarium Annamiticum, Lusitanum et Latinum. Romae, 1651. 4.* Eod. anno ibidem prodiiit *Catechismus pro iis, qui volunt suscipere Baptismum, in octo dies divisus, ac Latina et Tunchinensi i. e. annamitica lingua distinctus. 4.* En specimen ex rarissimo hocce libro linguae *annamiticae*.

Pag. 5. Phép giảng tam ngày. Ngày thứ nhất. Catechismus divisus in octo dies. Dies primus.

Ta cầu cũ đứ'c Chúa blò'i giúp'ứ'c cho ta biét rõ
 tu'ớng đạo Chúa là như'ang nào.

Suppliciter petamus ab optimo Caeli Domino, ut adjuvet nos ad hoc, ut intelligamus probe Domini legem.

vì bây ta phải hai ó' thê nă'y cháng có ai sô' lâu;

intelligendum autem ad hoc est, neminem esse in hoc speculo, qui diu vivat;

vì chu'ng ké dền bảy tám mu'oi tuêi cháng cò nhèo;

nam vix pertingitur ad septuagesimum aut octogesimum aetatis annum:

vì bây ta nên tìm dăng nào cho ta du'óc sô' lâu,

igitur quaerendus est a nobis modus, ut possimus diu vivere,

là kiém hàng sô' bảy;

hoc est, vitam sempiternam adipisci; vel.

Dialecti

Dialecti Linguae annamaticae sunt in regno *Lao*, Sinis *Lao-tschua*, et in *Ciampa*, regione australi *Cotſchin-tſchinae* sive *Cotſchin-sinae*, id est, *Sinae occidentalis-Cambodſchae* regnum annamiticè *Cao mién* adpellatur.

Alexander de Rhodes, Avenionensis, cum socio suo *Petro Marchez*, e regno Tunquinenſi (ubi 1634 ultra 30000 Christiani numerabantur) expulsus, circa 1631 *Cochinchinensem* Missionem adornavit, postea vero exsilire cogebatur, trucidato neophyta *Andrea Cochinchinensi*.

Vid. eius *Relazione della gloriosissima morte del Nefito Andrea Cocincinese, decollato per la S. Fede*. In Roma, 1652. 8. Gallice: *Relation de tout ce qui se passa à la Cochinchine; à Paris, 1653. 8. Histoire de ses Voyages depuis 1618 jusqu' à l'année 1653. 4.*

Cochinchinensia quoque occurrunt in libro: *Relation des choses de la Mission de la Compagnie de Jesus au Japon en 1649. à Paris, 1655. 8.*

Hieronymus Majorica, *Christophorus Borro*, atque *Johannes Philippus de Marini* continuavere Missionariorum labores. *P. Majorica* scripsit ultra 48 tractatus theologicos in lingua annamitica, qui commemorantur in Catalogo Biblioth. Paris. n. 140—153.

Cristoforo Borro *Relazione della nuova Missione de' Padri della Compagnia di Giesu nel Regno di Cocincina.*

Roma,

Roma, 1631. 8. *Gallice*, à *Rennes*, 1631. 8. *Germanice*, *Wien*, 1633. 8.

Relazione de' felici successi della S. Fede predicata da' Padri della Compagnia di Giesu nel Regno del Tunchino; *Roma*, 1650. 4. *Gallice*, à *Lyon*, 1651. 4. *Latine*, *ibid.* 1652. 4.

Delle Missioni de' Padri della Compagnia di Giesu nel Regno del Tunchino. *Roma*, 1663. 4. *Venez.* 1665. 12. 2 Vol. *Gallice*, à *Paris*, 1666. 4.

P. Horta *Lettres sur la Cochinchine; Lettres édifiantes.* à *Paris* 1773. *Drey Schreiben eines gebornen Schlesiens an einen seiner Freunde in Deutschland* (*P. Bon-schab*) *Augsb.* 1781. 8. pag. 23.

Indefessus Missionarius Horta a. 1768 in carcere obiit. Jam antea *P. Gasparus Crüz*, *Juliacentis*, capite plexus fuit, *Mandarinorum Cochinchinensum* persecutione.

Dum haec scribo, adfertur *Augusta Vindelicorum* amicissimi *Dom. Eckarti* epistola, qua me docet, meliorem fore *Christianorum* conditionem in regno *Cochinchinas*.

E novissima Relatione Madritensi, -6^{ta} Aprilis,

1803.

Mexicani memorant, se *Phillippinis* ab *Insulis* nuncium accepisse, iniustum Regni *Tunquinensis* possessorem adversus legitimum Regem, qui modo ad Regni *Cochinchinensis*

chinenſis guberhacula ſeder, bellum moviſſe, navali autem proelio ita eſſe proſtratum, ut omnia plane navigia amiſerit, et campeſtri inſuper in pugna magnam fuerit cladem perpeſſus. Strages iſthaec Miſſionariis ſummopere favet: etenim Vſurpator iſte *Tunquini*, hoſtis rei *Chriſtiane* longe acerrimus, ſe Religionem orthodoxam, ſuis in confinibus florentem, intra triennium penitus extirpaturum, ſacramento ſeſe obſtrinxerat.

Pag. 94. lin. penult. l. num. IV.

Index Capitulorum.

	Pag.
CAPUT I. De Regno Cochinchinensi.	
§. 1. Regni incrementum.	17
§. 2. Regni situs, et limites.	25
§. 3. Clima, ac fertilitas.	29
§. 4. Regni suas in provincias divisio, munitiones, domicilia.	32
CAPUT II. De Regis cultu, majestate, et potentia.	
§. 1. Regis inauguratio, proclamatio, venatio.	34
§. 2. Regis pompa, et custodia.	38
§. 3. Militia.	41
CAPUT III. De Regis aula, et recreatione.	
§. 1. Palatium regium.	44
§. 2. Concubinae regiae.	48
§. 3. Musica. Mensa regia. Comoediae.	53
§. 4. Elephantum exercitatio.	54
§. 5. Tigridis venatio.	57
CAPUT IV. De Reginine.	
§. 1. Mandarinorum tres classes.	60
§. 2. Eunuchorum auctoritas.	62
§. 3. Tribunalia tria, Consilium aulicum, militare, et capitale.	64

CAPUT

**CAPUT V. De Cochinchinensium figura, moribus,
labore, dexteritate.** Pag.

§. 1. Corporis habitus. 66

§. 2. Modus loquendi, sedendi, comedendi,
hospites excipiendi. 68

§. 3. Familia domestica. Oeconomia. Commer-
cium. 70

§. 4. Artes mechanicae, et liberales. 71

CAPUT VI. De Religione, et Cerimoniis.

§. 1. Festorum celebritas. 72

§. 2. Nuptiarum solemnia. 76

§. 3. Sacra funebria. 79

§. 4. Bonzil 87

§. 5. Delubra, Deorum, Dearumque cultus. 90

CAPUT VII. De Christianismo.

§. 1. Verae fidei Cochinchinensi in regno initium. 92

§. 2. Rei christianae propagatio. 95

§. 3. Ecclesiae Cochinchinensis persecutio prima. 98

§. 4. Novum verae Religionis incrementum. 103

§. 5. Altera, et funestissima Christianorum clades. 106

§. 6. Modernus Christianorum status. 110


A D P E N D I X.


I. Epistola p. m. P. Johannis de Loureiro ad me
Norimbergam data. 113


II. Litterae p. m. Dom. Laurentii Kaulen. 117

III. Alia Epistola Rev. Johannis Loureiro. 120

IV. Notitiae Cochinchinenses. 122







RETURN TO the circulation desk of any
University of California Library

or to the

NORTHERN REGIONAL LIBRARY FACILITY
Bldg. 400, Richmond Field Station
University of California
Richmond, CA 94804-4698

ALL BOOKS MAY BE RECALLED AFTER 7 DAYS

- 2-month loans may be renewed by calling
(510) 642-6753
- 1-year loans may be recharged by bringing
books to NRLF
- Renewals and recharges may be made
4 days prior to due date

DUE AS STAMPED BELOW

OCT 24 2003

JUN 04 2005
3250978

